


Dwight.


Tenemus loco postry. 237


















AD LECTOREM.

EST, benevole Lector, quod hic
quoq; te scire velim: videlicet in
tres libros hanc etiam partem,
Serenissimum V L A D I S L A U M IV. R E-
G E M , repræsentantem, me distinxisse:
Quorum primus electionem ejus, co-
ronationem , & solennem legatio-
nem Romam: secundus totus bellicus,
Moscos à Smolensci mœniis pulsos,
oblessores obcessos, ad pedes usq; Re-
gis humiliatos, et, dilatatis Regni ter-
minis pacem perpetuam initam: dein-
de Amurathem Turcarum Imperato-
rem, terrore adventus Regii, ad igno-
miniosam pacem compulsum, & Bo-
russiam liberatam : Tertius totus pa-
cificus, Regnum visitatum, hono-
rem doctis exhibitum, Cæciliam Re-

(:) 2 natam

AD LECTOREM.

natam ductam & coronatam, & Prin-
cipem Sigismundum Casimirum ex
ea natum, continet. Neque de verita-
te hujus quoque partis dubitare te
volo, quia & à viris fide dignissimis,
qui ipsi interfuerunt, accepi, & non
minus, quam Primam Partem, à gravif-
fimo Senatore Poloniæ Regni, perle-
ctam, ad typum dedi. Fruere itaq;
sine scrupulo, benevole Lc-
tor, & vale.



GESTO.

I.



GES TORUM
GLORIOSISSIMI ac INVICTISSIMI
VLA DISLAI IV.
PARTIS SECUNDÆ
LIBER PRIMUS.

CAPVT PRIMVM.

ARGUMENTUM.

VLA DISLAI IV. in Poloniæ Re-
gem electio.

SUMMARIUM.

Sigismundus III. singulari beneficio Dei ad Se-
nectutem pervenit. Gustavus Adolphus Regno
eius insidiatur: Russelius Subdelegatum & lit-
teras ad varios Senatores mittit. Litteræ Sigismundo
Regi traduntur. Regis in Senatores fiducia, & Se-
natorum erga Regem fidelitas. Instrumentum lega-
tionis & litteræ comburuntur in foro. Subdelegatus

A

Russe-

² GESTORVM VLADISLAI. IV.

Russelij cum ignominia & in rusticali curru dimittitur. Filii Regis, à Republica, à tergo lateribusque Regis, in comitijs publice collocantur. Sigismundi Regis mors & laus. Comitia Varsaviae. Omnitum oculi in Vladislauum Principem, cuius Regiae virtutes enumerauntur. Mira circa Electionem ejus animadversa. Concordibus omnium votis in Regem eligitur, & latitudo universorum, ob ejus electionem.

^{Sigismundus III.} **I**Am raro Dei naturæque beneficio Sigismundus III. Poloniæ Sueciæq; Rex, ad lassæ ætatis debilitatem rugasq; pervenerat: & præceps quodammodo ad occasum vita, per minus quotidie vitæ currebat. Interim prole numerosa, paternæ virtutis æmula & hærede, in qua & vivere & regnare (si ita visum Superis) in multas generationes posset, beatus. Quod tantū solarium ejus, ille, qui tum res novas passim moliebatur, Gustavus Adolphus non parum turbavit. Veditque se vivente, & stipata adolescentibus optimis dignissimisq; Domo, in nullo Filiorum suorum degenerante, Regiis oculis suis Sigismundus, quod ille Sarmatico Scptro, per Russelium Legatum suum, insidiaretur. Venit hic damnabilibus instructus chartis: sed dum in procinctu & limitibus Sarmatiæ est, non ausus progredi, Subdelegatum cum instrumento, variisq;

^{Gustavus Adolphus Regno eius insidiatur, per Russelium Legatum suum.}

PARTIS SECUNDÆ, LIBER I.

5

variisq; ad diversos Senatores litteris, Warsaviam ad comitia mittit, timorem suum ægritudine larvans; cum, ad quam integros, incorruptibiles, Regique suo fideles, litteras destinaret, non nesciret; adeoque, ante exordium inauspicatæ rei, jam de exitu minus prospero suspicaretur. Non fugit, quâ providentia erat, Sarmatiæ universæ Senatum, novæ rei pondus: & jam sagaciter consilia subodora-
Litteræ e-
jus Sigis-
mundo Re-
gi traditi-
tur.
tus, antequam sigillum litterarum solveret, ad Situm mundum Regem se contulit, quod suspicabatur aperuit, et, quid tali in negotio fieri vellet, submissæ quæsivit. Rex, per Thomam Zamoscium Cancellarium suum, fidem ejus commendans, non
Regis in
Senato-
res fiducia.

parum Sanctioris erga se Concilii reverentia recreari respondit. In mentem quippe redire & idem gloriari posse, quod in solenni Principum externorum, qualitates terræ suæ laudantium, Sigismundus Primus; qui unicam hanc gloriam suam dixit, cum omnia possideret quæ cæteri, quod in cujusque subditi sinu ac pectore dormiretudo secureque posset. Quod ad litteras autem & Legatum attineat, etiamsi eâdem, in simili casu, quâ olim Carolus, ratione procedere posset, tamen, proniore ad clementiam natura, Cœlestium more, delinquentibus indulgere. Eant itaque, audiant, legant, consultent: neutquam se fidei eorum

A 2

diffi-

4 GESTORVM VLADISLAI. IV.

diffidere; cuius experimentum semper, & jam
vel insolentius fecerint. Dictum, factum. Inspe-
xit Sarmatiæ universæ Senatus litteras, & singu-
los abominabatur paragraphos, cum tot, in nün-
Senatoriū erga Regem fidelitas.
quam satis laudabilem Austriacam Domum, &
innoxios Societatis Jesu Patres, obliqua legeret:
cum incurabiles Reipublicæ morbos, ab hoste
prius (scilicet) quam à se animadversos, mirare-
tur: & imminentia, ab Oriente & Septentrione,
Regno mala, vera quidem, sed non, nisi Gustavo
Adolpho Polonorum Rege, avertenda ridetur.

Quasi is vero, & non Vladislaus Ariadna illa esset,
quæ Theseum hunc (Sarmatiam puto) pruden-
tiæ suæ fortitudinisque filo, è labyrintho pericu-
loso eductura esset. Quid ergo? Nunquam pro-
nior (qui vel maxime pronus semper fuit) Sena-
tus universi in Sigismundum optimum Regem
affectus elucere potuit. Unanimi quippe iterum
consensu, & hæc, & quicquid alibi litterarum e-
rat, ad eum deferebatur. Qui innocentiam ipso-
rum & integritatem laudans, eorum reliquit ar-
bitrio, quicquid faciendum porro videretur.
Litterae publicæ comburuntur in foro.
Itaque, rogo in medio fori structo, piacularibus
flammis litteræ comburiuntur: & latores, rusti-
cali plaastro ad Russelium suum revehebantur.

Tan-

PARTIS SECUNDÆ, LIBER I.

5

Tantum vero abfuit ut à prole regia, ad Gustavum Adolphum, Senatus declinaret affectum, ut iisdem in Comitiis, Terrestres Nuntii, toti⁹ Nobilitatis Legati, à Sigismundo Rege suo peterent (quod nunquam antea factum) ut Soboli Regiae locum in Comitiis faceret, à tergo lateribusque suis: ut Reipublicæ paulatim assuesceret, parentisque Regis judicia imitaretur; adeoque, tanquam successoris aliquando Regibus, ab blandi-
rentur.

Fili⁹ Re-
gis in Co-
mitiis à
tergo Re-
gis collo-
cantur.

Cæterum Sigismundus Rex, adversitate illa defunctus, integrati innocentiaeque Senatus Regni sui, experimento irritatae, porro confisus, Sarmatiam, prolemque suam, quotidianis precibus, de cætero, justo Numini commendavit. Adeoque, ut erat piissimus, continuis ad Deum votis meditationibusque Divinis, tantillum, quod reliquum erat, virtæ transsegit. Hoc quoque in extremis ei indulgentibus Superis, ut fiducia, de filio Vladislao successuro sibi, à Senatoribus ipsis concepta, pleno judicio, & omnibus Ecclesiæ Catholicæ Sacramentis munitus, Cœlestibus anima consignaret. Mortuus est, Anno post Christum natum, M. DC. XXXII. 30. Apr. Rex vere piissimus, Clementissimus, & Catholicæ fidei tenacissimus: ipse in armis fœelix, per Vladislauum filium, Divino

Sigismu-
di Regis
virtutes,
Mors, &
laus.
An. 162.
30. Apr.

A 3

quo-

6 GESTORVM VLADISLAI. IV.

quodam beneficio, felicissimus; cui adversa quædam, ex votis plurima contigerunt.

Gnesnen-sis Archiepiscopus disponit negotia Regni. Post ejus mortem Johannes Wezyk Gnesnen-sis Archiepiscopus Primas Regni, de Salute Rei-publicæ, jam suæ, sollicitus, Provinciarum Nuntios convocavit, et, prævia, contra internos externosq; hostes, confœderatione, singulis Palatinatibus dati judices, & securitati publicæ prospectum, constitutumque comitiorum tempus, quo Rex novus eligeretur.

Omnium oculi in Vladislau Principē. Interim oculi omnium in Sobolem Regiam convertebantur, cujus quælibet optimum Paren-tis optimi Epitaphium erat, in quo singulæ Sigis-mundi virtutes fuse legebantur. Maxime tamen

Vladislaus Princeps, jam hæreditarius & Serenissi-mus Suecorum, Gothorum, Vandalorumque Rex, electus Magnus Moscovia Dux, animos omnium oculosque afficiebat; cum eum quisque Regem-suum destinaret, & jam Sarmatia tacita animorum concordia veneraretur. Quemadmodum enim

Sen. Con-sol: ad Marciam agricola, eversis arboribus, quas aut ventus radicitus evulsit, aut contorsus repentino impetu turbo confre-git, sobolem ex illis residuam fovet, & amissarum se-mina statim plantasque disponit, & momento adole-scunt amissis latiora; ita Sarmatia, Sigismundo Rege defuncto, prolem ex eo residuam fovit, eamq; statim

statim ad Regnum disposuit: cum jam adolesce-
ret quotidie, immo (si ita fas loqui) adolevisset,
amissò lætior.

Inerant quippe Vladislao virtutes Regiæ o-
mnes, adeo ut sæpius, Sigismundo adhuc viventi, ^{Regie} Vladislai
Primates, de absolutissimo filio congratularentur, ^{Vladislai} virtutes.
& felicitatem suam deprædicarent, quod non ali-
bi quærrendus illis Poloniæ Rex, sed in ipsa Sar-
matia & prole Regia esset. Prudentia quasi ingeni-^{Pruden-}
ta erat, quæ à puerò Principem, per adolescentiam, ^{tia.}
comitata nunquam fefellerat. Immo tantù jam o-
lim apud hostes Moschos valuerat, ut ab illis, pro-
pemodù adhuc puer, & maximo Imperio sufficere
judicaretur, & in Magnum Ducem eligeretur.

Temperantiâ omnibus in aula versantibus ^{Tempe-}
exemplo fuerat, plurimis incitamento: Nomen-^{rantia.}
tanos, Apicios, & Mœcenates, terrarum ac maris
bona conquirentes, & super mensam recogno-
scentes omnium gentium animalia, & ebrietate
quotidiana vertiginosos, semper aversatus; me-
mor plenissimos esse voluptatibus stultissimos
quosque, & nequitiam abundare jucundis: magis
amans remissas Sapientum voluptates & modestas,
languidas fere compressasque, immixtas interpo-
fitasque vitæ, ut inter seria ludi. Jam vero, affecti-
bus domandis, robustissimo Semper animo fuerat,
^{BUTY} ne mi-

8 GESTORVM VLADISLAI. IV.

ne min^o, inter quotidianas victorias, fortis animo,
quam manu viribusque diceretur: non ignarus
sen.lib.4 gentes facilius esse barbaras impatientesque alieni ar-
de ben. bitrij regere, quam animum suum continere & tra-
dere sibi.

Clemētia Clementia, licet adhuc sub Patre & nondum
omnino sui juris, tamen s^apiuscule se ostendebat,
cum & hostibus c^adi destinatis aliquando parceret,
pro suppicio adjudicatis intercederet, nec
inimicos quidem suos & adversarios, pro aliorum
voto, ulcisceretur. Et recte hoc quidem ad mo-
rem Cœlestium, & optimæ gubernationis nor-
sen lib.1 mam. Quod si enim Di placabiles & qui delicta po-
de Clem: tentium non statim fulminibus persequuntur: quanto
& quius est hominem hominibus præpositum miti animo
exercere imperium, & cogitare, utrum Mundi status
gratior oculis pulchriorque sit sereno & puro die, an
cum fragoribus crebris omnia quatuntur, & ignes
hinc atque illinc micant. Atqui non alia facies est
quieti moderatique imperij, quam sereni Cœli & ni-
tentis. Crudele Regnum turbidum, tenebrisque obscu-
rum est, inter trementes & ad repentinum sonitum
expavescentes, nec eo quidem, qui omnia conturbat,
inconcuſſo.

Humani- tas. Humanitate, comitate, affabilitate, tantum
Sarmatas alios supergressus erat, quantum ipse di-
gnita-

PARTIS SECUNDÆ, LIBER I. 9

gnitate super cæteros omnes eminebat: nam cum utilem se efficere civibus suis mortalibusque universis proposuisset, non tantum paratus erat pentibus aliquid, sed obvius; nunquam contracta cuiquam fronte rugosus, sed liberalis, latus, lenis. Adeo ut Serenitate mentis, antequam Rex, jam Serenissimus esset: occulto virtutis & naturæ suæ genio ad summa trahente, ut jam hoc possideret, unde Reges Serenissimi nominantur, antequam eligeretur, antequam coronaretur. Neque enim ego ullam aliam ob rationem Reges Serenissimos appellatos judicaverim, quam ut jugiter Serenitatis suæ memores, eandem plane faciem servarent, lata, comem, placidam, & inconcussam.

Fortitudinem tot præliis, certaminibus, hosti-
busque devictis, tot per annos, tot per arma, tot
per hostes probatam, non poterat Orbis satis ad-
mirari: qui juvenilibus annis, plures, potentiores,
formidabilioresque hostes vicerat, quam cana æ-
tate etiam felicissimi Duces consuevissent. Quid
Moscovia vastius? Quid Turcia populosius? Hanc
terruerat, illam subjugarat: huic Leges posuerat,
illi imperarat: istorum potentiam & Imperium
tantum non everterat, horum paucis, non dico
annis, non dico mensibus aut septimanis, sed die-
bus, concusserat & debilitarat. Adeo ut verius de

B illo,

illo, quam Pompeio Magno, illud Ciceronis usurpari posset, eum tam périculosum Bellum tam par
*Orat. pro Lege Ma-
jorib.
pi:* vo tempore confecisse, quantum aut ab omnibus Imperatoribus uno anno, aut ab uno Imperatore omnibus annis, confici posse videretur. Felicitatem vero, cum per tot victorias, nunquam interruptas, nunquam corruptas, comitata fuisse, comitaturam porro, Cœlesti beneficio, sperandam esse.

*Liber-
litas.* Regia demum illa virtus liberalitas, in Regio Vladislai animo altius radices fixerat, adeo ut liberalissimus Principum sui temporis merito diceretur. Inerat quippe illi particula quædam Divinæ auræ; adeoque liberalius de facultatibus suis dispensans, non tristi, non rugosa fronte, nec rogatus multum, sed ultro quotidie offerebat. Jucundiora enim sunt, quæ humana facie, leni, placidaque tribuuntur, quæ cum dat superior non insultat, sed descendit in æquum detrahens muneri suo pomparam. Recte ad naturam beneficij, quod conferre, non perdere liberalitatem, Vladislaus cupiebat.

*Sen: lib. I
de ben:* Quid enim beneficium est? Benevolæ actio tribuens gaudium, capiensque tribuendo, in id, quod facit, prona, & sponte sua parata. Hac itaque vera liberalitate omnium animos sibi colligabat. Quæ profecta tanta in hoc Regio Principe semper emicuit, ut alias, & apud exterias nationes degens, tam copiose dona.

PARTIS SECUNDÆ, LIBER I.

ii

donaret, ut à quibusdam etiam declinare nonni-
hil ad alteram partem judicaretur. Sed nesciebant
illi, quod in aliis vitium, in Regibus Principibus-
que virtutem esse, quos eo loco fortuna posuit, ex quo ^{Sen:lib.5} largiri multa possunt, & quos armis quam beneficiis ^{de ben:}
vinci minus flagitosum est.

Suspiciobat ergo Sarmatia Universa hanc Re-
giam indolem, hunc integerrimum animum, in
quo omnes virtutes Regiæ, imo, quod amplius, ^{Anhelab-}
boni Viri, non tantum inerant, sed etiam emine-^{bant Sar-}
bant. Quid enim aliud, si liceret inspicere, in boni ^{mata Vlt}
viri animo inveniremus? Pulchram faciem, inquit ^{dislaum} Regem.
Seneca, sanctam, ex magnifico placidoque fulgentem ^{Epist. 95.}
videmerimus: hinc justitia, illinc fortitudine, hinc tem-
perantia prudentiaque lucentibus. Præter has fruga-
ritas, Cōtinentia, Cōtolerantia, Cōlibertas, comitasq;
Cōquis credat?) in homine rarum humanitas bonum,
splendorem illi suum affunderent. Tum providentia, tū
elegantia, Cōexistis magnanimitas eminētissima, quan-
tu, Dū boni, decoris illi, quantum ponderis gravitatisq;
adderent? Quanta esset cum gratia authoritas? Nemo
illum amabilem, qui non simul venerabilem diceret.
Quidhorum in absolutissimo Vladislao non vidi-
mus? Ideoque hunc boni Viri, & hunc Regium-
vere animum, promiscue omnes non amabilem
tantum, non venerabilem tantum, sed Sarmatico

12 GESTORVM VLADISLAI. IV.

Sceptro dignissimum agnoscentes, imperare sibi
anhelabant: unum illum, plus quam oneri illi pa-
rem, qui Sarmatiam sustineret, & liberrimis no-
bilissimisque Viris mentibusque jura daret, præ-
dicantes.

Et jam determinatum tempus comitiorum
adérat, & paulatim Senatores, Episcopi, Palatini,
Castellani, Nuntii terrestres, Nobilesque conve-
Comitia
inchoan-
tur.
niebant, cum, tentoriis extra Warsawiam in aperto
campo fixis, fossa Primates à vulgaribus distingue-
rentur: extra quam, caupones, lixæ, calones, castris
quodammodo exesse jussi, & à nucleo nobilitatis
secreti, degerent. Tum jucundum illud risuque
dignum contigit quod, cum Senatores omnes, Pa-
latini, Castellani, Capitanei, aliisque promiscue
Nobiles, propter obitum Sigismundi Regis pulla-
veste convenissent, neminemque jam velamenta
distinguenter, promiscue Baietto tecti, saepius hu-
milioris conditionis homines, præsertim si linea-
menta corporis, gravitas, incessusque venerabiles
proposuisset, Senatoribus & Palatinis ignoti, ab
iisdem non vulgariter, sed pro Magnatibus hono-
rarentur.

Duo no-
tabilia
circa ele-
ctionem
vladislai
Cæterum multos dies, immo Septimanias, de
legibus & conditionibus, novo Regi prescribendis,
& ab ipso ratificandis, tenuit, antequam ad electi-
onem

onem descenderetur. Cum autem convenire præstituto tempore nequivissent, consultius visum eligere, & iterum convenire. Duo autem notabilia & maxime rara, circa novam illam electionem, acciderunt. Alterum, quod toto consultationis & electionis tempore, noctibus singulis à Cœlo pluvia deorsum fusa, mira vicissitudine, dies serenissimas semper natura indulserit: adeo ut, cum de Serenissimo Vladislao Principe eligendo universorum mentes occuparentur, favere Superi, applaudere Cœlum, & ipsa rerum natura videretur. Alterum, quod, inaudita felicitate, Vladislaus æmulum in electione nullum habuerit: Ita mentes omnium, seu desperatione, seu reverentia, seu affectu, cum dighissimum omnes judicarent, in unum conspiraverant. Intercessere ipsi Serenissimi Fratres, Romanus quoq; Pontifex Urbanus VIII. Romanorum Imperator Ferdinandus II. Filius eius Ferdinandus III. Hungariæ Rex, aliisq; Placuit Reipublicæ, quod propositum suum, tot exterritorum Principum intercessionibus erigeretur. Nihil ergo restabat, nisi ut vota in voces crescerent, & qui jam animo Rex nominabatur, verbo diceretur. Solum hoc tempus remorabatur, quod tardius, exorbitantium affectu votis currere videbatur. Sed tandem & ipsa adfuit exoptata o-

mnibus serena fronte dies, Vladislaum viduæ
Sarmatiæ Regem, Sarmaticum Vladislao colla-
tura Regnum. Itaque, quod felix, faustum, for-
tunatumque, in campo sub dio Reipublicæ capi-
ta convenere; adfuit Generosa & ipsa votis con-
cursura Nobilitas, & plebs innumerabilis Warsa-
viensibus effussa portis, ad Solemnitatem curiosa-
convenit. Johannes Wezyk Gnesnensis Archie-
piscopus Primas Regni, unde initium rerum
omnium, à Deo cœpit. Et Sacrum de S. Spiritu
hymnum, populo succinente, de geniculis in-
choavit. Tum, prævia Oratione, ad talem eligen-
dum Regem universos exhortatus est, qui Eccle-
siæ Catholicæ ornamento, Reipublicæ Polonæ
præsidio, Sarmatiæ universæ emolumento futu-
rus judicaretur. Ne autem judicia humana falle-
rent, rogandum Deum Ter Optimum Maximū,
ut instillare sensibus omnium & intellectui, di-
gnissimum non dignetur. Iterum ergo in ge-
nua provoluti adoravere. Interim vero (quod in
tanta hominum plusquam centum milliū mul-
titudine miraculo simile fuit) tam profundum,
silentium erat, ut ne hinnitus quidem equi, non
tussis male sani, non murmur aut strepitus audi-
retur; immo ne hominum quidem umbra præ-
sens fuisse videretur. Tum vero, cum illa Senato-
rum Primateque Majestas se sursum movit, ora
omni-

omnibus sua rediere: ita geminato murmure, ut tacuisse tantum ad ingeminandas, recepto spiritu, voces viderentur. Inde mutua reverentia ab invicem discedentes, singuli Palatini ad singula tabernacula se contulere: & votum ipsi suum primo emittentes, à Pramatibus Nobilibusq; singulis Palatinatus sibi collegere.

Hinc tertium, in ipsa jam electione, rarum emersit. Cum enim Palatini, ad circulum subdio reversi, universorum vota apud Archiepiscopum Gnesnensem deponerent, insolenti quadam concordia, ita in unum Vladislauum conspiravere, ut è tot millibus non unum fuerit, quod ad alium dirigeretur. Singulare hoc Dei beneficium erat, pacis & concordiae Principis, qui eandem omnibus mentē Divinitus instillaverat. Amoris & affectus indicium erat, cum, quem pectore suo clausum singuli gessissent, communibus votis aperuissent. Immo & omen erat felicissimum fore, & concordiam pacemque subditis universis collaturum, in quēm tam feliciter & fortunate, tot diversarum suffragia gentium, & Polonica, & Lithuania, & Russica, & Borussica, & Masovitica, & Podolianca concordassent. Quem Senatores omnes, & Nobilitas universa, & Civitates præcipue, quibus serendi, in electione Regum suffragii jus competit, pari desiderio anhelarant, unā omnes elegerant mente ac voce.

Omnium
votis Vla-

dila⁹ Rex
electus.

Mense
Novemb.

Anno

1632.

Sic

*Electus
Rex pro-
clamatur* Sic etiam Archiepiscopus Gnesnensis accepit, & consilia divina miratus, Deū laudans, Sarmatiæ novoq; Regi tacite congratulabatur. Itaque hilari fronte ad Marscalcum Regni Lucam Opalinum conversus, Serenissimum Vladislaū hæreditarium Suecię Regem, electum Magnū Moscovię Ducem, nunc electū Dei gratia Poloniæ Regem & Magnū Lithuaniæ Ducem, non sine voluptate utriusq; declaravit. Marscalcus Magnatibus Regni, inde populo universo, electum Vladislauum Poloniæ Regē, & Magnum Lithuaniæ Ducem, vicissim aperuit, & primus votivam illam lātitiaæ congratulationisq; plenā vocem, *Vivat*, ingeminavit. Tum vero universa multitudo imitata Marscalcum, eandem vocē cum sc̄enore reddidit, tanto reboatu, ut multorum auditus periclitaretur, cum tot millium guttura ad raucedinem laborarent. Inde, cum promiscuum vulgus c̄apisset vociferandi vovendiq; satietas, ad agendas Deo, pro concessa felicitate, gratias, Senatores cōvertebantur. Et Gensnensis Archiepiscop⁹, SS. Ambrosii & Augustini hymnū. *Te Deū Laudamus*, solenniter inchoavit: qui Musicorum vocibus, Chelis & Cymbalis continuatus, & tandem modeste plerorumque circumstantium vocibus, præ lātitia, quasi coadjuvantibus, absolutus, fortunatissimæ coronidem electioni imposuit.

GA.

CAPVT SECUNDVM.

ARGUMENTUM.

V LADISLAI IV. in Poloniæ Re-
gem Coronatio.

SUMMARIUM.

Reges à natura monstrari: quæ varias Cære-
mias, ad eos à vulgaribus distinguendos, excogitavit.
Hæ Cæremoniæ explicantur: & quod Reges ab ijsdem
officii sui admoneantur. Polonia anhelat coronationem
Vladislai IV. ut maturius ejus virtutibus, ab invasio-
ne hostrum liberetur. Sed Vladislaus, febri corre-
ptus, & septimanis aliquot lepto affixus, vota omnium
nonnihil retardat. Tandem tamen convalescens Cra-
coviam proficiscitur: quam Summa magnificentia &
pompa ingressus, postridie Parentibus suis justa per-
solvit, & Anno 1633. 6. Feb: die Dominica, solenniter
coronatur.

Quemadmodum Reges natura monstravit, ita
modum quoque suggestit, quo à vulgaribus
distinguenterunt, & non uno titulo venerabiles Ter^{Natura}
rarū Orbi proponerentur. Ad hœc Diadema, Sce-^{Reges}
trum, Pomum aureum, Gladium, Sacram unctio-^{monstra-}
nit, Dalmaticā, piviale, & tot cæremoniæ, in coro-
nati

natione adhiberi solitas, excogitavit partim, partim etiā revelatione Divina accepit, ut & secularib⁹ & Ecclesiasticis gradibus, ad dignam eminentiæ suæ Majestatem, Reges ascenderent: quæ omnia tamen vicissim Reges officij sui commonefacerent; ut quot Ceremonijstotidem fere Sacramentis, adjustum Reginen, instruerentur. Quid enim oleum, quo primo inunguntur, aliud, quam ut, à Deo faciendum initiū, doceantur, et, sine ope Divina, tanto se operi impares, & infirmos cogitent; cujus, per unctionem, benedictione, in omnibus cōfirmantur? Quid, inmediate post unctionē, piviale & Dalmatica, nisi ut, quatuor initijs formato pallio, de potentia Dei pariter moneātur; cui quatuor partes Orbis subjectæ, & cujus indulgentia Reges

Ceremo-
nia coro-
nationis
Regie
quid si-
gnificet. terram possident? Quid gladius, nisi ut, justitiæ memores, huius adminiculo, puniant improbos, molem iniquitatis, & hostes, destruant, & Ecclesiā, populosque sibi subjectos, à periculis fortiter tueantur? Quid Diadema, nisi ut eminentiam suam cogitent, et, quemadmodum dignitate & honore reliquos homines, ita rebus optimis quoque præcedant; nec virtute minus, quam præmio virtutis emineant: præsertim quia *nec quid omni*
Regis ad exemplum totus componitur Orbis?
Denique (ut singula non discutiā) quid Scept-
rum

rum sive virga, nisi ut, unde Reges nominantur, moderati regiminis recordentur, et, procul tyrannide, se populorum quasi Magistros cogitent, et, è subditis, malos terreant, bonos elevent, errantes autem & dubios, aut doceant, aut confirmant? Recte ergo, tum ad dignitatem eorum, tum ad utilitatem etiam, statim post electionem, vel ipso auspicio sui regiminis, Diadema Reges coronantur; ut uno semel compendio, & sui, & officii sui, à Cæremoniis ipsis admoneantur.

Itaque amabat quoque Polonia Vladislauum IV. quem ob easdem rationes in Regem suum elegerat, cæremoniis etiam solitis solenniter confirmari: & amabat impensius, & serio magis, quo maturius ejus virtutibus erigeretur, & ab insultibus hostium Respublica liberaretur. Jam enim & Sarmatiam Mosci intraverant, imminebant Turcæ, vagabantur Tartari, & è longinquo Sueci minabantur. Et anhelabat ipse Vladislauus etiam, ut dignitate consummatâ, expeditus in hostes & prælia proficeretur; adeoque Regnum maximum, quod ob virtutes Regias omnes electione accep-^{Regis in-}
^{firmitas}
^{coronatio}
^{nem re-}
^{tardat.}rat, vicit in circuitu hostibus, pacifice posside-
ret. Sed ipsius, & omnium vota, importuna, post electionem ejus, infirmitas nonnihil retardavit. Acutissima enim febri correptus, maximo omniū

cum dolore, decubuit, & non, nisi post Septimanias aliquot, vires recepit.

*Conve-
lscens
Cracoviā
profici-
citur.*

Ut primum autem valetudo in melius ivit, ad consuetum hujus solennitatis locum, Cracoviā am profectus est. In cuius viciniam cum venisset, in amenissimo prædio Cellariorum, medio citer à Cracoviā milliari, noctem unam transgit. Ubi illuxit, tanta Senatorum, Capitaneorū, Nunciorum Terrestrium, & promiscue aliorum Nobilium, ad cohonestandum eius ingressum, multitudo confluxit, ut numerosi exercitus speciem præberet. Superant enim, in hac parte, omnes facile Nationes Orbis, Poloni, quas non numero tantum, sed etiam splendore transcendunt.

*Ejus so-
lemnis in-
gressus An.
1633.
3. Feb.*

Itaque Vladislaus Rex, aliquot Nobilium milibus comitatus, ea magnificentia Urbem ingressus est, ut triumphū potius quam ingressum diceres. Præcedebat Archiepiscopus, quem Episcopi, Palatini, Castellani, Capitanei, Nuncij Terrestres, externorum Principum Regumque Legati, & alijs æmulo vestium apparatu, suo quique ordine, Nobiles comitabantur: quorum aliqui, præsertim Senatores, centenis aliquot famulis, pro more Patriæ, comitati, Hunnorum alijs, Gothorum Wandalorumque alijs, Turcarum, Tartarorum, Persarum, & Hungarorum alijs, & omnium fere gentium, aut ut viguit

viguit olim, aut ut usurpant modo, habitum refe-
rebant. Nec interim Cracovienses feriabantur:
quorum alii, è tota Pentapoli, in occursum Re-
gium, multis cuneis egrediebantur: alii expur-
gatas plateas pinearum semper virentium sertis,
& parietes ædium tapetibus variis exornabant.
Sic Rex, extra Urbem, à diversis, diversorum Cra-
coviensium Oppidorum, Senatoribus Saluta-
tus, sub aureo Cœlo, inter frequentes tormen-
torum explosiones, in Urbem equitabat, & Re-
gium deinde Palatum, inventionibus novis &
variis exornatum, subiit.

Antequā autem coronaretur, placuit prius Se-
renissimis Parentib^{us} suis nam Regina quoq; non
ita pridem obierat) justa persolvere. Quod se-
quenti die omnium Senatorum comitatu factū,
prosequentibus, Orationibus gravissimis, typoq;
vulgatis, Mathia Lubinski Plocensi Episcopo, &
Johanne Lipski, tunc quidem Culmensi & Po-
mesaniæ Episcopo, nunc autem Archiepiscopo
Gnesnensi, Primate & Primo Principe Regni.
Tertia autem ab ingressu die, more Regibus Po-
lonorum consueto, pedes, licet nondum omni-
no in valetudine confirmatus, rupeculam Cas-
mirianam ascendit, & S. Stanislai reliquias vene-
rabatur.

Ijus in Regē Po- minica, ad solennia coronationis processum est.
lonia co-
ronatio
6. Febr. Sexta demum Februarii die, quæ erat' Do-
Tum Johannes Wezik Gnesnensis Archiepisco-
pus, Pontificaliter indutus, cum diversis Episco-
pis, Abbatibus infulatis, & toto Clero, ad Palati-
um Regium processit: quod cum Episcopis so-
lis ingressus, Regem (per Marschalcum interim,
sandaliis, tunica, chirothecis, alba, Dalmatica,
Pallioque vestitum) inter Primores Regni stan-
tem, aqua benedicta aspersit, & acceptum, inter
Episcopos Cracoviensem & Cuiaviensem, me-
dium, præferentibus Senatoribus, quibus hoc
officii est, Coronam, Sceptrum, pomum aureum,
& gladium evaginatum, ad D. Stanislai Basilicam,
solenni processione deduxit. Ibi, postquam re-
galia, qui ea portabant, Senatores, in altare de-
posuissent, & Rex, ex concepta formula, jura-
mentum, de servandis & manutenendis Juribus,
Privilegiis, Libertatibus Ecclesiasticis & Seculari-
bus, privatis & publicis Regni & M.D. Lithuaniae,
præstitisset, Dalmatica & pivali exuebatur: qui-
bus, cum ab Archiepiscopo oleo Sacro effet inun-
ctus, solenniter iterum indutus, ab eodem Archi-
episcopo gladius, ejus dexteræ prius insertus, la-
teri accingebatur. Inde diadema illi imposuit, &
aureo pomo sinistram, dexteram vero Sceptro
imple-

implevit. Quibus solita solennitate peractis, Rex panem & vinum sub offertorio obtulit et pacem (ut dicitur) exosculatus, Sacrosanctum Christi Corpus accepit. Demum, absoluto Sacro, ad thronum, medio templo ordinatū, ab Archiepiscopo ductus, & (ut ita dicam) inthronisatus, gubernaculis Regni præficiebatur. Ita Vladislao solenniter in Poloniæ Regem coronato, Archiepiscopus, *Te Deum Laudamus*, exordiebatur: quo omni musicalium instrumentorum genere absoluto, Rex, accepto in manus sacro gladio, aliquot optime de Republica meritos, ad Equestris ordinis dignitatem evexit. Ad Palatum deinde deductus, accumbentibus ordine Senatoribus, ipse in throno, ad mensam eminentiorem, cibum cepit. Et ita quidem istius diei solennitati litatum.

Sequenti die Rex, præferentibus Senatoribus iisdem regalia, maxima cum solennitate, ad forum deductus, à civibus, in edito Solio, ad hoc pulcherrime juxta prætorium facto, jusjurandum, & pretiosissima aurea & argentea dona accepit: et, sinistra pomum aureum, dextera gladium evaginatum tenens, aliquot benemeritos, iterum nobilitate donavit. Subsequentibus deinde

Festivis
post corona-
tionem

inde diebus, coronationis suæ solennia, tum spe-
ctaculis variis, tum audiendis congratulantium
variorum Principum legationibus clausit; &
mox simul à solennibus animum ad alia
transtulit, quæ seque-
runtur. **MUR.**

CA-

CAPVT TERTIVM.**ARGUMENTUM.**

VLADISLAI IV. Solennis legatio
missa Romam.

SUMMARIUM.

Vladislaus Rex, post coronationem suam, Georgium Ossolinski, ad obedientiam Summo Pontifici præstandam, Romam mittit. Hic Georgius Ossolinski describitur: ejus prudentia in instruenda legatione. Stupenda magnificentia Romam ingreditur, & obedientiam Summo Pontifici, Vladislai IV. nomine, mira eloquentia præstat. Filij unici titulo à Romano Pontifice cohonestatur, & eadem Pompa regressus, majorem Polonicæ Nationis estimationem, Vladislai vero Regis maximam, Orbi illidit; adeoque legatio hæc, in sumam utriusque gloriam desuit.

Solennitatibus coronationis peractis, more Imperatoribus Regibusque Christianis consueto, de obedientia Summo Pontifici exhibenda, Poloniae Rex Vladislaus IV. cogitare cœpit: quam prægatum stare quidem certissimum erat, sed per quem in deliberationem venit. Oportebat enim talem esse, qui Regis Septentrionalium maximi Ma-

D jesta-

jestatem, eminentiam, & magnitudinem, moribus suis referret: qui triumphos & victorias ejus, tum & liberrimae gentis magnanimitatem, generositatem sua exprimeret: & deniq; talem per quem Vladislau, & Polonia loquerentur. Itaque Rex non minus judicio quam imperio maximus, cæpit oculos suos circumferre ad opus, & cum plurimos in fortunata hac parte Polonia dignos intueretur, unum tamen ex omnibus Georgium Ossolinski legit velut oportuniorem. Quem Virum, quia non tantum tanti circa se Regis opinioni respondit, sed perennem etiam terrarum Orbi, inusitata hac suæ legationis dispositione, splendore, & ordine, stuporem illisit, circa rarum velut una rapti, curiosius aspiciemus.

Quis iste Georgius Ossolinksi Comes in Te-
Georgius czyn, antiquæ nobilitatis familia genitus, pueriles
Ossolinskij. & adolescentiæ annos, more majorum suorum, non amœnioribus tantum, sed severioribus etiam Musis impendit: & adeo quidem feliciter, ut easdem, quas diu coluerat, tandem in ævum socias sibi adjungeret. Inde animus ille discendi avidus, & Poloniae terminis nescius circumscribi, pleraque alia Europæ Regna, in spem majoris fructus, sibi impressit. Nec minori quam conceperat utilitate, Germaniam, Belgum, Galliam, Italiamque per-

peragrans, omnium istarum regionum linguas,
& necessariam scientiis consummandis experien-
tiam, in Poloniā retulit. Mox ergo publicis re-
bus admotus, eam prudentiæ & omnis eruditionis
famam sparsit, ut legationibus extraordinariis re-
gni adhiberetur. Ita Anno 1621. cum periculoso
illud bellum Valachicum immineret, à Sigismun-
do III. gloriōsæ memoriæ, Legatus in Angliam
missus, & è naufragio quasi resurgens, etiam ab
illo Rege subsidium militum impetravit: quam-
vis, ob belli illius inopinatum finem, serotinum
illud, & alterius dolo alio tractum. Ab eo tempo-
re, in summis semper officiis, Curios, Tuberones,
ac Fabricios imitatus, ea sanctitate vixit, ut nulli
corruptioni obnoxius, publice & aperto capite
potuerit dicere: *Libertates Regni non vendidi.* Sup-
par Ossolinio huic, hac in parte, Petrus Rose, in
Belgio Sanctioris concilii Praeses: qui, antequam
ad hunc eminentiæ gradum ascendisset, ea semper
integritate vixit, ut Secretarius ejus, hanc illi di-
gnitatem, ob solam virtutem ejus, ominaretur.
Tandem, in ea jam constitutus, ad aucupandam
gratiā viri, non infimæ conditionis homo, pre-
tiosissima munera obtulit. Quæ ille cum genero-
se sprevisset, eo tandem ab importuno flecti se pas-
sus est, ut caput porcinum se admissurum pro-

mitteret. Quod cum alter, catena aurea circa dentes disposita, & rictu oris adamantibus auroque replete, obtulisset, ille, præ indignatione impallescens, ergone me corruptibilem, inquit, judicasti?

Apage: nec aliud à me porro, quam supercilium meum, ē justitiae publicæ rigorem exspecta. Et quam

¶pist. 74.

recte hoc illi! Prudentissimus quisque, ait Seneca, cum primum induci videt munuscula, à theatro fugit, ēscit magno parva constare. Cæterum, ut ad propositum revertamur, Is, & ejusmodi erat Georgius Ossolinski, cum supremus Polonicæ coronæ Legatus, à Vladislao Rege, Romam destinaretur. Quo munere deinde maxima sua cum laude, & totius Orbis admiratione defunctus, Legatus postea, ab eodem Rege, & ad Rempublicam Venetam, & ad Serenissimum Electorale Collegium Ratisponam missus est. Et talis Sacratissimo Imperatori Ferdinando II. apparuit, qui majoribus titulis dignus judicaretur. Itaque, ab eodem Cæsare, in Sacri Romani Imperii Principem elevatus, parem meritis suis dignitatem in Sarmatiā retulit. Sed hæc per anticipationem.

Omnia ad legationem necessaria disposita. Ut primum ergo hic Princeps Ossolinski, hoc legationis officium Romam, jussu Regio, sibi subeundum sensit, statim ad media, quibus tanti Regis, à quo mittebatur, Majestatem, victiarum,

ac

ac triumphorum gloriam, prudentiæ ac magnificentiæ famam, divitias, vires, & arma, quasi primo intuitu, spectatrici Romæ, veluti compendio terrarum Orbis, ingereret, animum vertit. Ad quæ, multa consideranti, tria potissimum necessaria videbantur. Primo, ut comitatum & familiarium legeret, probitate, moribus, corporis proceritate, ac authoritate vultus, muneri suo convenientis, & ex quo singuli, sicut ille Regem, se loquuntur; non nescius, ex horum compositione, iudicium de Rege, de Regno, de Legato sumi. Secundo, ut omnes secum vestē patriā uterentur: tum quia nihil in illa fœminei, et, procul ab omni mollitie, magis venerabiles viros proponit, & militares animos virilissus exprimit: tum etiam, quia nunquam antea Romæ visa, ipsa sui novitate, tractos in curiosiorem considerationem intuentium oculos, recrearet. Non ignorabat enim prudentissimus Princeps, si peregrina occidentalium nationum veste uteretur, languidius homines concursuros; nihil amplius quippe visuri, quam quod quotidie præter oculos iret. Præfertim cum in eaurundem vestium splendore nihil, quicquid excogitari poterat, à Criquo nuper, Galliarum Regis Legato, fuerat intermissum. Hunc sequi videti posse, si in eadem vestium ratione splendorē æ-

mularetur. Sed & Criquius idem, & notabilis fulgor legationis illius, in mentem veniebat: cui cedere Vladislaum Regem, gentemque Polonam, è dignitate utriusque conveniens non judicabat. Hinc ergo tertium, quod necessarium videbatur, emerit. Videlicet ut, quod in Criquii legatione argentum fuerat, aurum ficeret: quod aurum, uniones & margaritas: quod uniones & margaritæ, smaragdos, pyropos, chrysolitos ficeret & adamantes. Adeoq; non uno modo splendidior, & comitatus sui elegantia, & vestium ibi inusitatârum novitate, & inæstimabilium rerum pretio pompaque, de omnibus ante hac legationibus, ad Pontificem Romanum missis, quodammodo triumpharet.

Laudabile autem hoc in Reginis & Legatis,
 Laudabi- hac in parte, studium esse, velle eminere, tum Poli-
 le est in torum omnium scriptis, tum inveterata, à tot
 legatio- seculis, Regum consuetudine, comprobatur. Ita
 mbus vel- Artaxerxes Persarū olim, Politico-Christianī ver-
 re. Scrib. lib. ba sunt, ad Alexandrum Romanum, quadringentos
 secundo. in una legatione misit, omnes corporum proceritate &
 ornatu insignes, ut merito dubitaverint spectatores,
 corpora ornatum vestibus, an vestes corporibus darent.
 Ita mutuo in his forma & vestis lenocinabantur, mu-
 tuoque splendore decus addebant & admirationem.
 Sic ante seculum integrum, & tot insuper anno-
 rum

.V PARTIS SECUNDÆ, LIBER I.

37

rum decades, magnanimus ille Galliæ Rex, non
splendidam tantum legationem ad Pontificem
Romam, sed equos etiam argenteis soleis calcea-
tos, primus in Urbem misit. Sequitus modernus
Chrifianissimus Rex Ludovicus XIII. & equos
paritet, ex eodem metallo soleis, calcantes humū,
cum Criquo Legato suo, in eandem Urbem misit,
& numero personarum, in admirabilem magnifi-
centiam exornato, prædecessores omnes suos su-
peravit. Uttaeā, & in China, & in Japonia, &
in aliis Regnis, ab Europa toto Cœlo discretis, ean-
dem Regum Legatorumque æmulationem stu-
diūque legi.

Itaque, ut ad Oſſolinum Principem reverta-
mur, hic secundum laudabilem hunc tot gentium <sup>Princeps
Oſſolins-</sup>
& seculorum morem, omnibus, eadem magnani- <sup>ki in Ita-
lian pro-</sup>
mitate, qua conceperat, in effectum deductis, Ion- ^{sic situr,}
gin qui tandem itineris seriem feliciter auspicatus <sup>& Ponti-
ficem pri-</sup>
est. Et quamvis non lente procederet, non ante ta- ^{vatis fa-}
men, quam Anno 1633. 20. Novembri, Romana ^{lutat.}
Urbi's territorium attigit: cui statim octoginta <sup>Anno
1633.</sup>
sexigæ Cardinalium & Romanorum Equitum, ^{20. Nov.}
cum Cardinale de Torres. Amplissimi Poloniæ Re-
gni protectore, octo ultra pontem Militum mil-
liaribus Italicis, obviam prodierunt. Cum autem
Summus Pontifex Urbanus VIII. gravi tunc tem-
poris

139

poris catharro decumberet, peracto mutuae salutationis officio, ab eodem Cardinale de Torres, aliquot Roma milliaribus, versus portam Flaminiam, ad Palatium Julii III. deductus est. Inde, assumptis comitum suorum præcipuis, ipse cum Cardinale De Torres, rheda Cardinalis Barberini, invitante Filo Marino Cameræ ejus Præfecto, exceptus, Romam properavit, ut Summum Pontificem privato nomine salutaret. Quod disertissima Oratione, & concinnatis in miram officiositatis speciem verbis ex tempore faciens, statim prima quasi superficie rerum, amorem Summi Pontificis, nec non eximiam eloquentiæ laudem meruit. Adeo etiam ut Summus Pontifex summpere dolere se diceret, quod infirmitate impeditus, non statim pro voto suo, gratissimo ejus solenni ingressu frui posset.

Cæterum, absoluto privatæ salutationis officio, Princeps Legatus ad Palatium Julij III. rediit, ^{In Pala-} _{tio Julij} ^{III. dieb,} et, quoad publicæ legationis suæ munus, inter ^{aliquot} licia sua numeravit, quod, ob valetudinem Summoratur. mi Pontificis, aliquot diebus solennem suum ingressum suspendere copia fieret: tum ut longinqui itineris nauseam, tali præsertim tempore anni, cum comitatu suo, optata quiete decoqueret: tum etiam ut melius omnia, ad solennitatem, & per

per otium quasi, disponeret, diem sui ingressus, quem alias casus pro placito daturus fuerat, ele^{cturus}: denique ut Rominiani, quibus, quicquid post Criquum aliquis conaturus erat, vile videbatur, per occasionem, instar præludii, nunc in usitatarum vestium novitate, nunc his, nunc rari^{tatibus} aliis, ad splendorem solennitatis totius, & curiositatem, mutua invicem relatione, irritarentur. Factum est ut Princeps judicaverat, & ea curiositas animos Romanorum invaserit, ut in spē futuri splendoris Roma erigeretur.

Itaque Princeps Legatus, videns omnia ad intentum suum adolevisse, & valetudinem Summi Pontificis in melius ire, tandem 27. Novemb: (qui erat dies Dominicus) tempore pomeridiano, ad mentem Summi Pontificis, ante Palatium Julij III. Suos in ordinem rite disposuit. Quod ubi Romæ vulgatum, innumerabilis hominum multitudo portis ad spectandum effusa est. Quinimo & omnis Romana nobilitas, Cardinales, externorum Principum Regumque Legati, honoris gratia, aulicos suos in occursum misere. Adeoque & Romanus Pontifex, ipsum aulæ suæ Præfectum, Faustopoli, Amasiensem Archiepiscopum, cum cubicularijs omnibus & famulatu, ob viam ire jussit. Et hac tam mirabili rerum fa-

E cie,

cie, Princeps Ossolinski, Vladislai IV. Poloniæ & Sueciæ Regis Legatus, porta Flaminia Romam ingressus est. Præcedebant duo nobiles Poloni in Attalicis vestib' coccinei coloris, quos sequebantur currus viginti duo panno rubro pretiosissimo tecti, & Stemmatibus variis, Principis Legati comitatūs insigniti, quos sex muli singulos trahebant. Post currus decem Cameli, ex quibus dro medarii quinque, rubris tegumentis Attalicis, purissimo auro prætextis, amicti, à Persis & Armenis ducebantur: his vestis erat oblonga aureis filis intertexta, more Turcico caput tecti. Deinde tubicines Polonici quatuor, in viridi veste Attalica, ad plantas pedum usque pendula, cum Stemmatibus pretiosissimis Principis Legati, equitabant: quos triginta quatuor Cosaci, in vestibus Attalicis coccinei coloris, & pennati, more Polonico, sequebantur: quorum terga equitatus Summi Pontificis, & Cardinalium muli cladebant.

Modico ab hisce divertio, viginti Ephebi, pulcheri:nis Attalicis vestibus coloris cærulei, phartris insuper Orientaliū more, aliisq; sumptuosissimis militaribus armis decori, equitabant. Hos præcessu Chociszhevski, ætatis provectæ homo, clypeum & sagittam, Persarum more, manu tenens,

nens, alis etiam ad ephippium alligatis, in splen-
didissimo habitu: adeo auri, gemmarum, ac
lapidum pretiosissimorum numero ac varietate
lucens, ut spectantium mirabili fulgore ver-
berant oculos, in stuporem pariter animos una
raperet. Ducti, post Ephebos hosce, quinque
equi Turcici generosissimi, quorum ephippia &
ornamenta omnia, auro purissimo, pretiosisque
lapidibus, ad invidiam usque, resplenduere. Pri-
mum ephippium solis adamantibus erat distin-
ctum: Secundum eranis: pyropis tertium: quar-
tum variis pretiosis lapidibus: quintum fere in-
estimabile solis adamantibus erat refertum. Præ-
cipue vero peristroma, quod ob multitudinem
adamantum dignosci non poterat. In fronte
insuper equi quoddam quasi monile fuit, quod
viginti millibus Scutatorum, Polonicalium vero
florenorum octuaginta millibus fuit estimatum.
Hi omnes equi, quod inauditum ab ullo seculo,
soleis aureis calceati fuere, ad fragilitatem omnes
dispositæ: quarum duæ etiam per partes in vulgi
manus venere. Equos autem hosce Persæ pariter &
Armeni ducebant, eodem cum Camelorum du-
ctoribus habitu superbi. Post hos Principis Le-
gati stabuli Præfectus, clavam argenteam manu
premens, viginti ejusdem Principis Legati cubi-
cula-

cularios, frameis aureis & caliis pretiosissimis armis
spectabiles, duxit: inter quos Gembicki, & Lip-
ski, nobilissimi adolescentes, eminuerunt: quos se-
decim aulici Hispaniarum Regis Legati, nec non
& Cardinalium Officiales, & variorum, Christia-
norum Principum, Legatorum familiares, seque-
bantur.

Modico iterum post hos intervallo, viginti
principaliores aulici Principis Legati, inæstima-
bilis pretii vestibus decori, equitabant: quos Ja-
cobus Zelinski, ejusdem Principis aulae Præfe-
ctus, clavam argenteam manu gestans, præcessit;
cujus latera nobiles duo cludebant. Inde Prin-
ceps D'Enrichemont, Criquii Galliarum Regis
Legati cognatus, magno Gallicorum nobilium
numero comitatus, sequebatur; cuius vestigia
Cubicularii Summi Pontificis, pariter equites,
premebant.

Et jam ad præcipuos Principis Legati comites
ordo devenerat, quos Romani Equites bini &
bini medios introducebant: ex hisce primus, post
Cubicularios Summi Pontificis, Komorowski
Cracoviensis Canonicus erat, quem tres germani
fratres Narusiewicz, magni Thesaurarii Lithuaniae
filii, sequebantur. Post hos autem, Wezick,
Johannis Wezick Gnesnensis Archiepiscopi, Pri-
mauis

matis & Primi Principis Poloniæ Regni, ex fratre nepos, cum Christophoro Lanzcoronski, & Stanislao Minozki, S. R. Majestatis, Cubiculariis, egreditabat; quorum vestigia Carolus Corniat. Principis Legati nepos, veste lapidibus & pelli- bus pretiosissimis superba, premebat. Inde Lipski Plocensis Canonicus, cum Roncallio Secretario Regio, Summæ doctrinæ & authoritatis Viro sequebatur. Post quos Dobieslaus Cieklinski Secretarius itidem Regius introducebatur: qui ex quo genitosissimo Arabico vectus, stupenda quadam agilitate, catenam auream in frustula minuta dicerpsit; quæ ad equi peristroma pendens, anhelanti tandem & curiosæ plebi in spodium cœsset. Hic veste insuper ad talos usque dimissa, & lapidibus multis pretiosis superba, intuentium oculis mira voluptate perfudit. Post hunc, Zebrzidowski natu minor, in splendidissimo habitu Gallico, Potocki Palatinides Braslavensis, Palatinides itidem Smolencensis, & duo Firlei Palatinides Sandomirienses sequebantur: Quorum vestigiis, Comes Theodorus Tarnowski, & Alexander Lubomirski Palatinides Russiae, compositis in admirabilem magnificentiam vestibus ornati, insistebant. Novissime Nicolaus Ossolinski, Ossolinij Principis Patruelis, in longa

& viridi holosericā veste, Zebellinis pellibus pre-
tiosis subducta, & exterius lapidibus pretiosis or-
nata, equitabat: cuius verticem, Palatinides Cal-
lissiensis Grudzinski, & Petrus Danielowicz Prä-
fectus Parsteinensis, ornamentis omnibus fere in-
æstimabilibus splendidi, & generosissimis equis
Turcicis vesti, cludebant.

¶ **V**Immediatē Legatū ipsum, Gembicki Gnes-
nensis Suffraganeus, hujus Legationis Secretarius,
præcedebat: Qui latus ejus signum prius stipave-
rat, sed, ad portā del populo, Reverendissimo Do-
mino Faustopoli, Amasiensi Archiepiscopo, loco
cesserat. Ita Princeps Ossolinski, Vladislai IV. Polon-
iæ & Suediæ Regis Legatus, inter hunc & Cajeta-
num Patriarcham Alexandrinū (qui dexteram ejus
occupavit) medius, cludentibus latus ejus utrūq;
triginta stipatoribus, unius coloris vestibus, & glo-
bis pennisq; argenteis, Polonorum more, ornatis,
Urbem Romanam ingrediebatur. Vestis illi infe-
rior pretiosissima Phrygia erat, densissimo plumata
auro, quam viginti (ut ita dicam) fimbrię, Polonice
vulgo Petlice, adamantinæ, & globi viginti ex me-
ris adamantibus decorabant. Framea ex auro pu-
rissimo erat, eranis & margaritis pluribus variega-
ta: quæ sola quinq; millibus Scutatorum, hoc est
Polonicalium florenorū viginti millibus, æstima-
batur.

batur. Vestis superior longissima pariter Phrygia; in qua viginti adamatiæ fimbriæ, seu Petlice Polonice, & globi ex singulis adamantibus rotidem. E quo Turcicogenerosissimo, soleis aureis calceato, vehebatur; cui ad caput pluma nigra solis adamantibus lucens. Cristæ auriculares vero, ut & ephippium, stapedes, & peristroma totum, gemmis variis, plurimis, & pretiosissimis distinguebantur. Hunc ornatum Princeps Legatus, propria corporis autoritate in immensum auxit. Et cum Romani equum, paramenta, & ornatum corporis Ossolinii Principis mirarentur, majorem tamen identidem, ex vultu ejus, voluptatem capiebant. Ibi frons læta, ridentes oculi, & facies integra ad temperatā hilaritatem composita. Deniq; cui de esse nihil eorū videbant, quę à scrupulosis Politicis, ad Legatum optimum & absolutissimum, requirebantur. Post Legatum Principem, Prælati, Equites, & nobiles plurimi, authonoris gratia, aut benevolentiam aliquam Polonorum experti, sequabantur. Novissime elegantissima Principis Legati rheda, Attalica viridi inducta, plurimo variegata auro, visebatur. Hanc sex equi generosissimi Turcici trahebant; quibus aurigæ Attalicis togis viridibus, infra plantas pedum pendulis, insidebant.

Hac inaudita ab ullo seculo pompa & magnificen-

sificantia, Princeps Legatus, Porta Flaminia Romam ingressus, ad Palatium suæ commorationi designatum, deducebatur: factis aliquot etiam, à de ducentibus Romanis, per nobiliores Urbis regiones, de industria, gyris, quo curiosæ plebis oculi, insolita novitate & splendore, diutius pascerentur. Tantus autem erat ubique concursus, ut aliquando etiam, præ multitudine hominum, vix progre di Legatus potuerit. Ipsum Palatium (quod erat sub monte *della Trinita*) virgultis viridibus, & picturis artificiosissimis, Poloniæ Regis Vladislai IV. victorias, resque gestas repræsentantibus, erat decoratum. Quod cum Princeps Legatus ingredetur, omnia in circuitu castri S. Angeli tormenta, in congratulationis & lætitiae signum, detonuere. Triumphum non Legationem dices. Quamvis nec male dictum judicem, si utrumq; diceremus. Quippe cum eodem tempore Poloniæ Rex Vladislaus, Schismaticos Moscos, à Smolensci mœniis, in unam stationem abactos, & obseffores obsidens, ad supplicem deditioñem paulatim, fortitudine sua sollicitaret, quid aliud videri poterat, quam, per splendidissimam hanc Legationem, in Septentrione cum vinceret, Romæ triumphare! sicest profecto. Nec aliter omnes postea, comper ta victoria, acceperunt, quam uni Vladislao IV.

Supe-

Superos indusisse, in tanto terrarum divertio, &
vincere simul & triumphare.

Cæterum, ut ad Principem Legatum rever-
tamur, hic apud Summum Pontificem Eminen-
tissimo Cardinalium collegio septum, magna p̄-
sentia sui, nec magnifice minus quam Romam in-
gressus fuerat, hac Oratione commissum sibi à Se-
renissimo Rege suo munus Legationis absolvit.

Obedien-
tiā Sum-
mo Pon-
tifici, Vla-
dislai Re-
gis nomi-
ne prestat

Venit iterum Romam Vladislaus, Pater Bea- 6. Dec.
tissime, *qui nuper Barbaricis ornatus laureis, ad*
tuos pedes venerabundus jacuit, is hodierna die tri-
plici cinctus diademate, ante hanc Apostolicam Sedem
tuam, per me Oratorem suum, supplex procumbit.
Vladislaus, inquam, Poloniae, Sveciae Rex, ac Ma-
gnus Moschorum Dux, qui antequam regnaret, Re-
gum ac Regnorum Tyrannos debellarvit; qui Romam
triumphator sine triumpho ingressus, pia vota, Pon-
tificiorum pedum oscula triumphalibus prætulit; qui,
cum videri noscique maxime nollet, Urbis, Orbis
oculos in se convertit; qui nova Tyberim felicitate
beavit, cum citra Rhenum fluere solitum, in viæta dex-
tera, ultra Tyram, ac Boristhenem traxit; qui denique
desertori populo, Græcum Constantinæ donationis
diploma è superba Gaza eripuit, tanquam pro Roma-
no Pontifice pugnasset, cui Romam, hostium etiam spo-
liis, afferuit. De hoc tali, ac tanto Principe, tibi Pa-

F ter

ter Beatissime, non in cunis, sed in ipso gloriae, ac rerum gestarum fastigio, non fama, sed aspectus, ac familiaritate noto, quid in hoc amplissimo Orbis Theatro afferram, haud reperio. Jam enim olim sapientissimo tuo judicio omnes ejus penetrasti ac percensuisti virtutes, easque, uti probè cognitas, quæ liberae gentis Sceptra moderentur dignas judicasti, cum non ita pridem Vladislauum unum esse, qui Polonis imperare queat, solenni commendatione asseruisti. Huc ergo potius mea defle-
Etat Oratio, ut quos, qualesque populos tibi, sanctæque Sedis tuae, supplices Rex noster secum offerat, declarem:
quod dum exequor, Pater Beatissime, Paterno affectu favebis Filij, Pontifcatus tui natu minimi, gloriæsis conatibus. Solenne enim Patrum est, eorum gestis potissimum recreari, quos recentiori, sive lucis, sive gloriae, partu Orbi ediderint. Quidcumque ergo gentium Septentrio tegit, quam late à Carpathiis Montibus ad Caspium mare, à glaciali Oceano ad Pontum Euximum patet Europa, totum id, genu flecente Vladislao, ante thronum tuum prosternitur, Pater Beatissime. Omnes enim illægentes, aut liberis suffragiis eum sibi Regem dixerunt, aut hereditario jure, licet refragæ, ad ejus spectant Majestatem, aut denique armis subactæ Dominum recognoscunt. Sed primum merito locum obtinet Polonia, quæ uti Principibus suis libere paret, ita Religionem & Sacra, nullavi, nullo metu adacta colit.

Illa,

Illa, illa Sarmatia, Romanorum armis impervia, Romanæ Religioni mancipata: illa, tot olim superstitionum altrix, nunc unius Dei serva: illa libertatis custos acerrima, nullius jugum experta, Romanis Pontificibus, eorumque Sedi Apostolicæ obsequentissimâ. Polonia, inquam, quæ sola Monstra non parit. Nulla inde heresis, nullum Schisma, ¶ si qui vicinarum gentium peste afflati, acerrimo legum supplicio, ¶ perpetuæ infamie nota, à reliquæ nobilitatis corpore rescinduntur. Si quis legem, Vladislao Jagellone Rege latam, totius nobilitatis, patrio more, consensu firmatam, legerit: fatebitur, nullius concilij anathemahæresim acrius perstrinxisse. Et quamvis iniquitatitemporum, amoriisque consanguineo aliquid induluisse videamur: non tamen legem abrogari, unquam passi sumus, nec patiemur: testaturi posteritati, nos legum, Patriæque salutem, unius Religionis integritate firmare. Hoc ipso lugubri nuper Reipubl. nostræ statu, cum Sigismundum Regem, vivam pietatis Religionisque imaginem, Cœlo receptam, terris erectam planximus, vidisses, Pater Beatissime, illis ipsis centuriatis Comitiis, Senatum, Populumque Polonum, magis pro Religione adversus concives suos, dira hæresicruptos, certantem, quam de communi Patriæ salute, aut de futuri Principis electione sollicitum. Equavit fervor Procerum curam Antistitum; eorumque,

Etui Apostolici Nuncij solennes excivit gratiarum actiones. Innatum scilicet genti Polone arite Religionis studium. Hinc illa erga Sacrorum Praesides obseruantia, quae eis prima in Senatu subsellia detulit, **E**principias Reipubl: partes curare jussit. Tacebo prodigam, ut ita dicam, in Templorum aedificia, ac ornamenta, liberalitatem: Omittam cultum Numinis, **E**Sacrorum ferventissimum: hae enim omnia ita se habere Orbis consensus afferit. Animorum certe ejus gentis Magnitudinem, velinde colligere licet, quod a tot seculis aduersus feros, **E**inimanes nominis Christiani hostes excubent; nec stationem deserant. Ottomanorum signa, quae tot Acies, tot Urbes validas expugnarunt, tot montium claustra penetrarunt, flumenque impetus superarunt, tot Christianorum copias fuderunt; nuda Polonorum pectora stiterunt, **E**ne patientes, ac per vios ingrediantur campos, hucusq; prohibuerunt. Scythicam perniciatem, ne universem qua quaversus pervagetur Europam, unica Reipubl: nostrae moratur Provincia. Moschos solo nomine Christianos, re **E**moribus quibusvis Barbaris execrabiliores, toties vicimus, fudimus, **E**demum nobilissimam ejus Regionis partem in Provinciam redegimus. **H**ec omnia summa animi magnitudine, ac prorsus Romana, steterunt. Parent avimus siquidem antiquae Urbi, Majorum nostrorum ferocia laesa, cum in ejus mores, **E**insti-

instituta transivimus. Hinc libertatis studium; hinc
æqui juris, ac legum amor; hinc masculine frugalitatis
exempla, nil in moribus, nil in habitu corporis molle,
vel effæminatum, nil acu pictum. Juventus prætex-
tam, non in Cytharædorum Gymnasiis, sed intra castra
deponit. Equitibus rura paterna colere haud puden-
dum, ne Urbanis enervati delitiis, bello fiant ineptio-
res. Humiles domos plerumque habitant: sed excelsos
animos fovent; non propugnaculorum, non Pontis sub-
licij, sed legum & innocentiae præsidio tuti. Neq; vero
hanc magnanimitatem, ferociam quispiam dixerit.
Cicurarunt Sarmaticam, si quæ fuit, feritatem, Reli-
gio, & Musæ Latinæ. Has ubi è septentrione de volu-
tæ gentes latio moverunt (credo e quidem) castra se-
cutas, eique vitæ assuetas, Heliconi suo prope ultimum
valedixisse. Gentem profecto nostram adeo sibi man-
ciparunt, ut sine earum præsidio, & ornamento, mili-
tarem gloriam minus gloriosem æstimet. Et merito:
earum enim beneficio libera Nobilium capita de se ipsis
decernunt magno nobilitatis ornamento. Neq; à Scho-
larum cathedris interpretes petimus, latino freti elo-
quio, quod una cum moribus & institutis, in partem
gloriæ nostræ lubentes assumpsimus. Talis itaque ac
tanta Polonia, ad tuos pedes prima procumbit, Pater
Beatissime: illud collum, nullius unquam jugum fer-
re solitum, illas manus liberas, illum animum

excelsum, & ad imperandum natum, Regis sui exemplo, Majorum instituto, tibi submittit. Tuis auspiciis se Vladislaum Regem dixisse, ac proinde eum tibi debere profitetur. Tu enim geniales ejus Divos, Primum, ac Fælicianum, Roma discessaro, in sacris cineribus tribuisti, non sine Pontificio omne, eum primum Regum nostrorum fore, qui sine æmulo : Fælicissimum, qui conjunctissimis tam populosæ gentis animis, & suffragiis, Rex diceretur. Tuis ergo auspiciis, Pontificum Maxime, habet Vladislaum Polonia, Vladislaus Poloniam, Tu utrumque. Habebis, Deo favente, Vladislai invicta dextera tandem aliquando tibi, sanctæq; Sedituæ mansuefactos Scandicos rebelles leones. Habebis & desertores communis Pastoris, ad Tuum oile propediem reduces. Exiuit etenim, Pater Sancte, Filius hic tuus, non ætate, & meritis, aut Majestate, sed capessit & Regiæ dignitatis tempore, minimus, ad venerationem, ut te satiet, famamque tuam impleat, avitam gloriae Summi Dei : inde longævi auspicaturus primordia Imperij, unde Cœli, & Ecclesiæ ruinas sperat reparandas. Erige hanc tuam dexteram, Pontifex Optime Maxime, qua, nescio quo turbine motum, ac pœne ruentem Orbem retines, summo hujus seculi bono dudum destinatus, & sancta benedictione prosequere tam charipignorispios conatus. Excitabuntur hoc præclaro exemplo reliqui Christianorum Principes,

pes, & postpositis pernicioſis eorum nomini & gloriæ
odijs, illuc arma convertent, quo nefarij Imperiorum
prædonis libido, jam tandem vindicanda, vocat. Vla-
dislaus certe Rex, uti nunc ſe, Regnaque, & arma
ſua sanctitati Tuæ tradit, obedientiam preſtat, nec ſe
ab hujus ſanctæ Sediſ auctoritate, & obſervantia, un-
quam diſceſſurum profitetur: Ita Te Duce, Te auſpi-
ce, paratus ſemper erit Christianorum Aquilaſ, notis
ſibi itineribus, non ſequi, ſed præire.

Ferunt à plurimis annis Legatorum nem-
nem, ab Eminentissimo Cardinalium Cætu, ob
ſingularem eloquentiam Principis, tanto cum gu-
ſtu fuiffe auditum. Quinimo & iſum Summum
Pontificem dixiſſe fama eſt, credere ſe Ciceronem
pro roſtris melius, & majori populi Romani cum
voluptate, non peroraffe. Ut ut fit, hoc certiſſi-
mum eſt, & ſummpere à Romano Pontifice fuif-
ſe dilectum, & Filii Unici titulo decoratum. Itaq;
diebus aliquot maximo in honore habitus, eadem
pompa & magnificētia, Romā in Poloniā tan-
dem regressus eſt. Hoc ei Famæ Genio tribuente,
ut Romani iſi faterentur, nec fuiffe unquam, nec
fore fortassis, parem gloria, ordine, & novitate
rerum omnium, Legati alicujus ingressum. Adeo-
que & ſibi persuadebant, non unius capitis, theſau-
ri, & inventionis rem fuiffe, ſed ad rei ſumma-

*Legatus
Romæ di-
ſcedit.*

*Legatio
hac in
maxima
Polonia*

Polo-

*Regis gē- Poloniā integrā laborasse: cum tamen Prin-
tisque Po- ceps Legatus, privatis fere sumptibus, hanc admi-
lena lau- rabilem struxisse pompam dicatur. Quod facile
dem de- sibi persuadebit, quisquis splendidissima Polono-
sūt. rum Comitia viderit. In quibus, quotquot Sena-
tores fere, tot pompa & magnificentia Reges Or-
bis obstupescit. Desit ergo Legatio hæc, sicut
in æstimationem Polonicæ gentis majorem, ita in
laudem Vladislai Regis maximam: ut qui toties,
quoties invicem, inauditam hanc à seculo solen-
nitatem, Romani referent, toties, recrude-
scente memoria, in eorum animis
triumphabit.*



GE-

Memoria Auctiōni contemplatiū in pse
cōfessione dicitur.

Memoria Auctiōni contemplatiū in pse
cōfessione dicitur. Memoria contemplatiū in pse
cōfessione dicitur. Memoria contemplatiū in pse
cōfessione dicitur.

Memoria Auctiōni contemplatiū in pse
cōfessione dicitur. Memoria contemplatiū in pse
cōfessione dicitur.

Memoria Auctiōni contemplatiū in pse
cōfessione dicitur. Memoria contemplatiū in pse
cōfessione dicitur.

Memoria Auctiōni contemplatiū in pse
cōfessione dicitur. Memoria contemplatiū in pse
cōfessione dicitur.

Memoria Auctiōni contemplatiū in pse
cōfessione dicitur. Memoria contemplatiū in pse
cōfessione dicitur.

Memoria Auctiōni contemplatiū in pse
cōfessione dicitur. Memoria contemplatiū in pse
cōfessione dicitur.

Memoria Auctiōni contemplatiū in pse
cōfessione dicitur. Memoria contemplatiū in pse
cōfessione dicitur.

*Memoria Auctiōni contemplatiū in pse
cōfessione dicitur.*

Numerorum Arithmeticorum, in hac
tabula obsidionis Smolensensis, liberationis, ob-
fessorum ac deditorum Moscoviticorum castro-
rum, explicatio brevis.

Num.1. Echinata repagula, post qua 7000. Moscorum fusa. Vide
pag.65. & seq.

Num.2. Via qua Casimirus Princeps milites & necessaria in Ur-
bem misit. Vid. pag.67.

Num.3. Mattissonij Statio in Pokrovieni monte, à Vladislao Re-
ge occupata. Vid. pag.69. & seq.

Hac via, de qua supra Num.2. & prope mœnia Urbis Num.4. usq.
ad fortalitium Sigismundi, Rex procedit, aciem instruit,
& foriiter pugnat: de quibus vide pag.74. & seq.

Num.5. Prozarovij, Caroli Huberti, & Dammy Stationes & mu-
nimenta, que eo modo deserunt, ut pag.77. describitur.

Num.6. Caroli Jacobi, & Leslei Stationes & munimenta, que
eo modo deserunt, ut pag.78. describitur.

Hac eadem via, de qua sup: Num.4. & Num.2. Rex trans Bori-
shenem regressus, Alaudarum, & Skorownium, montes
occupat. Num.7. Vid. pag.82. & seq.

Num.8. castra Regis generalia, de quibus pag.90.


Num.9. Pons Polonicus, Arijschevij munitio, & Cosacorum Za-
poroviensium Statio. Vide eadem pag.90.


Num.10. Locus & fortalitium ubi Mosci Commeatum Polono-
rum intercipere nitebantur: de quibus vide pag.98. & seq.

Hac via, Num.11. deditis castris, positisq; ad Regios pedes vexillis,
Mosci in Moscoviam se recipiebant. De hisce vide pag.114.
& seq.

Smolensensis obsidionis Sc.

SMOLENSCENSIS OBSIDIONIS, LIBERATIONIS, OBSESSORVM AC DEDITORVM
CASTRORVM MOSCOWITICORVM DELINEXATIO, NVMERIS ARITHMETICIS, SVO
ORDINE UT RES GESTA EST, ET PAGINIS, QVIBVS OMNIA IN HAC HISTORIA
FUSIVS ET SVO ORDINE DESCRIBUNTUR, ELUCIDATA





PARTIS SECUNDÆ, LIBER II. 49

GESTORUM
GLORIOSISSIMI ac INVICTISSIMI
V L A D I S L A I IV.
POLONIÆ & SVECIÆ
REGIS,
PARTIS SECUNDÆ
LIBER SECUNDUS.

CAPVT PRIMVM.

ARGUMENTUM.

V L A D I S L A I IV. in Moscos Smolen-
scum obsidentes, expeditio novissima
ac felicissima.

SUM MARIUM.

*Michael Fedrowicz illegitimus Moscoviaæ
Dux, incentore Michaele Borisowicz Sehino, oblatam
à Polonis pacem spernens, quatuordecim annorum in-
ducias rumpit, & Sehinum, cum numero sifimo exer-
citu, versus Poloniam mittit. Sehinus aliqua Oppida
minora expugnans, Smolenscum, cui præfuerat cum à
Sigismundo III. expugnaretur, obsidione cingit, & va-*

G

rÿs

rijs exoticis artibus expugnare nititur. Vladislaus Rex, statim post coronationem suam, tumultuarie collecto exercitu, ad eam obsidione levandam, è Polonia movet. Castra ad Boristhenem ponit; quem transgressus, feliciter cum Moscis pugnat. Interim Casimirus Princeps legionem integrum & commeatum in Urbem immitit. Vladisla^o Rex in castra priora revertitur, & mox, Boristhenem iterum transgressus, Pokrovianum montem, dejectis hostibus, armata manu occupat. Mosci Pokrovianum montem frustra recuperare nituntur. Rex Prosoforovij locum tenentis Generalis stationem aggreditur, atrox & anceps prælium, pari damno, majore tamen Polonorum gloria. Prozavovius stationem suam noctu deserit, & in Sehini stationem concedit. Inde Leslæi stationem Vladislaus Rex aggredi parat: sed Leslæus quoque, Regis resolutione perculsus, suam deserens, in Sehini stationem fugit. Woiewocius Praefectus Smolensensis interficitur: ejus laus. Rex Alaudarum & Skorownium montes occupat munitque: quos dum Mosci recuperare nituntur, accerrime dimicatur, magno cum Polonorum damno & majori periculo: tandem tamē Mosci retro pulsi. Irruptio in Moscovitica castra à Weihero frustratentatur. Legatio Tartarorum ad Vladislaum Regem: qui hostilia castra obsidione cingit, & emulationes in exercitu suo prudentissime destruit. Magnum Regis periculum,

quod

quod animadvertis, insigni clade Moscos afficit. Mosci commeatum Polonorum intercipere nituntur, sed cum damno rejiciuntur. Rex Moscovitica castra omni ex parte claudit, & Kazanovium in Moscovia penitorem mittit; qui spolijs gravis ad Regem revertitur. Poloni triumphant, ob victoriam de Turcis obtentam. Rex Tartarorum Legatis audientiam præbet, & muneribus donatos dimittit. Tractatur de deditione castrorum, conditiones à Polonis præscriptæ, & castrorum deditio. Sehinus cum toto exercitu suo, ter curvato dorso, Vladislaum Regem veneratur. Rex bene meritis præmia distribuit, in penitorem Moscoviam movet, Drohobusium & Wiesmam expugnat, Bialam obsidet, & varijs copijs Moscoviam vastat. Moscovitæ pacem petunt, quam Rex, extortis hosti aliquot Provincijs, ipsis indulget, & magna cum gloria in Polandiam revertitur.

UT fortuna Vladislae Regi Sceptrum, coronam, gladiumque dedit; ita statim quoque ut iis ad Republicæ conservationem uteretur voluit: ut & beneficiū non frustra concesisse videretur, & simul non esse mollem delicatamque rem regnare demonstraret. Redibant ergo quæ Gustavus Adolphus per Russelium suum insinuaverat, & Moscovitica, & Tartarica, & Turcica, & Suecica, per circuitum arma: quibus quomodo sufficerit o-

G 2 mnibus

mnibus, & erectus sub quolibet pondere genero-
se steterit, percurrento singula videamus.

Et primum quidem bellum Moscoviticum
Quid Mos- scum ad rumpen- das indu- cias mo- verit. erat, quod ante annos aliquot vario marte gestum,
quatuordecim annorum induciæ disreverant;
ita tamen, ut penes Poloniæ Smolenscia & Czer-
nihovia Provinciæ, tunc subactæ, manerent: penes
Vladislauum Principem, nunc Poloniæ Sueciæque
Regem, & electio rata, & jus integrum, & incor-
ruptus Magni Moscoviaæ Ducis titulus persevera-
ret. Male hoc habebat Michaëlem Fedrowicz à
factiosorum globo, & levibus ad immutanda con-
silia Moscicis, insigni præjudicio Vladislai, in Ma-
gnum Moscoviaæ Ducem sublevatum. Videbat
quippe penes se potentiam quotidie, stipulatis in-
duciis, se magis magisque quidem exerentem,
penes alium autē legitimum jus, titulum & partem
Imperii perseverare; adeo ut scenicus magis Dux,
& anima destitutum cadaver, quam Cæsar Mosco-
viaæ videretur. Insuper tot victoriis, tanta fortitu-
dine, tanta virtute & fortuna celebrem Vladisla-
um, obliquo animo, livido oculo, & paventi cor-
de intuebatur: & æmulum, immo Dominū suum,
ut jure tot annis fuerat, re ipsa aliquando futurum
timebat. Itaque, ab ipso potentiaæ suæ crepusculo,
bellum iterum & arma præparabat: & hoc quo-
tidie

tidie magis, cum induciarum beneficio, pacatæ Provinciæ, omnes nuper exhaustæ, & Polonicis armis vastatæ, ad se redirent, & Michaelis iram & intentionem non vanam facerent. Ardentem præterea bella virum, ambitiosus jugiter Sehinus inflammabat, & æstuantem per se animum ad furias promovebat. Quare & hujus suggestione, non quod in Moscovia tantum, sed quod alibi quoque roboris erat, colligebatur, adeo ut delectibus Germania, Gallia, Anglia, Belgium, Suecia, Dania, commoveretur, & omnes illæ famosæ fortitudinis nationes, ut robur par Polonico robori opponeretur, convocarentur. Et jam horum, præter Moscovitas, triginta millia in armis erant: non spiculis, non telis, aut inanibus Orientalium terriculamentis, sed nitrato pulvere, glandibus ignitis, majoribus minoribusque tubis, et, quod maximum erat, animâ militiæ, Occidentalium disciplina instructi. Addebat reliquo armorum apparatu, horrendum illud, ad necesse generis humani, compendium, machinarum inauditæ magnitudinis numerus. Sic ut dices Europam universam his terroribus, non Sarmatiā unam peti.

Et Polona Respublica quidem à bello a-^{Poloni}liena erat, tum propter incommoda quæ eo ^{ulterio-}tempore eam premebant, tum quia induciæ ^{res indu-}cias aut

*pacemof-
ferunt,
Mosci au-
tem re-
sumt.* cum Suecis initæ paulatim ad finem currebant: Denique etiam quia de bello Turcico rumor intrebrescebat. Itaque in tempore Legatis in Moscoviam missis, aut inducias prorogare, aut etiam de pace perpetua agere, se non alienam ostendit. Mosci autem externis viribus, numero ex exercitu, vario bellico apparatu, spe & fiducia sui, feroces, facilitatem Polonicam ut metum accipientes, æqua omnia temerarie & præsumptuose respuebant; ad nihil jam amplius quam belli occasionem intenti.

*Ante fi-
nem in-
ducianū
arma Po-
lonia in-
ferunt.* Cum ergo Sigismundus III. glorioſa memoriae, Sarmatiæ Rex, ē terrenis ad cœlestia Regna migrasset, ad inferenda nefaria arma se composuerunt. Quippe tunc necessario capite viduata Polonia erat: et, secundum morem libertatemq; Regni, Comitia prius indicenda, exspectanda, ad septimanas sex ad minimum duratura, in longum tempus distractura Provincias apparebat, & ante menses aliquot effluxuros, quam Rex novus eligeretur & coronaretur. Quarum rerum non ignari Moscovitæ, erupta lege gentium, non exspectatis inducianum terminis, securius acies promovebant, sperantes interea temporis vellicare Sarmatiam dum variis occuparetur. Erat Exercitus Imperator Sehinus, qui præter Moscovitarum septuaginta, Occidentalium triginta millia, Astrachanen-

chanensium, Casanensium, Czeremissorum, inhabitantium Cingulum terræ, adorantium Auream Anum, populorum quædam millia secum trahebat; ut non tantum armis, sed incognitarum quoque gentium nomine & terrore pugnaret. Et jam, viatis viarum difficultatibus, infesta Sarmatiæ arma Barbarus inferebat: & quid ni audacter cum nemo resisteret? quid ni feliciter cum nemo propugnaret? Cesserunt ergo quasi impetu uno vicina omnia, & arces passim & oppida obvia, non secus ac incendio quodam belli correpta, humiliata, depopulata, passim jugum accipiebant. Cessuram hoc impetu suo Poloniæ Barbarus porro præsumebat, cum in limitibus oppida minora cef-sissent. Adeoque non postremum munimentum Regni, Smolenscum ipsum (cujus Præfectus fuerat Sebinus Smolen- scum ob-cum à Sigismundo III. expugnaretur, captus etiam fidet. libereque, præstito prius juramento se nunquam in Poloniæ arma resumpturum, dimissus) per Anno 1632. 14. Nov. jurus tumidusq; gradiebatur: nec secus quam minatus fuerat obsidione cinxit.

Est autem Smolenscum (ut supra fusijs parte Quod it. i. lib. i. cap. 2. vidimus) antiqua Russiae Urbs: ^{tud Smo-} quæ à Basilio, Johannis Basilidis Patre, frustra obsi- ^{lensem.} dione tentata, per Michaelem Glinscium Sar- tam expugnata, centum prope annos à Moscovitis possessa,

possessa, à Sigismundo III. duorum annorum ob-
sidione fatigata, ac demum armata manu recupe-
rata, jam iterum à Sehino exercitu Moscovitico
circumvallata, in idem prope Sarmatis & Mosco-
vitis evaserat, quod Cicilia olim Carthaginensi-
bus & Romanis, quod nostra ætate Babilonia Tur-
cis & Persis.

*Sehini
artificio-
sa obsidio* Cæterum Sehinus non copijs tantum suis, sed
exterorum etiam ingenij ferox, Italico Belgicoq;
more, munimenta moliebatur: prorsus ut ante
Smolenscum in Oriente, Bredanæ cuiusdam obsi-
dionis lineamenta formarentur. Propugnacula
ibi, aggeres, suggestus, valla, cuniculi, stationes, in
legiones singulas, cohortes singulas, distinctus ex-
ercitus. Et, quod mirere, una Sehini statio vallo
fossaque egregie munita, septuaginta Moscovita-
rum millia continebat, Moscoviticorum Tartar-
orum statio altera duodecim millia, & cæ:

*Premit
Vrbem &
muros
tormentis
humiliat* Et jam Smolenscum mensibus aliquot obsi-
dione clausum, numerosis exercitibus circumse-
sum, cuniculis prope modum evertebatur. Tor-
mentis mentis quippe maxima murorum parte nudatum,
vinci forte potuisset, nisi fortissimus ille vir,
Woiewocius Præfectus Urbis, miles, ut apparuit,
infractus, Romana quadam virtute, consilia ho-
stium & conatus elusisset. Ille hiatum, turribus
ipsis

PARTIS SECUNDÆ, LIBER II.

57

ipsis quoque convulsis, immanem, obstruxit alibi,
alibi reparavit. Novum autem de integro vallum,
terra cespitibusque firmum, fossa munitum, post
murorum cicatrices objecit: & irruptionibus va-
riis ita Barbaros fatigavit, ut munimenta alia, pro-
pugnacula alia, & accessus alios, ad retondendos
impetus, in cervicibus Urbis, necessitate com-
pulsi, molirentur. Ad extreum vero, aut fame,
aut ferro, cessurus videbatur, nisi in auxilium tan-
dem Vladislaus aliunde movisset.

Hunc Serenissimum Regem, quo minus Bar-
barorum præsumptionem castigaret statim, coro-
nationis suæ necessitas hucusque retardaverat.
Simulac vero coronatus fuit, non tanquam asse-
cutus intentum, ad segnem aut inertem quietem
se composuit: non somno aut caris turbæ volupta-
tibus, quicquid in illo erat indolis vivæ, demersit:
sed tanquam præteritarum expeditionum, victo-
riarum, triumphorum, justo præmio ad majora
animatus, ab ipsis coronationis suæ festivitatibus,
statim ad bella animum transtulit. Verum enim
vero non una difficultas erat quæ Regem preme-
ret, immo quæ retardare multa conantem potuif-
set, nisi in Vladislaum incidissent. Aberat nervus
belli ærarii publici subsidium. Miles collectus nul-
lus erat, nec sine pecunia colligi poterat. Quartani

Vladislaus
Rex col-
ligit ex-
ercitum.

H. * (hoc)

(hoc est, ordinarij milites, qui à quarta Capitanea-
tuum proventus parte sustentantur) ob non soluta
stipendia integra murmuraturi videbantur. Et alia
plura, quæ, Monetæ Divæ gratia non affulgente, in
quolibet Regno sueta sunt oriri. Hæc tamē omnia,
licet difficillima alias, sola Vladislai persona, solus
respectus ejus rupit. Quippe cum ille (non par-
cens interim quoque thesauro suo, à Parentibus Se-
renissimis sibi relicto) assuetum servire sibi mili-
tem, non semel viatorem secum, & quosdam di-
versarum gentium spoliis divites convocaret; &
illi vicissim munificentiam, felicitatem, & forti-
tudinem Regis sui considerarent, tanquam ab illo
omnia sibi promittentes, variis ex locis convenie-
bant. Præsertim cum promissa ejus nunquam ina-
nia experti fuissent, & procul Tyrannide aut Bar-
bara quadam fævitia, ob modestiam & Imperii
moderationem, nunquam in pravum sese & inju-
sta bella flectentem, affectu omnes & amore pro-

*Lib. I. de sequerentur: sic ut recte Seneca mihi dixisse videa-
tem:*
Placido tranquilloq; Regifida sunt auxilia, quibus
ad communem salutem utatur: gloriofusq; miles (pub-
licæ enim securitati dare operam videtur) omnem la-
borem libens patitur, ut Parentis custos.

*Rex in hunc Cæterum ut & copias, quæ omnibus angulis
Litua- Regni in bellum properabant, ad celeritatem ma-
nū mo- gis
dell)*

gis accenderet, & vicinior hosti illum vel solius no-
minis sui terrore concuteret, in Lithuaniau-
lico solo comitatu profectus est. Non sefellit Re-
gem consilii singularis effectus: utrumque enim
contigit. Siquidem propinquiore Rege, tanquam ^{anno}
fulmine cominus oculos perstringente, percussi,
multū de pristino vigore Mosci remittentes, cuni-
culos quosdam, velut alibi & à tergo operam ad re-
sistendum Regi collocaturi, imperfectos relinque-
bant: & cum alibi unum tentassent, & pulvis, qua
illatus fuerat via, ad suos rediens, quadringentos
adustione necasset, tanquam non capiundæ Urbis
omen acceperunt, cum & labor proprius suos de-
strueret. Milites vero, qui omni Polonia collige-
bantur, alacritate Regis sui animosiores, celerius
conveniebant; adeo ut ingenti terrarum spatio,
brevi tempore, millia convenirent. Quæ ubi Regi
se coniunxerunt, non procul stationibus hostium,
ad Borysthenem, in loco Huszyca dicto, castra lo-
cavit: quo, ad facilius transmittendum militem,
duobus pontibus subiugato, munitionibus varijs
sua castra firmavit. Tum vero & Christophorus
Radzivillius, Dux Birsæ & Dubinki, Palatinus Vil-
nensis, & supremus Lithuanici exercitus Genera-
lis, qui ad Krasnam aliquot ante Regis adventum,
mensibus conſederat, & non una clade Moscos af-

^{vet. & ad}
^{Borys the-}
^{nem ca-}
^{stra po-}

^{nit.}
^{1. Sept.}

fecerat, cum septem millibus ad Vladislaum properavit, & Regis copias numerosiores reddidit.

Veruntamen si tumultuarium illum exercitum, & numerum copiarum consideremus, mira-
Regis fi-
ducia in
parvus co-
piss. bimur certe ingentem Regis animum, qui hac tam parva manu, tantam hostium multitudinem, munitionibus tormentisq; firmam, non dicovincere, sed aggredi quoque præsumperit. Et profecto temeritatem dicerem, nisi & Regis prudentiam, virtutem, felicitatem, & non unam, minoribus copiis, è numerissimo hoste, victoriam cogitarem.

Magni Commune hoc illi cum Imperatoribus ma-
Impera-
tore sem ximis, qui rationibus & consilio ducti, cum numero-
per pau-
cis copiis sioribus copiis possent, paucis pugnare maluerunt. Sic Alexander Magnus, cum, præter Mace-
dimica-
verunt. donas suos, cunctæ Græciæ & universo Illyrico innumerabilem delectum posset indicere, nunquam majores quadraginta millibus copias duxit; inhabile regenti ratus, quicquid excederet, & turbam potius fore quam exercitum. Sic Pirrhus Epirotarum Rex, è Græcia insubsidium Tarentinorū navigans, exiguum militem, sed multam artem, virtutem, industriam, contra Romanos in Italicum littus exposuit. Sic Annibal, toto terrarum Orbe Romanis quærens hostem, non nisi sedecim millia ab Antiocho Magno, quibus alia via

per

per Alpes, quam prius venerat, in Italiam, tot gentibus terrisque dominantem, rursus descendebat, petiit. Sic Julius Cæsar adversus Pompejum, totius Orientis auxilio dimicantem, paucis, & ad Dyrachium extenuatis quidem legionibus præliabatur. Sic Constantinus Magnus, adversus Maxentium Tyrannum, centum octoginta octo millibus armatorum ferocientem, non nisi quarta exercitus sui parte pugnavit. Sic nuper Georgius Castriotus, vulgo Schanderbechus, adversus immensas trecentorum aliquando millennium Turcarum copias, non nisi decem selectorum millibus dimicare, & vincere quoq; cōsueverat.

Demaratus autem Lacedæmonius, apud Senecam, Xerxi tot myriadibus Græciæ bellum inferre meditanti, rationibus hisce dissuadet. ^{Rationes quare.} Verum est, quod dicitur, majorem belli apparatum esse, quam qui recipi ab his regionibus possit, quas oppugnare constituis. Sed hæc res contra nos est. Ob hoc ipsum te Gracia vincet, quia non capit. Ut ite toto non potes. Præterea, quæ una rebus salus est, occurrere ad primos rerum impetus, & inclinatis opem ferre non poteris, nec fulcire ac firmare labantia. Multo ante vinceris, quam victum esse te sentias. Quis eventus? Post paucula iterum Senecam audiamus. Acciderunt quæ Demaratus prædixerat. Divina atq; humana

mana impellentem, & mutantem quicquid obfiterat, trecenti stare jusserunt: stratusque per totam Græciam Xerxes intellexit, quantum ab exercitu turba distaret. Itaque & Demarati rationes, & tot Herorum exempla Vladislaus secutus, non viginti armatorum millibus, centum septuaginta Moscorum & exterorum millia aggredi non dubitavit. Et eo successu, qualem nec Alexander unquam, nec Schander-Bechus, aut quisquam prænominatorum Herorum habuit. Quippe illi vicere quidem, sed hostem reliquere: hic vicit ut hostilem exercitum nullum relinquere. Cæterum ordinem rei videamus.

Rex Vladislaus miro Stratagemate statum Urbis cognoscit. Postquam Vladislaus Rex, tantilla suorum manu fretus, in primis, ad Borysthenem, castris, vicini hostis munimenta, locorum situm, liberationis modum, & hisce similia, accurato oculo perlustrasset, antequam aliquid aggredieretur, statum Urbis, & præsidiariorum in ea, cognoscere constituebat. Sed maxima diffultas erat, cum omnes ad Smolenscum aditus hostilibus copiis insiderentur. Qua autem sylvæ & angusti calles spem faciebant, Mosci suorum millibus equabant. Interim Vladislaus Rex è re præsenti consilium capiens, inaudito hucusque Stratagemate, spem & fiduciam hostium in suam commodita-

tem

tem vertit. Militem strenuum & audacem virgultis viridibus ita circumquaque vestiri fecit, ut, hominis persona prorsus testa, arborem mere & virgulta mentiretur. Huic litteras ad præsidii Ephorum & Præfectos Urbis credidit, ad quas responsum si referret, mercedem non exiguum pollicebatur. Miles, Monetæ Divæ gratiis allectus, per nota nemora callesque periculo se commisit. Et ubi adventantes aut in propinquuo Moscos animadvertisit, fixo vestigio hærenſ, prorsus arborem & virgulta referebat. Adeo etiam ut Mosci ab utroq; latere transeuntes deciperentur. Quibus jam procul agentibus, ubi se sibi & audaciae suæ redditum vidit, caute rursus progrediebatur. Et tandem ea ratione, inadvertentibus Moscovitis, non semel in Urbem, & ab Urbe regressum, statum ejusdem, & necessariarum rerum in ea penuriam, Vladislao Regi aperuit.

Ubi ergo Rex Smolenscianos, annona, militare, pulvere tormentario, & pecunia indigere didicit, qua via potissimum de his omnibus provideri possent, cum suis in consilium ivit. Erat autem scissio inter Duces: alii enim censebant, ad Prozarovii stationem & munimenta fortunam tentandam, & data occasione, de necessariis Urbi providendum. Et hanc sententiam plures tenebant.

*Delibe-
ratio qua
ratione*

*Vrbis suc-
currendū*

bant, tum ob varias rationes, tum etiam quia Pro-
zarovii statio, castris Regiis vicinior erat. Alii
autem Boristhenem transeundum, & ex ea parte
præsidiariis subveniendum. Erat enim ibi via,
ad pontem Urbanum ducens, quo Boristhenes
subjungatur. Hanc Mosci munire contempse-
rant, quod ea parte periculum minus suspicaren-
tur. Et in hac sententia pauciores erant, sed inter
hos ipse Rex.

providētia Regis. Itaque hujus sententia prævalente, signum
ad arma & expeditionem tympanis & tuba da-
tum. Antequam vero castris legiones educeren-
tur, prospectum hoc singulati providentia Re-
gis, ut militem de sarcinis suis sollicitum, hac cir-
ca liberaret; ne de alia quapiam re, quam pugna,
victoria, & spoliis hostium cogitaret. Itaque ea-
dem prima illa ad Boristhenem castra, pluribus
munitionis claudens, in iis impedimenta o-
mnia, currus, & quicquid vel anxum, vel tar-
dum reddere exercitum poterat, reliquit, &
quatuor cautissimorum millium præsidio muni-
vit. Et prudentissime hoc providus Vladislaus.
Quippe non semel animadversum est, sarcinas
cladibus occasionem dedisse, & expeditissimos
milites ad victoriam momentum attulisse; cum
sarcinati sollicitudine sua divisi, latus ad cladem,

pro-

propter impedimenta nudarent, & expediti, quasi
levi cursu, ad victoriam & victorum spolia pro-
perarent. Nota sunt illa Virgilii.

*Et me quem dudum nonnulla injecta movebant
Tela, nec adverso glomerati ex agmine Graij,
Nunc omnes terrent auræ, sonus excitat omnis
Suspensum, & pariter comitiq; onerique timentem.
Recte ergo militem, ad conceptam animo suo vi-
ctoriam, expeditum Rex, ante ullam pugnam,,
reddidit. Tunc autem, Borysthenem transgressus,
versus Matthissonii stationem, ad prima muni-
menta hostium, solis armis & spe victoriæ gravem
duxit. Duo autem alia necessaria cautissimo Re-
gi visa sunt, antequam aggrederetur. Alterum, ne
duobus illis Pontibus, quibus, subjugato Bory-
sthene, sua Mosci cis & citra Borysthenem castra
univerant, & quodammodo colligarant, copiæ, à
dextro latere, hostibus subsidio venirent. Alte-
rum, ne à sinistris, ex ipsa hostium statione pari-
ter, in districtos pugna occupatosque Polonus,
subito & de repente incurrerent. Utriq; provida
cautela Regis occursum est. Et à dextris quidem,
ad hostium pontes observandos, Martinum Kaza-
novium Palatinum Podoliensem, & Polonici ex-
ercitus Generalem, Adami Kazanovii, Sendomi-
riensis Castellani, & Archicamerarii Regni fra-*

trem patruelem, triginta & amplius, annis, per omnes gradus Martios, probatū militem Ducemq; destivnait. A sinistris, in editiori tumulo, suggestū tumultuatio opere excitavit, & in illo tormentis aliquot collocatis, eruptiones & insultus hostium è statione sua prohibuit. Sic ab utroq; latere tutior Vladislaus, ad unum solummodo à fronte hostem proprius admovit exercitum. Tum vero nova & alia difficultas imminentem Barbaris Regem re-
*Septem
Moscovi-
tarū mil.
lia cedit.* morabatur. Quippe septem Moscovitarum millia, ad resistendum illi, stationibus suis egressa, oportet tunis locis, quā adiri maxime poterant, repagula echinata objecerant: quæ humiliare prius oportebat, quā ipsi adiri aut vinci possent. Itaq; Rex hoc quicquid erat operis Radzivillio Duci commendavit. Hic assumptis aliquot Cosacorum, & desultoriorum equitum, Tragonum vulgo, turmis, quadringentis insuper Sclopetariis, quos Heidores Poloni vocant, palis securibusque oneratis, ad exequendam voluntatem Regis properavit. Sed major erat, quam sperabatur, difficultas: cum his munimentum destruere, illis defendere & impedire nitentibus, ingens pugna oriretur. Tandem tamen, summo licet periculo & labore defuncti, Poloni superiores, quicquid erat obstaculi humiliaverunt. Tum vero Vladislaus Rex cum universis copijs,

copiis, se septem millibus hostium intulit. Moscovitæ autem acerrime resistebant: præsertim cum duobus illis pontibus in subsidium venire copias à longe conspicerent. Sed has cum Kazanovius magna vi retro trans Borysthenem egisset, & illi ulterioris Regi resistendo non essent, in stationes præcipiti fuga se receperunt.

Interim autem, cum Vladislaus Rex cum septem illis hostium millibus dimicaret, & Kazanovius, ad Moscovitarum pontes cum iisdem fortiter præliaretur, Casimirus Princeps (sic enim inter Duces convenerat) in omnem occasionem intentus, neglecta illa (de qua superius egimus) ab hostibus via, suam legionem peditum, annona, pecunia, nitrato pulvere, aliisque necessariis rebus abunde provisam, per Urbanum pontem, Smolenscum misit: cui præfidiarii obviam progressi, integrum illæsamque, nihil sentientibus Moscovitis, in Urbem introduxerunt. Adeoque Stratagemate tali, si non Urbs omnino obsidione levata, saltem penuriæ præsentique necessitatibus, in longum prospectum fuit.

Noctem istam Vladislaus Rex, non in domo, non in tentorio, non in lecto mollique pluma, sed rheda sua transegit: & lassa imperio prælioque brachia, fatigata non uno labore membra, non ali-

*Fortitudo
Regis.*

bi quam in proprio curru ad quietem composuit.
Procul à delicatis illis diffluentium luxu moribus:

Epist. 56. quos Anneus in illo notat, de quo dicit. *Aspice*
illum, cui somnus laxæ domus silentio queritur: cuius
aures ne quis agitet sonus, omnis servorum turba con-
tinctuit, S suspensum, accendentium proprius, vestigium
ponitur. Huc nempe versatur atque illuc, somnum in-
ter ægritudines levem captans: quæ non audit, au-
disse se queritur. Procul, inquam, ab hujusmodi
moribus, circumstrepentibus copiis suis & hosti-
um, in medio tumultus, solo carpenti sui ventre
clausus, somno se Vladislauis quietique dedit.

In sequenti vero die, Rex, cū omnia hesterni præ-
In priora lii pericula, difficultates, & labores, maturo judi-
cæstra re-
veritur. cio ponderasset, quoniam multum cruris per vi-
8. Sept. etoriam quoque fusum erat, aliquot dierum quietem necessariam judicavit: tum ut miles spiritum non nihil reciperet: tum etiam, qua ratione, sine multa sanguinis profusione, Urbem penitus liberare posset, viam meditaretur. Commune hoc illi, cum religiosissimis Imperatoribus quibusq;: qui salutem suorum, singulari studio, cladibus etiam hostium præposuere. Sic (ut procul à sanguine ipsius non abeam) Carolus V. invictissimus Imperator, cum in Africa clade non una afficere Mahometanos potuisset, maluit abstinere tamen, quo saluti

saluti suorum consuleret; cuius unius vitam mil-
le sibi Mauris chariorem dixit. Quippe, ut Seneca,
Nullū ornamentum Principis fastigio dignius pulchri-
usq; est, quam illa Corona, O B CIVES SERVAT
TO S. *Non hostilia arma detracta vičis, non cur-*
rus Barbarorum sanguine cruenti, non parta bello spo-
lia. Hæc Divina potentia est, gregatim ac publice ser-
vare: multos autem occidere & indiscretos, in-
cendij ac ruinæ potentia est. Itaque Vladislaus
Rex, ut ad propositum revertamur, cum ob-
has rationes necessariam, ut dixi, quietem ju-
dicaret, exercitum suum universum, per pontes,
trans Borysthenem in castra priora reduxit.
Hostes autem fugere Regem arbitrabantur.
Tam caute enim Casimirus Princeps in Ur-
bem subsidium miserat, ut multo tempore
nescius hostis, cum recedere Regem videret, re-
infecta, & quasi desperabundum, longius abire
putaret.

Interim Vladislaus, diebus aliquot quiete *pokrovi-*
transactis, cum modum alium non inveniret, ag-
gredi stationes hostium armata manu decrevit: *ensemō*
ut quicquid instruxerat diuturni sceleris longa
moltio, felici tandem congressione consumeret. *tem, ar-*
manuoc-
Quamobrem universas copias, eodem quo prius
itinere, per pontes, trans Borysthenem, ad Matti-
cupat.
21. Sept.

sonii stationem duxit. Erat autem statio hujus in Pokroviensi monte: qui sicut assensu erat difficultis, ita industria hostium naturam juvante, & munimentis, (quæ Matthissonius idem, immixtus suo milite Barbaris, defendenda susceperebat) inexpugnabilis plerisque videbatur. Adeoq; & natura loci, situs, difficultas, munimenta, & universum Martis & artis opus abstergere quemvis Imperatorem potuisset. Sed ut erat generosi excelsiq; animi Vladislaus Rex, ita difficultia & exalta humiliare, & sub jugum mittere proponebat. Itaque circumspicte, quo saluti suorum consuleret, per vias tutiores in superiora nitebatur: tandemque feliciter, non uno Stratagemate usus, nemine ex suis desiderato, in verticem saluus evasit. Jam autem & Barbari in armis erant, & Borysthenem, frequentibus copiis transeuntes, Matthisonio subveniebant. Ingens periculum erat, cum Chiliarchæ Abrahamovicio, ad latus Radzivillii Ducis, equus cui insidebat occideretur. Et jam in ipso montis vertice, ad majorem suorum securitatem, reductum moliebantur. Tum vero Vladislaus Rex, immisis tribus solummodo hastatorum (quos Hussaros Poloni vocant) turmis, adeo laborantes terruit, ut equitatu Moscovitico fugiente, peditatus, unius quadrantis horæ spatio,

ad

ad internacionem deleretur: Mattissoniani vero in stationes ipsorum proximas agerentur. Interm̄ potiti præsenti victoria Sarmatæ, appropinquationibus suis, exequias ipsis Mottissonij castris struebant. Quare pavidi deteriora metuentes Mosci, stationes ultro deseruerūt, & Mattissonius, beneficio noctis, relictis tormentis, annona, aliisque provisionibus, cum suis evasit. Qua autem ratione, quoo, & quomodo sese receperit, Mattissonius, confecto bello, postea Gedani interrogatus, noluit dicere. Hoc certissimum est, nisi tenebræ fugam occuluissent, non unum è Moscis futurum fuisse, qui evasisset.

Cæterum jam victor Rex ab uno latere Smolenscum omnino liberaverat; adeo ut commeatus libere invehernetur, & è contra ex Urbe pro libertu eveheretur, quicquid necessarium videbatur. Quinimo & ipse Rex in Urbem aliquando concessit: tum quo & confidentiam suis, & præfidiariis animum adderet: tum etiam quo hostes irritarentur, cum Urbem nunc obsidione liberatam, & præsentia Regia spirantem jam altius, cum dolore, cruciatu, desperatione, metu, & confusis affectibus intuerentur: pro qua tot labores, tot pericula, tot difficultates, incassum subiverant, & diutinos septem annorum apparatus,

ratus , septem annorum molimina , & ineffabiles sumptus , in inane & vacuum abiisse conspicerent : et , quod maximum omnium est , spem ipsam felicioris alicujus successus , quod dicitur , in cinerem recidisse .

Præfecerat autem Vladislaus Rex , in Pokroveni-
Moscipos si monte , munitis aliquibus Botlerum & Wol-
krovien-
sem mon- senium Scotos , cum legionibus suis , Chiliarchas :
tem fru- ut & loca illa defenderent , & è superioribus jugis ,
strarecu- in subiectas hostium stationes , tormentorum fra-
perare gore detonarent . Fremuere Moscovitici Gene-
nituntur rales , cum è monte , quem paulo ante insederant ,
tormentis eminus peterentur ; adeoque jam exi-
tio esse , quod præsidio fuerat , & tutelam in metum
abiisse . Quid ergo ? Tribunis imperant recuperare montem , quem ipsi defendere paulo ante ne-
quiverant . Tum vero Barbari , quo ignominiae
maculas fortitudine & virtute detergerent , tanto
impetu , legionibus variis , in Polonos è stationibus
suis ascendebant , ut uno velut momento , per no-
tas sibi valles , nullo adversariorum suorum sen-
tiente , in verticem montis evaserint . Et jam in Sar-
matas , repentina malo percussos , fortiter irruen-
tabant : adeoq; , post acerrimam quatuor horarum
pugnam , eo deventum est , ut pedes pedibus con-
jungentes , sclopetis , bipennibus , hastis , gladiis , &
qui-

quibus vis ad manum armis, pectora invicem, tempora, frontemque pulsarent. Hoc, ardens vindictam, Mattissonius à longinquo videns, ejusdem ipsius montis amissi dedecore stimulante, cum suis quoque militibus alia parte, in subsidium adfuit. Quis tunc furor, quis conatus, quæ partis utriusque pertinacia fuerit, non facile dictu est. Ex eo tamen vel maxime elucescit, quod æquantes ad noctem usque clades, ambigua victoria dimicaretur. Ad extremum una, non virtus, non dextera, non fortitudo Polonos, sed fortuna, familiari in bello casu, perculit; dum referta trianitrato pulvere vasa, nescio quo infortunio, ignem concipiunt, et, uno velut momento, circumstantes omnes adurunt, disiiciunt, & in aëra secum rapiunt. O quantus tunc tumultus, quæ turbatio, quishorror; cum Sarmatæ & à fronte, & à lateribus armis, & in ipsis stationibus suis infortunio miserando & miserabili, ad metum, motum, desperationem, & fugam sollicitarentur! In vestigiis tamē suis, quod mirere, constantissime perseveraverunt; & fortunæ, & hostium furori, qui infortunio ipsorum creverat, pares fuerunt. Sed & Vladislaus Rex, qui erat ad minima quoque suorum vigilans & curiosus, statim post pulveris injuriam, Vice-Tribunum propriæ legionis suæ Meydelium, cum

prætoriana legione sua, in subsidium Botlero Wol-
senioque misit. Hic adventu suo Polonis animum
auxit, & terrorem omnem à suis in Moscos tran-
stulit. Itaque & languidius hi dimicabant, & ap-
parebat jam magis pudore quam virtute pugnare.
Ut ergo tenebræ texere frontem, spe subinde irri-
tati, in totum male multati, retro tandem ad suos
abiere.

Rex pe- Vladislaus Rex qui absolutam volebat & sine
riculose ulla exceptione victoriam, non satis ad gloriam
Froz. aro- suam duxit, quod Smolenscum obsidione levasset,
ryßstatio- nisi etiam inhärentes adhuc Urbis suæ cervicibus
nem op- hostes longius submoveret: & jam non clades, sed
pugnat. 28. Sept: cladibus fœdifragium persequeretur, & mature
rebelles, maturis quoque flagellis castigaret. Ad-
eoque triplici instructa acie, eadem via, qua Ca-
simirus Princeps Urbi subvenerat, per Urbanum-
pontem, penes Smolensi muros, usque fortalitiū
Sigismundi (quod à Sigismundo III. gloriose me-
moriæ, juxta profundam vallem structum) exer-
citum movit; Prozorovii Locum-tenantis Gene-
ralis, & Tribuni Dammij stationes, externo par-
tim, partim Moscovitico milite, armis tormen-
tisque præsumentes, invasurus. Itaque ipso Wen-
ceslai festo, hora tertia crepusculo matutino, Co-
miti Jacobo Weihero, Tribuno Abrahamovicio,
& Za-

& Zaporoviensibus Cosacis, primum in hostiles munitiones assultum facere imperavit. Quod ea ipsi ferocia præstitere, ut ingens illud & late diffusum Moscovitici exercitus corpus, velut i&tu uno, ad sensum perductum, totum commoveretur, & extra stationes suas, contractis viribus suis, in aciem & apertum exiret. Inde, jam præparatis ad arma partibus, signo dato acies concurrere. Primus, ut pro animositate sua longius hostibus sese suis ingesserat, Comes Weiherus damnum tulit: cum sclopetarii Barbarorum, longioribus, ad Germanorum morem, tubis, in occupatos certoque hoste districtos, à lateribus satis feliciter explosissent. Ille tamen, ut est probatissimus miles, & militaris scientię peritissimus, prudenter cladem texit, periculo provide sese exemit, & hosti vulnera sua reposuit. Proximus ipsi periculo Sapieha fuit: qui cum hastatis suis, & à lateribus, & à fronte, & à tergo, Moscovitarum agminibus omnino clausus atque circumdatus, ab omni parte vellicabatur. Hostilis tamen industria, ferocia, furor, intra Herois istius virtutem, generositatem, & fortunam fuit. Salvus quippe cum suis evasit; tam longe quidem, inter extrema pericula, à turbatione propria alienus, ut neque militaris ordo, quem pertinacissime adhuc observabat, cum se reciparet, turbaretur.

Signum tamen unum, in hostium manibus, militare, velut, ut dicimus, plumam liquit. Cosa-
corum eadem fortitudo & fortuna fuit: post cru-
delissimam enim concertationem, multitudine
hostium pressi, pedem retro dedere. Et jam omni
ex parte Polonus laborabat. Et profecto pericu-
lum non leve fuisset, nisi Vladislaus Rex pruden-
tia, fortitudine, & fortuna sua, omnem rei bene
gestæ gloriam hostibus subduxisset. Ille enim
partim monendo, partim exhortando, partim
suo exemplo præeundo, pronus jam ad fugam
Sarmatas, ad constantiam animavit. Et hoc ma-
xime necessario tempore, cum hostilis omnis, alia
etiam parte, equitatus, ad consummandam vi-
ctoriam properaret. Sed hic, à Kazanovio, cum
paucis cohortibus, à Rege obviam misso, quod
mirere, non distentus tantum, sed inusitata qua-
dam fortitudine & felicitate retroactus est. Quod
ut stuporem Sarmatis, ita horrorem Barbaris in-
ferebat; adeo ut languidius jam arma moventes,
animum hostibus suis, tanquam pæniteret suc-
cessus, restituerent. Ad meridiem tandem, cum
ab hora tertia matutina fuisset pugnatum, pari
gloria parique clade, quasi signo dato, partes in
castra se recepere. Moscus autem similior victo,
cum initio pugnæ vicisse videretur,

Hoc

Hoc autem & ipse existimavit, cum haustum,
ab equitatu, à pauculis Polonorum turmis retro-
acto, metum, post paululum vili desperatione
patefecit. Siquidem Vladislaus Rex, ambigua i-
stius diei fortuna irritatus (ut est generosissimi a-
nimi nunquam successibus dubiis acquiescentis
genius) arma iterum, aciem iterum, impetum
iterum meditabatur. Nec secus quam cogitave-
rat, ipso S. Michaelis festo, pugnaturus in cam-
pum prodiit. Tum vero quid animi hostibus es-
set apparuit, cum & Prozariovius Locum-tenens
Generalis, & Carolus Hubertus, & Dammius, a-
liique Tribuni militares, relictis stationibus suis,
ad Sehinum Generalissimum suum, trepida se-
se fuga reciperent. Magnum me hercule hoc pro
Polonis erat, cum simul fortalitia octo munitissi-
ma, victualibus & annona summe provisa, duo-
bus grandibus machinis æneis, armis insuper
aliis, & bellica suppelleatile copiosa apprime in-
structa, ipsorum arbitrio relinquerentur. Præser-
tim cum duobus jam lateribus Smolenscum, sub-
motis longius hostibus, sui juris redderetur: &
quæ sine dispendio humani sanguinis expugnari
non potuissent, ultro, magna indulgentia Su-
perum, in manus traderentur. Tentoria tamen sua
Barbari, sive quod labores suos & commoda ho-

Dū Vla-
dislaus i-
terū op-
pugnati-
onem pa-
rat, Pro-
zariovius
stationem
deserit.
29. Sept.

stibus inviderent, sive ut immundiciem suam absconderent, incenderunt. Et sanctissimæ Trinitatis templum, victualibus & annona grave, quatenus defendere ipsi non poterant, & tamen hostibus suis eriperetur, supposito rumpi pulvere & ardere fecerunt. Ut fugæ quoq; præcipitium & velocitatem colligas, non tantum sibi temporis indulserunt, aut etiam crediderunt, ut languidos, infirmos, immo etiam mortuos, cuius tamen rei Schismatici superstitionissimi sunt, sine ullo solatio inhumatos relinquenter.

Cæterum Vladislaus Rex, non hac ignominia hostis, & sua felicitate contentus (ut Heroicæ Huberti indolis genius est non acquiescere, sed sperare, & Leslei prospera ulteriora semper) quicquid circa Smolenscum adhuc erat hostile, armis destruendum rus, eos jā duxit. Restabant autem, præter Sehinum, exercitus citatissimi exterarū gentium, sub Carolo Jacobo 4. Octob. & Lesleo, milites, non fortalitiis tantum & munimentis firmi, sed in ipsis, ad mænia Smolensci, fossis infesti. Quapropter & hos majori animo, pluribus artibus, & Stratagematibus variis, aggredi statuit. Adeoque & exercitum suum, oratione commoda animatum, ipso S. Francisci festo, in aciem cornuaque disposuit; ut vel oculos hostium promptitudine sua ad prælium irritaret, vel

vel ad pavorem animos, copiis expeditis instru-
ctisque, sollicitaret. Alterum accidit. Quemad-
modum enim membrum unum corporis, si patia-
tur, totum afficit, & ad viciniora contagio ser-
pens, tandem compositum ipsum sollicitat, dissol-
vit, destruit: ita timore correpti Barbari pusilani-
mitatem suam copiis auxiliaticibus exteris, qua-
dam quasi contagione corruperant; sic ut nunc,
ad præsentiam imminentis bellicosissimi Regis,
geminato ad fugam metu sollicitarentur. Itaque
& hi, convasatis omnibus, & ingentibus magno
labore machinis ad Sehinum retro-actis, summo
cum silentio, ut lateret propositum & ignominia
Sarmatas, ad Sehinum retrocesserunt. Nec ante
Rex, proprius aciem paulatim admovens, fugisse
animadvertisit, quam in Caroli Jacobi, inde in Les-
lei stationibus ignes, tentoriis depopulandis desti-
nati, in altius aridam materiam corripientes, fu-
gā prodidissent. Tunc Vladislaus celerius agmē ad
munitiones egit, ut, si posset, hostes fuga adhuc, ut
putabat, præpeditos, immisis levioris armaturæ
turmis, turbaret, carperet, cederet, captivaret. Sed
fortalitia præsidio vacua ingressus, sparsa sine or-
dine arma: annonæ, commeatus, tormentorumq;
nihil invenit. Cæterum ipsæ Belgico Italicoque
more munitiones in stuporem rapuere Polonos,

& ma-

& magis quod expugnatū difficiles, ipsi, ne unum quidem expectantes impetum, Occidentales, magna cum jactura nominis sui & famæ, deseruerissent. Adeoque Rex, minime præsumptuosus, ipsos pro se Superos pugnavisse palam fatebatur: & cæcitatem hostibus extremam intulisse, ut ea, quæ sollicite, oppotune, & ingeniosissime, ante aliquot menses struxerant, jam, licet optimis provisi armis, nec alia quapiam difficultate quam adventu & nomine suo pressi, quomodo & qua ratione defenserent, non viderent. Sed ut scelerati, si absit aliunde poena, saltem conscientia sua; ita fœdifragi, rebelles, & perjuri, ut appareret, cæcitate crassa, panicoque metu continuo flagellantur,

Vvoie-
vvocij
Prefecti
Smolen-
scensis
mors.
6.Octob.

Verum enim vero Smolenscum jam, singulari benevolentia Dei, & Invictissimi Vladislai Regis industria, virtute, fortitudine, & ab Oriente, & ab Occidente, & à Septentrione Regium erat. A Meridie tantum, contractis in unum copiis, Sehini Generalissimi statione quodammodo Moscoviticum perseverabat. Et quo minus hanc ipsam statim Rex quoque aggrederetur, unius viri casus fecit: Erat hic Woiewocii Smolensensis Gubernatoris, à cuius brachiis obsidionis tempore Urbs tota pendebat. Hic facta cum centenis aliquot, per pontem Urbanum Borysthenis, eruptione, è quodam muni-

munitione Barbaros strictis tantum frameis
pepulerat: nec finem eos persequendi faciens,
glande trajectus plumbea, in summo gloriæ suæ
fastigio, adhuc dum vincit, occubuit, exemploq;
suo hemistichium illud, nemini fortunam ten-
tandi nimium dissuadentis Homeri verissimum
demonstravit;

Te generose tuus perdet furor.

*Apud Sen:
lib. i. Cō-
troy.*

Potuisset fortissimus Heros, partæ jam gloriæ, lau-
dis, & victoriarum satur, cum nullum Urbi resta-
ret periculum, suspectis eruptionibus superse-
dere, & prosperè gestæ rei præmia, quæ honori-
fica ipsi à liberalissimo Rege destinabantur, ex-
spectare. Sed voluit nimirum vir egregius, cor-
datus, & animosus, hoc etiam glorioſo facinore
toti patefacere Mundo, non pro necessitate tan-
tum & præmio ſele, ſed gloria etiam Nationis &
ſalute publica dimicare: cujus quantā rationem
haberet, à ſuo periculo & tandem morte meti-
endum voluit. Maſte generofſiſme vir, & hoc
obtinuisti, & præmium meritorum tuorum non
exiguum. Per tot enim, quo Mundus ſtabit, ſe-
cula triumphabis, & fama poſthuma, tua fortia
geſta, in maximum ornementum familiæ tuæ,
jugiter celebrabit.

Rex cum ordinatis in Urberebus, alium ipſi

L

ſubſti-

Rex Alau substituisset, jam in Sehinum ipsum, arma expe-
darumē diebat: quod quidem hic nequaquam, pr̄esertim
skorovv- imminentे asperima hyeme, futurum sperave-
nium mō- rat. Putabat enim Vladislaus Regem, Smolensci
pat mu- liberatione, partaque tam illustri victoriarum
nitque gloria contentum, aut in Urbe ipsa aut alibi hye-
16. Oct. maturum: quo à tot laboribus vigiliisque spiri-
tum nonnihil reciperet, & fatigatum non uno
castrensi incommodo corpus, suavis dulcedine
otii recrearet. Sed alia erat invictissimi adversus
omnia infraetiq; Regis mens, qui variis rebus, &
ipso victoriarum suarum ordine, ad ipsum Sehi-
num trahebatur: non quieturus nisi & ipse, & o-
mnes qui ad ipsum ignominiosa fuga sibi locum
fecerant, in manus simul venirent, & devota exi-
tio Sarmatiæ capita meritis affligerentur pœnis.
Ad hoc cum universis copiis, per Urbanum pon-
tem, Borysthenem iterum transgressus, versus Se-
hinum movit. Erant autem Sehini castra in duo-
bus montibus posita; quorum alterum ipse, re-
spectu Regiorum castrorum, trans Borysthenem,
cum præcipuis Moscorum Ducibus, vastis rento-
riis occupabat: alterum, qui & Virginieus dice-
batur, ignobiliores Chiliarchæ, non procul à Re-
giis castris, cis Borysthenem, insidebant. Adeo
autem sibi invicem opportuni erant, & navalí
pon-

ponte & munitionibus quodammodo colligati, ut unus sine altero expugnari non posset, & duo velut unam stationem munitissimā & inexpugnabilem facerent. Itaque Vladislaus Rex non statim Sehinum aggressus est, sed, ut & hostem falleret, & destinata facilis exequeretur, rumorem de industria spargi jussit, in penitiorem Moscoviam se exercitum ducere: & ipse interim, quasi continuæ pluviae vota retardarent, aliis copiis, sub oculishostium, ordinata acie perserverabat; aliis, Alaudarum Montem, ob continuas pluvias & aëris obscuritatem hostium conspectui ereprum, occupabat; quem munitionibus deinde firmavit. Altera vero die, cum Kazanovio, & Skorownium montem ascendit, quem ad propositum suum magis opportunum animadvertisens, suggestum eo loci fieri jussit, unde in ipsa Barbarorum castra, ignita mittere iacula pro arbitrio posset. Inde fortalitium ingens, cum munimentis alijs, ad defensionem suggestus, excitavit, & utrumq; Montem quatuor legionum præsidio firmavit: ita tum, ut dixi, Vladislao Regi famulante natura, ut continuis octo dierum pluviis & obscuritate, hostiū oculis, quid Sarmatæ molirentur, subduceretur,

Serenitate Orbi reddita, cum & deceptos sese, ^{Mosci}
& nova opera ad perfectum quidem, in perniciem ^{horribili}
^{impetu,}

suam surrexisse Mosci mirarentur, fremuere: &
mox in ultionem exgentes, una destruere hora
præsumunt, quod octo dierum industria laborque
struxerat. Et addiderant præsumptioni vota, Stra-
tagemata, dolos; ut & Sacramento, & fiducia, &
religione, ad virtutem & victoriam acuerentur.
Et profecto si Barbarorum, hoc in conatu, singula
consideraverimus, nihil Barbarum, nihil non astu-
tum, & ad propositum ipsorum efficax invenie-
mus: nec dubium apparebit, quin exequi etiam
statutum potuerint, nisi aut Vladislao Rege cum
Polonis fuisset dimicatum, aut Deus fœdfragis
victoriam & successum omnem prosperum è ma-
nibus eripuisse. Disposuerant enim denso ordi-
ne, in adversa fluminis ripa, equitatum, & qua-
tuor sclopetariorum millia, hoc equitatu tecta, ad
tutum non procul ab eo, ubi dimicandum erat, lo-
co, ad infidias subducebant. Insuper quinquagin-
ta quatuor tormenta legionaria, in ipsa statione Se-
hini, eo loci disposuerant, unde in Sarmatas, corpo-
re toto, ubi dimicandū erat, obnoxios, suis Sclope-
tarijs interim loco humiliore tutis, eiacularentur.
Naves præterea frequentes, capacitate commodas,
& asseribus ad propositū altius structas, quibus &
multi, & secure, in alterā ripā arma impetūq; trās-
ferrent, præparaverant. Ita quasi momento tēporis
Borysthe-

Borysthene superato, vino, ut appellant, adusto,
seu cremato, subebrii, quatuor illas, quas Vladis-
laus Rex in montibus præsidio liquerat, legiones
aggrediuntur. Nunquam antea Sarmatæ sic in
hac expeditione perculsi. Ut enim præcogitati
mali mollis ictus venit, & tela prævisa minus feri-
unt; ita repentinus hic impetus, & hactenus inex-
perita ferocia, quasi geminato malo terruit. Itaq;
parum absuit, quin, Rege centenis aliquot passi-
bus, tunc temporis, à montibus hisce degente, mu-
nimentis, Montibus, & fortalitiis pellerentur, &
post tot, incorrupta felicitate, victorias, ascendens
in altum Polonici nominis gloria destrueretur.
Unus, sicut alias sæpe, celeritate sua, Vladislaus re-
stituit rem. Hic eminus enim animadverso peri-
culo, mox signo dato equitatum omnem, pedita-
tu subsequi jussso, in auxilium suorum, citatissimo
cursu, properare jussit. Sed hunc, ubi oportunum
Schismatici habuere, ita quinquaginta quatuor
tormentis legionaribus illis salutavere, ut multi
nobilium Polonorū equis delapsi, terram san-
guine suo purpurearent. Cum adhuc magis ap-
proximarent, illa in insidiis quatuor sclopetario-
rum millia, cendentium globorum grandinetur-
bavere. Sic ut extenuatæ legiones equitum jam
non pro solita animositate pugnarent, & ipsi au-

xilio indigerent qui in auxilium venerant. Tum vero Rex quatuor (unam Principis Casimiri, duas Botleri, & unam Wolsenii) legiones, in Montes, ad suos, ascendere imperavit. Quibus advenientibus nonnihil circumacta fortuna est, & Poloni, pulsos à monte Barbaros, ad Borysthenem usq; fugaverunt. Sed nihil actum illa virtute & felicitate. Quippe Barbari numerosioribus copiis succurrentes, non modo suorum stitere fugam, verum etiam, Sarmatis retro aëris, longius à flumine submovebant; adeoque & in ipsos Montes revertabatur impetus. Jamque in Tumnum Mosci evaserant, in præceps prono cursu Sarmatas deturbatur, cum iterum subsidiariæ hastatorum turmæ, & Cosaci Zaporovienses, à Vladislao missi, recentibus animis viribusq; à suis in Barbaros, mira vicissitudine, metum clademque transferrent. Iterum ergo Moscovitæ à summo in imum & Borysthenem usq; rejecti. Diceres ex composito ludum esse, aut aspicientem omnia dubitare Fortunam cui tandem parti accederet. Rursus quippe Mosci, aliis aliisq; jugiter succurrentibus copiis, potentiores evasere; submotisq; longius Sarmatis, in Montes tertia vice & victoriam ascendebat. Inde Rex & Radzivillius Dux prætorianis militibus

(res

(res ad Triarios quippe devenerat) adfuere, & Barbaros magna vi in subjectam planitiam fluvi-umque præcipitaverunt. Et licet, anguum in-star, novis subinde novisque viribus confirmati, in unum rursus coalescerent, conatumq; reno-varent, tamen ad priorem felicitatem via modusque non patuit. Omnem quippe, præsentia sua, Vladisla^o successum rupit, & ad noctem usq; pertinaces Barbaros, cædibus vulneribusq; com-minuebat. Quo minus autem internecione de-leret, illa quinquaginta quatuor tormenta legio-naria, & subducta quatuor sclopetariorum millia impediebant.

Rex suorum ab hisce damnum fremens, & ere-ptum integræ confiendæ rei modum frendens, ^{Rex per}
omnem in sclopetarios illos furorem vertit, & ^{VWeiherū}
ulcisci eadem nocte meditabatur. Et factum ^{sclopetar-}
dubio procul fuisset, si per planitiam, qua facilis ^{riorū ho-}
apparebat, accessus patuisset. Siquidem Comes ^{stiliū fru-}
Jacobus Weiherus, cui Rex hoc negotium dede-^{stra noctu}
rat, & alias multum tribuebat, summo cum silen-tio, ^{obruere}
ipsis minime sentientibus, stationi ipso-^{tentat.}
rum appropinquaverat. Et cum irrumpere jam
cædemq; meditaretur, ecce humus minus soli-da, cænosa, fallax, & palustris, impedimento, &
hostibus saluti fuit; adeo ut momento temporis
^{spes}

spes omnis in periculum & difficultatem vertere-
tur. Quia incauti milites alii ad umbilicum, ad ge-
nua alii, ad talos pleriq; cœno mersi, majorem ali-
quanto difficultatem sentiebant eluctandi, quam
evadendi. Et, in tanta propinquitate hostium, a-
liorum in stuporem membra, aliorum in conatum
supra vires movebantur. Nihil certius est, quam
plerisq; tunc Polonis, qui aderant, nihil magis ad
vitam & salutem profuisse, quam quod hostis i-
gnoraret. Nec sic tamen omnes evaserunt: quippe
nonnulli lassitudine, desperatione, metu, in stu-
porem, & ipso conatu suo in profundius mersi, ad
ludibrium hostibus suis inhæsere,

Itaq; spe sua falsus Vladislaus Rex, sequenti
Rex acie instruit, sed Mosci certamen die manœ aciem instruit; ratus hostem, vario præ-
cedentis diei successu, toties ad audendum irrita-
detrectat tum, rursus fortunam tentaturum. Nec in vanum
conjecerat. Jam enim & ipsi, ad assultum præpa-
rati, in arma convenerant: sed resolutione Regis
& promptitudine ad prælium invitantis conspe-
cta, animum pariter & arma deposuerunt. Rex,
cum nihil eos movere videret, & audaciam hosti-
um intra suam virtutem conspexit, arma ponere
aliquam copiarum partem imperavit, & ad secu-
ritatem majorem Montium, propugnacula alia,
munimenta alia, fortalitia alia, fieri mandavit; quo
despe-

desperationem hostibus etiam aggrediendi injiceret. Ad hoc aciem quoque, continuis aliquot diebus ostentavit, quo fiduciam suis, Barbaris vero metum confirmaret.

Non possum profecto hic satis Regium illum Vladislai animum admirari: quin non hostium numero conatuq; non periculis & difficultate, non incommodis vigiliisq; fractus, insuper Regium suum credere novercant fortunæ sanguinem non dubitavit: et, quod maximum est, indefesso labore castrensib' muniisse immisceret, & illam, eo loci, hoc tempore, aëris inclem tam, ut saliva ore projecta antequam terram attingat congeletur, & lachrymæ oculis expressæ mox in ipsis genis, frigore nimio in glaciem varientur, non abhorreret. Sed, credo, magnanimus Heros, sicut antea periculosissimis & victoriosissimis expediti onibus dignissimum se Regno ostenderat; ita nunc in castrensi pulvere non esse delicatam rem regnare demonstrare voluit. Tum etiam ut se ipsum in exemplū aliis daret, & in ipso videre liceret quantum Custodem publicæ salutis pro salute publica tolerare oporteat. Quippe cuius vigilia omnium domos, cuius labor omnium otium, cuius industria delicias omnium, cuius occupatio deniq; vacationem omnium defendere & tueri debeat de-

M ceatque.

„ GESTORVM VLADISLAI. IV.

ceatque. Itaq; comes tantarum virtutum Famā
(cujus magnam quoq; rationem eos habere o-
portet, qui, qualemcunq; meruerint, magnam
habituri sunt) non Sarmatiæ conclusa terminis,
perambulabat Orbem, & Regias Vladislai virtu-
tes in Oriente & Occidente celebrabat.

Quare & nominis, & rerum gestarum ma-
gnitudine, truculentissimi mortalium Tartari
movebantur. A quorum Chamo Legatio am-
gati ad Regē ve- pissima, sub hoc tempus, in castra venit; quæ
niūt, Rex festo tormentorum boatu excepta, copiam allo-
autē mi- quendi Regem præstolabatur. Interim Rex, cum
liti quic- nihil hostem, quotidianis aciebus irritatum, mo-
tem in- dulget. vere videret, & optime jam, adversus quemlibet
insultum, munita in Montibus fortalitia sua vi-
deret, non procul à Montibus generalia sua castra
posuit, & Borysthenem, infra stationem Sehini,
ponte subjungavit, cuius extremitatem Elias Ar-
tisschevius, vir in militia approbatus, munitione
firmavit. Cosaci vero, pontem illum transeun-
tes, in eodem Artischievii littore, in ipsa, Mosco-
viam versus, via, stationem suam, non procul à
statione Sehini, firmius solito muniverunt. Ad-
eoque Rex suis necessariam semel, tot laboribus
vigiliisq; defunctis, quietem indulxit. Quippe
Sen: de Tranqui. danda est remissio animis: meliores acrioresque re-
sur-

surgent. Ut fertilibus agris non est imperandum: ci-
to enim exhauriat illos nunquam intermissa fœundi-
tas: ita animorum impetus assiduus labor frangit. Vires
recipient paulum resoluti & remissi. Nascitur ex af-
fiduitate laborum, animorum hebetatio quædam &
languor. Erat ergo miles ordinatione Regia por-
ro otiosus. Solus Rex otium sibi non indulge-
bat: sed munimenta quotidie lustrans, alia su-
per alia, ad securitatem suorum hostiumque da-
mna, ingeniose excogitabat, fierique jubebat.
Ita suggestus varios moliebatur, & in iis tormenta
collocans, subinde grandium globorum vomitu
stationes hostium infestabat. Et paulatim illa æ-
dificans, alia destruens, à longe tanta dexteritate
hostem cingebat, ut, quid intenderet, ille non vi-
deretur. Sed & Sehinus minime otiosus, o-
pera operibus opponebat: sed inutilia pleraque
cum Regis propositum ignoraret. Diceres mo-
litionibus ingeniosis, variis, sumptuosis, vastis, ad
Dyrachium Cæsarem iterum Pompeiumque tu-
multuari. Subinde velitationes inter utraque ca-
stra, sæpius vices variante fortuna, nunc animum
metumq; faciebant: majore tamen cum detri-
mento hostium, cum à Palatinide Danielovicio,
magnæ dexteritatis adolescentे (qui laudabilem

in hac expeditione operam Reipublicæ præsttit) plurimi quotidie captivi adducerentur. Insuper singulis fere momentis, certatim jam exteris omnibus cum victoria & fortuna Vladislaum resipientibus, transfugæ Poloni accedebant; adeo ut castra hostium quotidie debilitarentur, & Polonorum accrescerent.

Tam felicem vero successum parum aberat
Rex magna prudenter & ad mulatio-
ne suorum destruit. quin Magnatum quorundam inter se æmulatio corrupisset. Quod factum indubie fuisset, nisi ad ulta Regis prudentia, ut Phœbus nubes solet, æmulationis fumum discussisset. Hoc detestabile in ipsis castris malum tum maxime vires sumpsit, cum aforis hostis amplius non timeretur. Est enim hoc non nisi felicitatis vitium: quod exordium quidem infelix in ipsis belli tumultibus successibusque sumit, sed non, nisi posito timore hostium, sese exerit & prodit in apertum. Periculo enim foris imminente, in fœdus & auxilium commune constringimur: sed, metu posito, tanquam mutuo, quo ligabamur, vinculo soluti, in varias æmulasq; partes dissolvimur. Hinc deinde insolentia, detractiones, contumeliae, insultationes, & parendi uni præ altero dura cervix; & certissimum tandem, nisi matura prudentia Monstrum hoc pessimum in tempore destruatur, veloxque exitum.

Adeoq;

Adeoq; & prudentissimus Seneca ex tali recalci-
tratione Romani Imperii miserum vaticinabatur
exitum. *Hic casus, inquit, Romanae pacis exitium*
erit; hic tanti fortunam populi in ruinas ageret. Tam
diu ab isto periculo aberit, quam diu sciet ferre frēnos:
quos si quando abruperit, vel aliquo casu discussos re-
poni sibi passus non erit, hæc unitas & hic maximi Im-
perij contextus, in partes multas dissiliet: idemque
huic Urbi dominandi finis erit, qui parendifuerit.
Verebatur idem Vladislavus de exercitu suo, præ-
sertim vicino adhuc tam numeroso hoste, quod
de Romanis Seneca vaticinabatur. Quare in prin-
cipio statim, ut malum sensit, aggressus est, ut tan-
quam in scintilla adhuc una extingueret. Alios,
primæ admissionis amicos, benevolè blandisque
verbis ad concordiam hortabatur: quosdam du-
rioris ingenii acriter repræhendebat: nonnullis
ne loquebatur quidem, ratus, cum ignorare se,
esse illos inter æmulos, simularet, ab hoc tempore
saltēm à vitio desituros, ne se quoque inter eos
fuisse Rex suspicaretur. In totum vero summe ca-
vebat, ne res, plena discriminis, in vulgus emana-
ret, partes faceret, & hostibus suis innotesceret.
Ut enim summa prudentia altissimi viri scelera
quædam non vindicare maluerunt, quam vindi-
cando ostendere potuisse fieri; ita Vladislavus Rex,

tum mutilando Monstrum, & destruendo, tum etiam non una ratione tegendo, maluit prudenter totum non videri, quam aliquo severiori indicio prodere, vel semel natum fuisse.

Inde prudentissimus Rex, non nescius otii via negotio discuti, armilustria & exercitia militaria frequentiora instituit, & crebrius levioris armaturæ cohortibus, ad conserendas manus, hostes

Poloni provocavit. Quin immo & ex suggestibus, eo tempore quo ad Ecclesiam Schismatici se conferebant, *Schisma-* titorū op̄ vigesies in eos exonerari tormenta jubens, nota pugnant, bīle damnum intulit: & Mosci ē machinis suis re pugnant, bīle damnum intulit: & Mosci ē machinis suis re *& Mosco-* spondebant quidem, sed absq; ullō Sarmatarum *viticorū* Tartaro- damno. Contigit hoc 23. Octob. Sequenti die Se rū castra hinus, Tibicine ad Vladislauum Regem misso, de incendūt. commutatione captivorum tractari petiit: & placuit Vladislao Regi, qui horum multitudine gravabatur. Hæc autem tractatio, propter fallaciam Barbarorum, ad Decembrim usq; tenuit. Interim Radzivillius Dux, ad intentum Regis, templum Schismaticorum prope Sehini castra tentavit. Et primo quidem impetu viator evalit, adeo ut Barbari in contignationem fugerent: sed supervenientibus Moscorum turmis, templum deserere iterum debuit, & in aperto pugnare: ad extremum, aliis aliisq; advenientibus copiis, retro ad Smolenscum

lenscum usque recedere. Et quamvis res illa sic
caruisse successu videretur, non usquequaque ta-
men obfuit, cum, pugnante adhuc in Barbaros
Radzivillio Duce, Palatinides Danielovicius Tar-
tarorum Moscoviticorum stationem incenderet,
multisq; aut captis, aut trucidatis, totam in fa-
villas cineremq; redigeret.

Et jam aliquamdiu Mosci, sive pavidi, sive
desperantes, defensive bellum gesserant, nec quic-
quam amplius offensive videbantur ausuri: cum
unus ad Sehinum transfuga, Moscis, Polonos in-
vadendi, animum fecit. Hic natione Gallus erat, ^{Mosci}
qui Vice-Centurio (leutenantius vulgo) nuper ^{stationē}
stipendia sub Vladislao meruerat, nūc reforma-
tus, ut vocant, apud Comitem Jacobum Weihe- ^{Regiā op-}
rum morabatur, quo simul & pane frueretur, &
ipsius gratiam aucuparetur: jam autem, proditio-
nis ergo, ad hostes transferat. Hic itaq; Polonio-
rum castrorum situm curiose speculatus, viam, ut
apparuit, facilem, ad ipsam Regiam usq; stationē,
advertisit, quam deinde facile expugnari posse pu-
tavit, quod de ea minus timeretur. Hoc primum
nationis suæ Tribuno Carolo Huberto Gallico no-
bili, & per hunc Moscorum Ducibus insinuavit.
Quid multis? Res periculum faciendi digna vi-
debatur: quę tamē, si succederet, allatura momen-
tum

tum foret. Itaque in aciem Mosci, totis, adulta nocte, viribus pugnaturi, congregantur. Nunquam ita Cœlites pro Vladislao Rege vigilasse visi. Huc usq; enim pro Fortuna Rex, jam sola pro salute Regis Fortuna pugnavisse videtur. Locus erat ad Borysthenem potandis equis Barbaris opportunus. Hunc ex Vladislavianis copiis observaverat Boterus Chiliarcha; adeoq; & prædæ, & inferendi damni cupidus, aliquot è sclopetariis suis, eadem illa nocte, eodem illo tempore, & eadem illa via, qua Mosci aciem ad stationem Regiam promovebant, illuc ire jufferat. Qui nisi tacitum armorum fragorem, tot millium strepitum, & appropinquantium Moscorum murmur audientes, signum longioribus tubis dedissent, nemine advertente, ad ipsam stationem Regiam incolumes penetrasserent; cum jam quoque non adeo multis centenis passibus abessent. Sed excitatus, adulta nocte, sclopetorum explosione Vladislaus Rex, quod erat rei suspicabatur. Quare & iussu ejus Polonos, in munitionibus convocatos, multis ad rem strenue gerendam verbis adhortabatur, & Oratione, ad præsentis rei faciem maxime oportuna, non parum animos eorum ad pugnam & fortitudinem.

*Sen: Epis-
stol. 94.* erigebat. Omnia enim honestarum rerum semina
animi gerunt, que admonitione excitantur: non aliter

quam

quam scintilla, flatu levi adjuta signem suum explicat. Erigitur virtus cum tacta est & impulsa. Quare, præviis tormentorum, quibus non leviter Barbari percellebantur, tonitruis, ea Schismaticos violentia rejiciebant, quasi viribus plus quam humanis dimicarent. Præsertim cum Regem suum cogitarent, quem unicum ut Patrem Patriæ & Servatorem suum diligebant: quem in hac statione sua præsentem, & præsentia exemploq; suo omnes animantem conspiciebant; pro cuius salute amplius quam sua pugnare decreverant.

Nec abs re. Suam quippe milites incolumentem a-^{Sen: lib. 1.} mant, cum pro uno homine denas legiones in aciem de-^{de Clem:} ducunt, cum in prima fronte procurrunt, & aduersa vulneribus pectora ferunt, ne Imperatoris sui signa vertantur. Ille est enim vinculum per quod Respub-lica cohæret: ille spiritus vitalis, quem hæc tot millia trahunt; nihil ipsa per se futura, nisi onus & præda, si mens illa Imperij subtrahatur. Itaq; pro sua salute pugnabant, cum pro Rege suo præliarentur. At hostes, licet prima vice cum damno ignominia-que repulsi, tamen non ideo statim desperabant. Sed renovantes impetum, quasi geminato per primam repulsam furore, transcendere muni-menta moliebantur. Sed mox rejecti iterum, cum clade retrocedebant. Interim & Cosaci Za-

porovienses arma cæperant, & Borysthenem celeriter transeuntes, ab uno latere in Barbaros ferocius irrulebant, & obvios quosq; primo impietu trucidantes, late stragem dedere. Sed Schismatichi multitudine abundantes, paulatim non tantum pares, sed superiores etiam evasere. Tum commodum Zaporoviensibus Cosacis venit, quod obversæ jam, in omnibus suggestibus, jussu Regio, in Moscovitas machinæ grandes, immani gutture globos in hostes vomerent, magnoque Barbarorum detimento, viam ad prospereorem conatum facerent. Iterum ergo pugna, & quidem, ad multas horas, dubio marte. Ad extremum tamen Schismatichi, cum pugnam à media nocte ad meridiem usq; produxisserent, varioque successu continuassent, nihil autem spei porro superesse viderent, male multati ad stationes suas, prosequenterib; eos à tergo crebris tormentorum iictibus Polonis, cum ignominia se recepere.

Sehinus, hoc damno suorum irritatus, medi-
Moscipolum modumque excogitabat, quo hostibus suis
lenorum cladem ignominiamq; reponeret. Cum ergo sta-
commeatus tu inter Regia non cessisset, & ipse de ea quicquam
cipere nescire prosperioris successus porro desperaret, viam ob-
tuntur, servare voluit, qua Sarmatæ commeatum ex Ur-
be

be Smolensco in sua castra transferrent : ratus, *sed cum* majore Polonorum ignominia & dolore debel-*damno* latum iri, si à latere penu clauderetur. Itaq; oc-*regium-* casionem quotidie captans, tandem præsidiarium militem, qui commeatum deducebat, magno cum fervore aggressus est. Putabat enim facile illum multitudini aut cessurum, aut, si pertinacius resisteret, celeriter, antequam subveniretur, obrui & internecione deleri posse: quomodo- cunq; autem accideret, sibi commeatum & glo- riā, Polonis hostibus suis pudorem famamque cessuram. Omni, secus acciderunt, & Fortuna iis ipsis, in quibus sperabat, mediis, in Sehini rui- nam utebatur. Tanta quippe præsidarii milites pertinacia restitere, ut Barbari, sèpius licet impe- tum redintegrantes, ne vestigio quidem uno eos movere retro possent; semper cum ignominia, & clade repulsi. Cum ergo Dux Radzivillius, ex- pedita manu in subsidium veniēs, cervicibus im- minerret, in tempore Mosci retrocessere: non semel questi, adversis sese Numinibus, & inau- spicato bellum inchoasse.

Vladislaus Rex, cum ad locum pugnæ venis-*Rex Mo-* set, & viam quā Barbari in suos irruerant, cognō-*scorū ca-* visset, extemplo fortalitium loco maxime, ad ex-*stra omni* cludendum hostem, opportunο fieri imperavit.*ex parte* *concludit* *Gobides*

Inde arbores frequentissimas incidi jussit, & ab uno fortalitio & munimento ad alterum, quacunque vel angusto calle hostem venturum suspicabatur, trabibus arboribusq; magnis vias omnes sepsit & obstruxit: adeo ut ab illo latere Barbari ne evadere quidem, etiam si omni robore conarentur, possent. Et jam Sehino non nisi una, Moscoviā versus, via patebat. Sed & in hanc Vladislaus Rex jam oculos intentionemq; conjecterat. Et in ipsa regia via quidem, frustra obnitentibus & impedire conantibus Barbaris, fortalitium ingens, vastum, munitumq; excitavit. Reliqua viarum calliumq;, quæ aut equitari aut ambulari etiam posse videbantur, succisis millibus arborum, ita sepsit, obstruxit, fossisque munivit, ut vix expedito homini, ne dicam exercitui gravi & armato, etiam si libere permitteretur, exitus patuisset. Non aliter ergo Vladislaus in Oriente Moscos obsederat, quam Julius Cæsar olim in Occidente ad Gergoviam Gallos. Insuper illum, inter munimenta sua & obsessa hostium castra, gyrum, levioris armaturæ turmis jugiter equitabat; adeo ut ne suis quidem castrorū portis hostes pedem efferre pateretur. Lignum ibant, obruebantur: pabulatum, concidebantur: aquatum, in ipso opere capiebantur. Et omnia paulatim Barbaris, quæ obsessis e-
venire

venire solent, morbi, mortes, & atra fames, contingebant. Ita exercitus ille, centum paulo ante & septuaginta millium, quotidie minuebatur, sic ut ad extremum, cum deditio[n]em faceret, non vinti millia excesserit.

Erat autem tunc temporis communis fama, alium & numerosum exercitum, ex Moscova, in subsidium Sehino venire. Et fidēm passim rumor, etiam apud Regem, inveniebat, cum nemo dubitaret Moscoviam aliquid, pro tantorum Ducum, Nobiliumq; totius Imperii liberatione, ausuram. Hinc & Vladislaus Kazanovium Exercitus Polonici Generalem, cum aliquot levioris armaturā millibus, in penitorem Moscoviam, tum ad recognoscendum, tum ad terrorē Polonici nominis latius inferendum, tum etiam, si hostem alibi inveniret & pugnæ copiam faceret, ad confligendum, misit. Exequitur diligentissime, quod erat imperatum à Vladislao Rege, Kazanovius. Et Drohobusium, Viatmæam, & Kolugam prætergressus, Mozaiscum usq;, viginti solummodo à Stolitza seu Metropoli Moscuam illiaribus, pene travit: omnia, quæ inter Smoleñscum & id loci intercedebant, sexaginta duo millaria, longe latèque populatus. Nihil magis autem copias ejus in risum & stuporem, quam D. Nicolai (quem su-

Rex Kazanovii
in Mosco-
viā peni-
tiorē im-
mittit,
qui ma-
gna cum
prædare-
vertitur.

perstitiose Schismatici colunt) imagines traxere.
Has, ædium cubiculorumque januis affixas, cum
Poloni, lucri studio, avulsas, secum abstulissent,
indefesso labore Barbari ad multa milliaria pedi-
tes sequebantur: & Sarmatas assediti, nil de opibus
& substantia sua direpta questi, solam imagi-
nem D. Nicolai humili oratione repetebant.
Quam deinde Poloni non ante se reddituros, nisi
aliquam pecuniaæ summam stipularentur, simula-
bant. Et superstitionis, si quid adhuc ex nummulis
occultaverant, totum tradere quam D. Nicolai
imaginem omittere maluerunt. Revertebatur
ergo, longe lateq; spoliata Moscavia, ad Regem,
præda gravis, Kazanovius: & nullum tanto terra-
rum spatio visum à se hostem indicavit. Immo ne
alius quidem exercitus in penitiore Moscavia fa-
mam aut rumorem esse: metum autem ingen-
tem, tam Cnesiorum & Boiariorum, quam vulga-
rium animos occupasse; sic ut potiora offerendæ
pacis, quam formandi exercitus, signa appareant.

Rex hoc tam felici nuntio latus, jam plenio-
re animo hostes aggrediebatur, & quotidie incer-
phant ob santer, ex suggestibus omnibus, in hostium castra,
Turcas & Sehini ipsius tentorium, globos mittebat: ut
Konecpol scio victos quoque & metu, ad desperationem & ignominio-
sam

sam deditioñem cogeret. Dum autem Rex hujus tam boni nuntii felicitate fruītur, ecce alterum longe meliori voluptate animum ejus mulcens. Siquidem ex Podolia, litteris ad ipsum scriptis, aperiebatur victoria, à Konecpolscio, in Valachia de Turcis obtenta. Quare autem Osmanidæ in Sarmatiam arma cæperint, & quomodo ad extre-
mum, præsentia & virtute Vladislai Regis territi, ad pacem Poloniæ glorioſiſſimam, & ignominio-
fam iſpis compulsi fuerint, paulo inferius, imme-
diate post bellum hoc Moscoviticum, dicemus.
In præsentiarum autem Vladislaus Rex, ob nuntiu-
m à Konecpolscio bene gestæ rei, tormenta in
suggestibus omnia tribus vicibus exonerari jussit.
Quo triumpho territi, quid rerum ageretur nescii,
Moscovitæ, tandem intellecta causa, *Ego nos vobis-
cum, ad Polonos vociferabantur, si scivissimus, ob
victoriam de Mahometanis obtentam, Christianita-
ti congratulantes, triumphassemus.*

Interim Vladislaus Rex, iam tempus vacuum
nactus, Tartarorum legationem, hucusque, in tot
tamque felicibus ejus successibus, præsentiam eius
anhelantem, audire decrevit. Hæc autem, coactis ^{Rex Tar-}
in encomia verbis, Regi faustam Sarmaticæ co- ^{tarorum}
ronæ adeptiōem, & felicissimum fortunatissi- ^{Legatis}
mumque regimen porro, partim & congratulaba- ^{audit &}
^{muneris}
tur,

bis dona-
tos dimit
tit 30.
Novemb.

tur, partim optabat. Tum fortitudinem ejus, virtutes, & frequentes victorias prosperosq; successus ejus, quibus se non paucis interfuisse sibi congratulabatur, elevabat. Vovere autem porro, ut Cœlites conatus ejus adjuvare & prosperare, usq; ad summam hostium suorum confusionem, velint. Ad hoc, neverba tantum adferre videtur, nomine Chami sui, centum millia expeditissimorum militum, adversus Moscum, offerrebat. Gratissima Vladislao Regi Legatio, congratulatio, & auxiliorum oblatio fuit. In præsentiarum autem, magna benevoli animi significatione, gratias egit. Tum Principes Legationis, & quemq; pro statu & conditione sua, Regia prorsus munificentia & liberalitate donatos, ad sua dimisit.

Rex Vvo-
necium
Moscuam
mittit,
Mosci mi-
sericordi-
am semel
petentes,
& resili-
entes, se-
cudo mi-
sericordi-
am Regis
implorat.

Tractabatur interim adhuc, quod superius inchoatum diximus, de commutatione captivorum. Et causa erat tam tardi processus, præcipios captivorum occultantium Moscorum dolus: qui tandem, magna ejuscum indignatione, Perspicacissimo Regi patuit. Quare Woronecium Notarium terrestrem Smolensensem, ad Moscoviticam nobilitatem, de fallacia questum, Moscuam misit: tum etiam, ut, quid rei in te simul adverteret & expiscaretur. Post hujus disces-

discessum & dolum animadversum, acrius infestari Barbaros Rex tormentis jussit: quos eo tandem, continuis aliquot dierum explosionibus, desperationis adegit, ut misericordiam ejus implorantes, dditionem offerrent, dummodo toleranda viris imperarentur. Rex, etsi perdere omnes potuisset quos in manu habebat, tamen, qui est clementia ejus genius, conditiones temporis & statui eorum cōvenientes præscripsit: quæ quoniam graves nimis videbantur, discussa concordiæ spe, arma iterum & explosiones. Quibus in tantas hostes angustias redigebantur, ut plurimi nationis peregrinæ milites, relictis Moscovium castris, ad Polonus fuga transirent. Inter quos è præcipuis Centurionibus unus, morbos, famem, & miserabilem Moscoviticorum castorum faciem, summo omnium cum stupore, depinxit. Quin imo & Sehinum litteras à Michaële Fedrowics Magno Moscvię Duce accepisse, quibus ignavia ipsi & bellicæ rei inscitia objecta fuerit, ut qui septem annorum apparatum, & exercitum numerosissimū, exercitatissimis Occidentalium nationum militibus, ingeniosissimis exoticarum artium inventionibus instructissimum, tam turpiter à Rege Poloniæ, tumultuarie tantum collecto exercitu belligerante, cedi, fu-

O gari,

gari, destrui, & ad extremum, summa cum ignominia Moscovitici nominis, obsideri permiserit. Erigebantur hisce Polonorū animi, & continuis in Sehini castra explosionibus, postremam deditorum castrorum gloriam anhelabant. Nec despexit utilem, ferocis populi, fervorem felicitas. Iterum quippe Barbari à Vladislao Rege misericordiam imploravere: quam difficilium assecutisunt, quia tam facile primo contempserant. Tandem tamen, ad supplices eorum preces, iterum ad clementiam Rex descendit. Petebant præterea Barbari, ut armistitii gratia fieret, & dannosæ partibus explosiones ad 18. Febr. diem suspenderentur. Interea vero temporis, à Commissariis, ad id à partibus designandis, ad deditio-
nis pacta formanda laboraretur. Assensit & hisce, pro Regia sua clementia, Vladislaus Rex: sed ea lege ut interea temporis deditio-
nis leges concluderentur.

VVorone- Interim Woronecius, ad Metropolim & Mo-
eius ex scoviticam nobilitatem paulo ante à Rege mis-
redit, & sus, cum optima contentatione revertebatur.
paulo post Non poterat ille satis studium & benevolentiam,
Legati à Moscovitis anhelantibus pacem, sibi exhibi-
tici ad tam collaudare: non aliter ac si Mercurius aliquis
veniunt. evangelia Moscis tulisset, Certe adeo, belli tæ-
dio,

dio, æternæ pacis & concordiæ desiderio ferri, ut propediem Legati ipsorum, qui ipsum non longo temporis & itineris intervallo secuti fuerint, adfuturi videantur. Hos Vladislaus Rex, cum paulo post advenissent, quatuor à castris suis milliaribus, audientiam præstolari jussit. Erat tum 17. Febr: dies, qua deditio[n]is leges jam conceptæ omnes erant, quibus non nisi conclusio deerat. Quas cum Legati Moscovitici perlegissent, unus & præcipuus eorum, infelicitatem suæ gentis, & labem nunquam eluendam amare flevit.

Et jam præscripta conclusioni dies aderat, qua conclusio quoque sequuta est: ignominiose quidem respectu Barbarorum, glorioſiſime vero respectu Regis & Reipublicæ Polonæ. Contra-ham plurimas in compendium conditiones, & rei summam brevibus enarrabo. Inprimis, licet sufficientissimam causam, aut omnes trucidandi, aut militiæ Sacramento astringendi, Rex haberet, tamen pro clementia sua singulari, liberum ad suos abitum, quatuor hisce conditionibus fere, clementer indulſic.

I. Ut juramento ſe obligarent, nullatenus, aut quacunq[ue] etiam ratione, contra Regem Rempublicamque Polonam, quadrimetri ſpatio, à diſcessu ſuo ex caſtris, ſe militaturos.

*Conditiones de-
dictionis
conclu-
duntur Anno
no 1634
18. Febr.
& præci-
puæ rece-
ſentur.*

II. Castra ita integra, cum tormentis omnig^o apparatu bellico, quin immo & ipsis demortuorum armis, Boiariorum & equestrium virorum phaleris, & pharetratorum insigniis Regi traderent, ut si quispiam vel minimum ad castra spectans subduxisse aut corrupisse inveniretur, reus omnium bonorum suorum haberetur: exceptis duodecim tamen tormentis legionaribus, quae Rex Sebino avehenda permisit.

III. Profugi & proditores omnes Vladislao Regi traderentur: peregrinae vero nationis militibus, ut & Moscovitis ipsis, aut manendi, aut servitio se Regio obligandi, aut ad propriare deundi liberum esset. Subditi autem Vladislai Regis, etiam si Moscis militas sent, cum utoribus, liberis, & bonis omnibus, in castris relinquenterunt.

IV. Ut involutis vexillis, fomitibus sclopotorum extinctis, sine tympanorum aut tubarum sono, ad locum a Vladislao Rege praordinandum exirent. Inde sua Vexilla Signiferi ad pedes S. R. M. deponerent, tribusque passibus & terna reverentia retrocedentes, tam diu morarentur, quo ad usque Dux Radzivillius Lithuaniae Generalis, S. R. M. nomine, reassumere vexilla mandaret. Ipse Michaël Borisowicz Sehinnus autem Moscovitarum Generalissimus, cum Palatinis, Ducibus, Tribunis, Officialibus Supremis & auxiliis, cujuscunque nationis essent, ex equis suis descendentibus

æentes, ad pedes S. R. M. vitamque exorantes se se pro-
sternerent, quo ad usq; à Radzivillio Duce surgere, &
equos ascendere jussi, tympanorum & tubarum clango-
re audito, cœptum prosequerentur iter. Nemini au-
tem subditorum S. R. M. in via molestiam facerent,
sed commeatum, & aqua pecunia licitati, coemarent.

His quidem conditionibus tunc convenerat:
sed quæ est Barbarorum istorum levitas, iterum, Mosci à
conditionib; hi-
aut pudore, aut pœnitentia ducti, à proposito resi- see resili-
unt, sed
luere. Et eo quidem titulo, quod Imperatoris sui Regis ar
mis presi,
nomen & titulus in conditionibus non legeretur.
sine quibus pactis conventis stare difficulter pos- ut iisdem
fruantur
supplicat.
sent. Hic quidem titulus erat, revera autem æmu-
latio & ambitio, etiam inter Barbaros mala, rem
turbaverant. Carolus Hubertus & Prozorovius,
cum de conditionibus ageretur, ad concilium, ne-
scio qua de causa, vocati non fuisse dicebantur.
Hoc illi, quia neglecti fuerant, velut contemptum
interpretabantur. Cum ergo iste quindecim e-
quitum Gallorum turmis, hic sagittarijs omnibus
& nobitati præcesset, quod facile poterant, tumul-
tuavere. Et titulum quoque invenerant, quo su-
perbia regeretur, ut sine ratione nihil movere vi-
derentur. Ignaviam Sehino obijciebant, qui cede-
refœmineum in morem proposuerit, cum vires
adhuc, arma, & manus habeat. Fortunam auda-

ciæ, fortitudinis, & Virtutis comitem esse: per-
rumpenda esse hostium castra, viam ferro facien-
dam, & virorum instar in Moscoviam retroce-
dendum. Insuper callide, per subornatos profu-
gos, spargi jusserant, exercitum Polonorum non
tria millia virorum excedere, & Duce in Radzi-
villium Lithuaniae exercitus Generalem, ab auxi-
liatrice manu lethaliter vulneratum: adeo ut &
Tribuni & gregarii milites, ut armata manu cede-
ret, Sehinum adhortarentur. Sehinus autem, qui
vult cedere, cedat, inquit, ego duodecim tormenta
disponere volo. Tamen, prævalente multitudine
inimicorum, eo, quo retulimus, titulo, à conditio-
nibus factis ad arma resiliuere. Tentari patientia
Regis videbatur: itaque magna cum indignatio-
ne, sicut alias nunquam, è superioribus jugis in ho-
stium castra detonuit. Quinimo & Palatinidem
Russiae Danielovicum templum S. Spiritus, pro-
pugnaculi in formam à Moscis munitum, assilire
jussit. Quod hic non minus fortiter, quam erat im-
peratum, exequutus est. Assiliit enim, pugnavit,
expugnavit, omnibus, exceptis iis quos velox fuga
furori exemerat, ad unum trucidatis. Barbari ca-
stra ipsa sua Polonos aggressuros putabant, & di-
spositis in gyrum tormentis in vanum jaculaban-
tur. Adeoque pavidi in munitionibus jam suis ti-
mebant,

mebant, qui paulo ante Polonorum aggredi velle præsumperant. Ergo perrumpendi consilium sedid: & misericordiam iterum, cum machinis Regiis lacerarentur, supplices rogavere. Et placuit iterum misereri, quia culpa vacavisse Sehinum, compertum fuit. In poenam tamen levitatis & inconstantiae suæ duodecim illa tormenta, Sehino concessa prius, negata fuerunt. Et acquievere Barbari, qui quidvis potius tolerare, quam in periculum Regiæ indignationis testio labi decreverant. Ex singulari tamen indulgentia Regis, duodecim illa tormenta, Sehino rursus concessa fuere, quia tam facile cesserat.

Porro unum adhuc necessarium erat, ut illa, quibus convenerat, juramento roborarentur. Factum est solenniter hoc 25. Februarij. Tum in tentorio, ad hoc præparato, posita mensa Ecclesiæ mappis strata: in illa autem Crux argentea Ruthenico more. Ut primum deputati ad jurandum cōvenere, Dux Radzivillius Palatinus Vilnensis, ad juramentum fideliter & Christiane præstandum. Commissarios adhortatus est. Accessere primo Mosci, & Crucem exosculati, formula ipsis consueta, juramentum explevere. Sequebantur Moscos, peregrinarum nationum nomine, Carolus Hubertus & Lesleus: qui, tradita à Kerffio juramenti for-

Conditi-
ones de-
ditionis
juramen-
to robo-
rantur.
25. Feb.

formula, aliis cum cæremoniis juravere. Tertio
acceſſerunt, Sarmatarum nomine, Charlinius Au-
licus Regius & Tribunus Botlerus: qui, juxta ri-
tum Catholicum, flexis genibus, accepta juramen-
ti formula à Marciano Tryſnatunc Lithuaniae Re-
ferendario, juramentum præſtiterunt. Novissime
diversæ Religionis, eretis tantummodo digitis,
juravere.

Sequenti die, qui erant in Virgineo monte, Mo-
*Sehinus
& alij
Duces
subscri-
bunt con-
ditioni-
bus 27.
Febr.*
ſci, relictis tormentis & aliis, ut convenerat, omni-
bus, duabus ante meridiem horis, ad Sehini ca-
stra, complicatis vexillis, abidere. Vigesima septi-
ma Februarii Commissarii Regii se ad Sehimum
in Moscovitica castra contulere: quo conditiones
in charta positas, cum Prozorovio, Artemio Iſ-
mahelis, & Cnesio ſeu Principe Bialofolielsi, & no-
mine & juramento confirmaret. Quod Sehinus
quidem cum Prozorovio & Artemio Iſmahelis,
magna cum ſubmissione præſtitit. Cnesius Bialo-
fielsis autem, podagra quo minus aderet impedi-
tus, missis conditionibus, in tentorio ſuo subſcri-
pſit, & juramento roboravit.

*Moscovi-
tici Le-
gati pa-
cem pe-
nitut.*
Eadem die Moscovitici Legati, quos ſuperius
paulo post Woronecium veniſſe diximus, coram
Jacobo Zadzik Cracoviensi Epifcopo Magno
Cancellario Regni, in præſentia plurium Senato-
rum

rum audientiam habuere. Quibus multum circa Magni Ducis sui titulos tumultuantibus, Magnus Cancellarius Regni abstinerent suasit. Nullum enim se, præter Vladislauum Regem, pro Magno Moscoviaæ Duce agnoscere: si aliquid autem Boiariorum vel Moscovie Senatorum nomine indicandum haberent, simpliciter, sine multis titulorum phaleris, exponerent. Nondum acquiescentibus Moscovitis, Dux Radzivillius Lithuanicus Generalis, admota dextera capulo, *de titulis*, inquit, *non verbis, sed ferro disputandum est.* Qua fiducia Generalis fracti Moscovitæ, Boiariorum seu Moscoviaæ Senatorum nomine, pacem petivere. Quibus mox Dux Radzivillius, *si pacem*, inquit, *& Legatos nostros ante biennium audire voluisse, non tantum sanguinis Christiani effusum fuisse.* Subjungunt, lachrymis oculos eorum occupantibus, Moscovitæ. Puniat disperdatque infausti belli incentores Deus: appareat enim perspicue illi displicuisse, qui nos gemino malo, damno & ignominia castigavit. Petebant porro Legati, ut locus prope Smolenscum, dies circa festum S. Johannis, pro tractanda pace, assignaretur: interim autem milites utriusque partis abducentur, & arma suspenderentur. Magna cum indignatione Poloni Proceres hæc accepere, & respondum, non prope Smolenscum, *si pacem vel-*

lent, sed Stolitzam sive Metropolim, ubi victorius Regis exercitus mox futur' esset, tractari oportere. Nec esse eam intentionem Regis, durantibus tractatibus arma suspendere; proinde si sibi consultum vellent, proximum tempus pro iis optimum fore. Tandem in hoc conventum est, ut ^{5.} April. eo, ubi Vladislaus Rex in persona propria futurus esset, loco, tractatus inchoarentur.

Et jam illuxerat destinata gloriae Regiae, &
 Castrorum ignominiae Barbarorum prima Martii dies. Tum
^{deditio,} Sacra Regia Majestas, hora diei decima, Palatinis
^{& Mosco} rum ad & nobilibus comitatus, Borysthenem transgressa,
^{pedes Re-} prope Zaporoviensium Cosacorum stationem, ad
^{gios pro-} duodecim millia militum in aciem rite disposuit.
^{stratio.}
 1. Mart. Vehebatur ipsa equo Neapolitano, phaleris & peri-
 stromatib^z Regiis exornato. Nō procul ab ipsa Se-
 renissimus Princeps Casimirus, Magn^z Cancellarius
 Regni, Dux Radzivillius, Kazanovius aliiq; Sena-
 tores belliq; Duces. Exercitus Moscoviticus, ad
 tympanorum tubarumque in Regiis castris clan-
 gorem, stationibus castrisque suis mediocri or-
 dine, sed vexillis complicatis, sine ullo tympano-
 rum tubarumquesono, in apertum prodiit. Pri-
 mus & ordine & dignitate Michaël Boriszowicz
 Sehinus Generalissimus, Prozarovio, Artemio If-
 mahelis, Cnesio seu Principe Bjalosielsi, & novem
 Pra-

Prætorianorum militum cohortibus comitatus,
ad Regem equitavit. Ubi proprius & ad destinat-
um à Rege locum ventum est, equis suis omnes
delapsi, nutum Serenissimi Regis exspectabant.
Tum Vexilliferi, debita cum reverentia, vexilla
sua ad pedes Regios posuere. Inde Sehinus, Pro-
zarioius, Artemius Ismahelis, & Cnesius Bialosiel-
sis accessere, & trina profunda capitis ad terram
submissione reverentiam exhibuere. Quibus ergo
rite peractis, vexilla deinde permissa, & posse pro-
gredi clementer indulsum. Abeuntibus à Radzi-
villio Duce hæc alta voce acclamata. *Vos Domini*
Palatini agnoscite, non exiguam modo à Regia Maj-
estate gratiam vobis exhiberi, cum sanguinem vestrum
in manibus suis habeat. Adeoque tanquam benefactori
vestro clementissimo, qui vitam denuo dederit, gratias
agite; Deum Ter Optimum Maximum rogantes, ut
diu feliciter regiminis clavum dirigere, ad plurium
emolumentum & salutem, queat. Ad hæc illi. Red-
dant hoc Sacræ Regiae Majestati Cœlites, quod nobis-
scum, ut Principem optimum & Christianum decet,
misericordiam fecerit. Et facta iterum capite, ad
terram usque, reverentia, cæptum prosequeban-
tur iter. Cum vero Sehinus equis, quibus duo-
decim campestria illa tormenta (quæ Rex illi
clementer indulserat) in Moscoviam avehi pos-

sent, destitueretur, eadem Radzivillio Duci donavit.

Verum enim vero Barbarorum Ductori Sehino Carolus Hubertus Nobilis Gallus, & quindecim equitum Gallorum turmis Praefectus, succedebat. Qui par ratione, positis ad Serenissimi Poloniæ Regis pedes militaribus signis, profunda humiliique reverentia, Majestatem & virtutem Regiam adoravit. Ad extremum tamen, singulari humanitate Regis, ad osculum manuum Regiarum admissus, resumptis vexillis, Sehimum secutus est.

Hunc cohors integra militum Græcorum Valachorumq; mixtim sequebatur: sed cum ne Regio quidem conspectu digna judicaretur, sine Cæremonia ulla expedita est. Quippe, sicut

In tauros Lybici ruunt leones,

Nec sunt papilionibus molesti;

Ita generosissimi quoque Regum animi, de vilissimarum gentium ruinis, triumphi gloriam averfantur. Cum enim inglorium eas ducant vincere, pudet triumphare.

At jam ordo ad Fuksum Tribunum pervenerat, qui sex peditum vexillis Praefectus, post signa militaria Regiis pedibus substrata, in debitæ submissionis Symbolum, ter verticem flexit, & post resti-

restituta iterum militaria signa, ad præcedentes
abivit.

Inde Tribunus Tobias octo cohortium le-
gione adfuit, & præscriptam à victoribus, ad pe-
des Regios, cum suis, submissionem explevit.

Post hunc Boiriorum, sive nobilium Præcipuo-
rū Moscoviaꝝ septem cohortes, eandē peracturæ
Scenam, progrediebantur. Et hæ quidem Tur-
mæ prius & in equis fuerant, sed, hisce ad sarcinæ
modo ad Poloniæ Reges pedes veniebant. Quem
ubi percussa fronte genuque flexo veneratæ fue-
runt, sublevatis iterum vexillis, perrexere.

Has Dunensium Moscovitarum & eorum
dem Cosacorum quatuor turmæ sequebantur.:
quæ ab equis in terram defluentes, postquam
supplices eandem quam priores sortem subive-
rant, eadem sunt ratione dimissæ.

Deinde Nobilium Moscovitarum, sclopetis
exercitatissimorum, selectæ sex cohortes, toti-
dem vexilla, Regis calcibus subjiciebant, & Sar-
matiæ fortunam Regiamq; virtutem suspirantes,
necessariæ devotioni litaverunt;

Tandem famosi isti Tribuni & militares vi-
ri, Mattissonius, Dammius, Resenerius, & Jaco-
bus Carolus, singuli legionibus singulis octo co-

hortium Præfecti, adfuere. Qui ut se supplices, & in victorum, Regisque fortissimi de se triumphantis potestatem quoq; venisse intelligerent, depositis & ipsi, ante Vladislai Regis pedes, vexillis & militaribus signis, nihil aliud quam ille olim & nomine & furore terribilis Vercingentorix, fatebantur: qui, positis ante Julii Cæsaris pedes armis, *Habes, inquit, fortem virū, Vir fortissime, viciſti.* Idem illi, inquā, & supplices & eadem ratione fassī & faciētes, solita clementia Regis ad suos dimissi.

Anglica quoq; natio se Moscoviticæ genti miscuerat; ita adgubernante Fortuna, ut ex singulis gentibus essent qui vincerentur, & Vladislai Regis virtute victi, fortitudine humiliati, & clementia servati, famam heroicarum ejus virtutum facinorumque latius spargerent, & ne ultima quidem Thule ignoraret. Quid ergo? Horum octo cohortium pariter legio una, Sandersonii Tribuni sui à Lesleo imperfecti corpus in medio ferens, positis vexillis, trina reverentia Majestatem Regiam venerata, eandem cum Moscovitis, ut fortunam, sic legem subiit.

Hanc Tribunus Kittius Scotus sequebatur, quem Rex (quoniam ante in Polonia stipendia sub ipso meruerat) adhuc agnoscens, & suplicem modo, pari cum aliis ratione, acceden-

tem

tem videns, *Faxit Deus, inquit, nunquam adhuc,*
sub meis auspiciis, ejusmodi ignominiam aliquem Tribunum subiisse; nunc quoque inter victores non victos
futurus si perseverasses. Itaque, pudore suffusus,
submissionis officium cum verecundia explens,
ad Sehinum perrexit.

Solus jam exterarum nationum Alexander
Lesleus pariter scotus, tribus, singulis octo co-
hortium, legionibus Præfectus, restabat. Et hic
ergo, tacito fortunam sensu incusans, ad Vladis-
laum Regem accessit, non jam minus humilis
quam antea ferox & fortis. Quippe & ipse, sub-
stratis Regiis pedibus vexillis, pergentibus ulte-
rius copiis, trina reverentia, Vladislao Regi sup-
plex, officium vieti præstítit.

Ad extremum aliquot Boiariorum sive Mo-
scoviticorum Nobilium vexilla, par cum præce-
dentibus ratione, submissionem ad pedes Sacræ
Regiæ Majestatis expletæ, agmen clauerunt.

Jam vero quam miserabilis facies, ægrotorum,
nobilium fœminarum, puerorum, infan-
tiumque in vehis & trahis, ad aliquot millia, sin-
gulas legiones sequentium: quis deinde, in ma-
xima equorum penuria, tumultus, quæ lachry-
mæ, qui ploratus, cum ipsæ nobilissimæ fœminæ,
manibus suis, in trahis yehisque, infantes suos,

man-

mancipiorum in modum traherent, non facile dictu est. Et hic est famosissimæ obsidionis, & numerosissimi exercitus finis: quo non tantum septennales annorum apparatus, sumptuum inestimabilis quantitas, & Moscoviticæ potentiae nomen, in nihilum recidit, sed etiam ex tam numero variarum nationum exercitu (qui obsidionis exordio centum septuaginta millium fuisse dicitur) jam non nisi virorum ad bella valentium, sub centum viginti & unum vexillis, viginti millia circiter, in discessu, numerarentur.

Cæterum, non minimum Tragædiæ hujus spectaculum, Sehinus, multorum judicio, videbatur melius, cum in vigore esset, exercitu, & tot millium exterarum, præsertim exercitatissimarum ad bella, nationum, manibus, ingenii, viribus, uti potuisse. Sed ipse aut voluntate & dispositione divina, aut præsentia, fortitudine, virtute, & fortuna Vladislai Regis territus, aut pessima quorundam suorum æmulatione à proposito suo distractus, sæpe vecors, tristis sæpius, & ad extremum, quotidianis successibus victoriosissimi Regis, palam desperabundus. Longe à prudentium Imperatorum bellique Ducum moribus: qui rebus afflictis hilaritatem sæpius de industria simulant, & adversas res adumbrata laetitia abscon-

Fortuna
statusq;
Sehini
deplorā-
dus.

sen: de
Conf: ad
Polyb:

abscondunt, ne militum animi, si fractam Ducis sui
mentem videant, & ipsi collabantur. Et tandem eo
devenit, ut misericordiam ignominiose rogaret,
qui misereri potuit. Et qui spe Sarmatiam univer-
sam antea præsumptuose devorarat, jam pudore
& confusione gravis, eventus stupore defixus, &
consilii inops, Regi, quem irritaverat, genu flecte-
ret: æque & amplius jam faciem Magni Mosco-
viæ Ducis quam Vladislai timens. Et serius ma-
gnæ se illi hominum parti similem intellexit, quæ
navigatura, de tempestate non cogitans, naufra-
gio perit.

Verumenimvero Vladislaus Rex, licet ingen-
ti, & quali ab hominum memoria nullus, de poten-
tissimo hoste, victoria potitus esset, nunquam ta-
men, etiam in ipsis prosperis quotidianis successi-
bus, sui, aut moderationis suæ, oblitus est. Et præ-
sertim in illo deditioñis puncto, in quo alii ad sæ-
vitiā quam clementiam proniores, perdere infe-
stissimos Poloniæ hostes, quam servare maluissent.
Sed Vladislaus Rex, clementiæ memor (*quæ alieno*
sanguini tanquam suo parcit, & scit homini non esse ho-
mine prodige utendum) omnes, ad majorem glori-
am suam, salvos voluit. Præsertim cum sciret non
esse tot millia, metu mortis, ad extrema cogenda:
cum duodecim Anglorum millia olim, à quadra-

Vladislai
Regis mo-
deratio
& clemē-
tia lau-
datur.

*Sen: Epi-
stol: 88.*

ginta Gallorum millibus circumdata, offerentia dditionem, & ad misericordiam non admissa, metu mortis, non ad pugnam tantum, sed nobilissimam quoq; victoriam suffecisse, non ignoraret.

*Sen.lib.2
Natural.* Quippe nullus perniciosior hostis est, quam quem audacem angustiae faciunt: longeque violentius semper ex necessitate, quam ex virtute corrigimur. Tum etiam ut omnia fere Europæ Regna (ex quibus singulis propemodum, legiones aliquæ, contra Regnum suum convenerant) beneficio sibi obstrin geret: & tamen tot millibus variarum nationum, dimissis, quasi de singulis triumpharet; perditurus alias clementiæ laudem, & irritatus tot populos, quos sanguine purpurasset. Insuper facilior rem Moscoviam (cujus jam pridem electus erat legitimis votis Cæsar) ad obsequium vel imperata fore: quæ alias, tot Principum, Palatinorum, & nobilium cæde, summum aversa, extremis excandescere viribus in ultionem posset. Demum non vicisse videri poterat, si post victoriam, & in ipsa victoria, se ipsum non vicisset. Quippe nulli Regi gloria est ex saeva animadversione. *Quis enim dubitat posse? At contra maxima, si vim suam continet, si multos iræ alienæ eripuit, neminem suæ impendit.* Itaq; ut Moscorum & tot gentium aliarum reatum intra clementiam suam ostenderet, sicut alia omnia, ita

*Sen.lib.1
de clem:*

ita se ipsum quoque vicit, & ut de Mōscis & aliis gentibus, de se pariter triumphavit. Est enim hic generosissimorum animorum genius, extra viētoriā limites iram non proferre, & Orbi terrarum ostendere, non propter sanguinem se, sed viētoriam, pugnasse: qua obtenta, & hoste ad submissionem & pedes usque humiliato, frameam cum vindicta condidit. Quippe &

*Corpora magnanimo satis est prostrasse leont,
Pugna suum finem, cum jacet hostis, habet.*

Inde Rex Vladislaus, ne minus pius quam fortis Regis pro esset, divinæ benevolentiae dexteram in se agno- parta vi scens, victoriarum suarum gloriam, in authorem ctoia, in fortunæ retulit: ut cuius gratia vicerat, ejus, cum Deum, & gratiarum actione, laudes jubilaret. Itaque sequenti beneme statim die, antequam adhuc hostium castra in ritos gra grederetur, in suis, cum toto exercitu, SS. Ambro- titudo z. Martij ffi & Augustini hymnum, *Te DEUM Laudamus*, mixta suavissima vocum instrumentorumq; har monia, lætus gratusq; cecinit. Inde Magnus Can cellarius Regni Jacobus Zadzik, disertissima ora tione, divinam providentiam mirifice celebravit: & quam mirabili modo Regna & Imperia hujus Mundi, ille Potentissimus Cœli terræq; Monarcha Deus, & dirigat & conservet: quomodo poten tiam Regibus Principibusq;, ad superbos humili

andos, communicet, ipse summus exercituum Dux. Hoc cum variis rationibus & exemplis comprobasset, praesenti quoq; casu, posteritati ut futuro mirabili, ita ad instructionem fructuoso & efficaci, demonstravit. Hac oratione finita, Vladislaus Rex, à Deo conversus ad homines, iis, qui in partem oneris & victoriae venerant, partem honoris & gloriae tribuit: & bellum Ducibus, praesertim Christophoro Radzivillio Duci Lithuanico Generali, & Kazanovio Generali Polonico, pro re bene gesta, gratias egit, & benemeritis præmia regalia prorsus distribuit. Ut est enim Rex virtutis non levis aestimator, & munificentiae singularis, ita ne diem quidem unum, Regiam erga benemeritos gratiam, differre voluit; ut intelligerent omnes regaliter & ex animo facere, cum cito faceret.

Sen:lib. 2 Qui enim tarde dedit, et, diem extrahens, profuit, non de ben: ex animo fecit. Ita duas res maximas perdidit, temp⁹ argumentū amicæ voluntatis. Tardे velle, nolentis est. Quæ Regia Vladislai munificentia, sicut nunquam ita defatigata fuit, ut non, quoties dignum inveniret, quasi ex pleno flueret, ita expeditos, ad ardua quæque pericula, militum animos, spe certa remunerationis, semper reddidit. Si enim Scipio Africanus in Hispania olim, generosum militem auri pugno ad expeditiones porro animavit,
quia

quia ipse Scipio dedit, quanto melius Vladislaus,
qui & munificentia & victoriis Scipionem Africa-
rum transcendere potuit. Et est hic per se benefi-
cii genius, animos hominum invicem, ad mutuam
defensionem, colligare. *Nam quo alio tuti sumus*
Lib. 4.
de ben:
(ut Senecæ verbis utar) *quam quod mutuis juvamur*
officiis? Hoc uno instructior vita, contraque incurso-
nes subitas munitior est, beneficiorum commercio. Itaq;
belli Duces, Tribuni, milites, ad ulteriora, gratia
munificentissimi Regis, laude, & encomio ani-
mati, affectum & obsequium porro deferentes,
sua arma, suas vires, sua servitia, Vladislao Regi
largius obtulerunt: duceret tantum, quo vellet,
facturos quæ imperarentur. Etiam si ad Persiæ fi-
nes in Astrachanenses, in Permios ad Cingulum
Terræ, & Glacialem Oceanum iret, secuturos.
His omnibus expeditis, festa passim per castra
convivia, congratulationes de hoste triumphato
mutuæ, musicalium instrumentorum jucundi-
tas frequens, sclopetorum exoneratio sine noxa:
& tandem, tribus vicibus tormentorum omni-
um, per circuitum castrorum, festa explosione,
diei lætitiae parentatum.

Interim hostilia castra videndi curiositas, &
belli Duces, & Tribunos, & omnes promiscue
milites, adeoque & ipsum Vladislaum Regem

Rex ca- invaserat, ut hostiles paulo ante apparatus, in su-
stra hosti- am pernicem tot annis preparatos, in subsidium,
um in- singulari providentia Dei, cessisse mirarentur, &
trat. 3. Mart: & quibus infestati antea fuerant, jam Poloni sua læ-
qua in iis tarentur. Quamobrem, ut Martii tertia dies il-
luxit, Rex, cum Senatoribus Regni, belli Duci-
bus, Tribunis, & aliis equitum peditumque offi-
cialibus, in hostilia castra concessit. Quæ circuitu
emetitus, fortalitionum frequentiam, situm, fir-
mitatem, exoticas artes, ingenium inimicorum
suorum, & felicitatem suam agnovit: ut qui ar-
tificiosissime structa, & inexpugnabilia prope,
tam cito, compulsis ad extremam desperationem
& ignominiam hostibus, in potestatem suam re-
degisset. Cum vero apparatum belli, tormenta
bellica, armorum, bombardarum, nitrati pulve-
ris, & similium rerum copiam, perlustraret, tac-
to Fortunam sensu adoravit. Et erant profecto
talia, qualia in nullis unquam castris, exercitibus,
Urbibus, aut Provinciis etiā integris, expugnatis,
fusis, ad dditionem compulsis, aut debellatis,
uno tempore inventa, aut in victoris transiisse
manus meminerim. Ingentes siquidem magno
numero Basilisci, tantæ capacitatis, quantæ antea
fere nunquam visi, reperti fuerunt. Argumentum
magnitudinis globi faciant: Unicornu (sic
tormen-

tormentum maximum vocabatur) septuaginta librarum globos mittit: Alia deinde tormenta, viginti numero, quorum minimum quadraginta octo librarum, immani gutture, ferrum vomunt: mediocris magnitudinis aliæ (quas Germani halbe Garthaunen vocant) triginta numero machinæ; ut notæ characteresque indicabant, Amstelredami in Hollandia fusæ: tormenta campestria, legionaria vulgo, nova omnia & artificiofissime elaborata, numero octuaginta duo: mortaria sex inusitatæ capacitatis, adeo ut commode insidentem virum caperent. Quæ omnia (si duodecim campestria illa tormenta, à Sehino Radzivillio Duci donata, adjungamus) centesimum simul & quinquagesimum numerum explebunt. Insuper in illis castris nitrati pulveris centenarii mille ducenti: centenarii plumbi octo mille: bombardarum, sive usquettorum, optimè elaboratorum, decem millia: hastarum longiorum [quarum in Belgio usus est] quatuor millia: gladiorum, framearum, Turcicorum acinacum, & similium manualium armorum, galearum insuper, & ferreorum thoracum, pro decem millium exercitu; inventa fuere. Ut jam palas, currus, catheras, fomites sclopetorum, petardas, ut vocant, phaleras equorum, & reliquas

exoti-

exoticarum inventionum provisiones taceam,
quæ centenis aliquot millibus florenorum com-
parari non potuissent. Quæ omnia, pro maximo
Poloniæ thesauro habenda, Vladislaø Regi, hisce
perennib^o, de maximo hoste, trophæis, per secula
triumphaturo, cessere. Et jam hic idem mihi oc-
currit, quod olim in simili, quem prævidebat,
casu, vaserrimus Imperator Hannibal Antiocho
Magno: cui, arma in Romanos præparanti, &
exercitus sui vires apparatumq; bellicum Han-
nibali ostentanti, & hæc num sufficerent Roma-
nis interroganti, sufficiunt, callide respondit, et
iam si avari sint; & vere, quia paulo post Romanus
omnia abstulit. Potuit idem facere Vladisla^o Rex,
acquiescere tantis de superbissimo hoste spoliis,
& dicere, sufficiunt ista Poloniæ mæ, quamvis
etiam hac suppelle^ctile bellica indigeret.

Cæterum Vladislaus Rex, cum jam victo-
Rex va-
ria loca
expug-
nat, Bia-
lam ob-
det, &
penitiora
riam suam, & amplissima victoriæ suæ trophæa,
pleniū inspexisset, relictis in Smolensco impe-
natis, in Moscoviam ulterius ivit; ut cum
vincere sciret, victoria quoque se uti posse osten-
deret. Et quid jam, post illum exercitum, post
Moscoviam illas exterarum nationum vires, & iis, quibus fi-
vastat, debat, machinis ydruata Moscovia? Quid illa,
post ista castra, in quibus ipsa videri poterat de-
bella-

bellata? Non exercitum, non arma, non frontem ostendere ausa, suis tantum se oppidis clausit: et, quantum potuit, præfidiis, & aditibus interclusis restitit. Sed omnia intra ea virtutem, prudentiam, & fortitudinem Vladislai fuere. Quippe, ubi aditus intercluserant Barbari, victoriis penetravit: ubi valla objecerant, ferro humiliavit: ubi oppida præfidiis defendebant, armata manu expugnavit. Et primum quidem, octodecim à Smolensco milia ribus, Drohobusium fuit: potens fortasse resistere, nisi Vladislaus oppugnasset. Sed hujus præsentia in stuporem, timorem, & desperationem versus, sinu victorem admisit. Viatmæa, sive Wiazma, ausa resistere fuit: sed & ipsam, lacubus licet, & fontibus prope Borysthenis, undiq; clausam, intravit; & Polonica signa vallis, portis, turribusq; fixit. Inde, penitiora Moscoviaæ penetrans, Bialam, inexpugnabili fere castro superbam, obsessit: quæ, quia deditioñem factura tam cito non videbatur, ne totus ille viatoriosus exercitus ejus circa oppidum unum distraheretur, missis per diversa terrarum armis, absens præsensque pugnat. Et aliis copiis ad Bialam hærens, aliis Moscoviam vastans, nominis sui terrorem latius & ubiq; sparsit. Sic Koluga timore correpta, oppido igne deleto, totam se cum liberis, uxoribus, & rebus

R

pre-

pretiosissimis, in castrum recepit. Mosaizcum pari desperatione collapsum, idem faciens, insuper charissima, non arci, non castro, nec viribus suis fidens, ad Metropolim Moscuam misit. Sed nec ipsa tuta fuit, cui non semel copiis suis Vladislaus insultans, oculos tripidae Urbis pulvere fumoque implevit. Adeoq; Vladislaus, uno eodemq; tempore, & Bialam obsidione pressit, & Moscoviam victoriis peragravit.

*Mosci i-
terum &
humilius
pacem
petunt.* Et jam in propinquo erat ut Bialla quoq; humiliata dederetur, cum Moscoviae Senatores teriti, post hanc peiora metuentes, missis Legatis, pacem multo humilius & ardenti à Vladislao Regge petivere: sisteret majorem sanguinis effusio-
nem, sat poenarum jam & clodium Moscoviam subiisse: eos, qui authores mali fuerant, iram non effugisse Divinam, & fere innoxiam turbam nunc superesse: hanc pacem & concordiam petere, & eam à clementia ejus Regia nondesperare. Et quid aliud per bella deinde & hostium suorum ruinas quærat? Quid speret? Præsertim cum non tolerandas solum desideratē pacis conditiones optent, sed etiam à Statibus Imperii sui plenam de ea in-
eunda, potestatem habeant. Flexus humili Legatione Rex, non abnuit: ita semper sui ipsius, ut in medio victoriarum suarum cursu, condere fer-
rum,

rum, & dexteram inimicis porrigere non deditur. Atq; hac ratione prudentiam & constantiam suam ostendit, invictissimus utraq; sui parte, Vladislaus Rex: ut qui, nec ab hoste, nec à felicitate se passus corrumpi, eundem & lacescente & blandiente fortuna animum servavit; invictus viribus, invictus animo; semper suus.

Itaque, cum animum à ferro jam ad pacem ^{pacis leges, à de-} inclinasset, id negotii Jacobo Zadzik Magno ^{putatis Regis, Mo-} Cancellario Regni, Christophoro Radzivillio ^{scis pre-} Duci Birzæ & Dubinki Palatino Vilnensi & Su-^{scribūtur quas hi} premo Lithuanici exercitus Generali, Martino ^{acceptāt Anno} Kazanovio Palatino Podoliensi Polonici exerci-^{1634.}
tus Generali, Alexandro Gonszevio Palatino Smolensensi, Alexandro Piascincio Castellano ^{13.Iun.}
Kamenecensi, Marciano Trysnæ Mag: Duc: Li-
thuan: Referendario, Andreæ Rey Naglovicensi
Capitaneo Libuscensi, Nicolao Gniewoscio Lub-
linensi Signifero, & Alejandro Oginscio Vexilli-
fero Trocensi. Hi, conditionibus in chartam con-
jectis, ut victores, victis leges proposuere: qui-
bus in utramque partem ventilatis & mature ex-
pensis, tandem hisce potissimum perpetuæ pacis
articulis convenit. In primis, ut occasio ulterioris ^{Conditiones pacis} belli, discordiae, & dissidij evitaretur, Rex Vladislaus

(cui alias virtute contractus, ante aliquot annos cum

Stanislae Zolkevio Kioviae Palatino Supremo exercituum Duce & Corona Legato initi, Moscoviae Imperium erat libere, & publicae pacis ergo, Moscovitas ab illo, quo se obligaverant, juramento absolveret: jus, quod in Magnum Moscoviae Ducatum habebat, Michaëli Fedrowicz, illegitime post ipsum electo, remitteret, & decretum electionis, & litteras, prædictum jus & titulum Magni Moscoviae Ducis confirmantes, Moscoviae Ordinibus restitueret. Magnus è contra Moscoviae Dux, cessionis hujus intuitu, & amicitiae in Regiam Majestatem affectu, Ducatum Smolensciam, Severiam Urbem & Principatum, insuper arcis istas (quarum aliqua superiori tempore in potestatem Regis venere, aliae durante hoc bello occupatae erant, quædam etiam-dum Moscovitico Imperio parebant) Novogrodecium, Drohobusium, Biallam, Roslaviam, Starodubum, Poczapovam, Trupieskam, Nevelam, Sibieszium, Kraſnam, Moromscium, Wieliskawlosam, & Popowagoram, cum earum terris, jurisdictionibus, armis, machinis bellicis, provisione, omnibusque ad eas pertinentibus, re nulla excepta, cum omni jure & pretensione, quam idem Magnus Dux ad eas se hactenus habuisse existimavit, spatio duarum septimanarum, præsertim adhuc Moscovitarum Imperio subditas, Centurionibus à Vladislao Rege depunitatis traderet, & in æternum Regi, Regno Poloniae,

Magni-

Magnoque Ducatui Lithuaniae cederet: ita quidem,
ut ne unus harum arcium subditus, extra territorium
earum migraret. Ne præterea, vi hujus stipulationis,
Magnus Moscoviae Dux, imposterum totius se Russie
Cæsarem, Smolenscia Ducem, aut Severia Principem,
uti fecerat hactenus, scriberet. Adhac idem *Magnus*
Dux nullum in Livoniam, Curlandiam, Estoniamq;,
jus sibi assumeret, nec bello eas infestaret, ullave ratio-
ne vexaret: immo nec ulli exercitui transitum, ad eas
oppugnandas, concederet. Denique nulli Regis Polo-
norum hosti, qui nunc aut postea esset futurus, *Magnus*
Moscoviae Dux, pecunia, sommeatu, vel milite, auxi-
liaretur, aut transitum, per Regionem suam, in damnū
Regis, permitteret: ad quod pariter Poloniæ Rex Ma-
gno Moscoviae Duci obligaretur, & alter alteri omne
bonum volens, hostem alterius pro suo haberet: grava-
mina autem, injuria, damna, data invicem & accepta,
& eterna obliuione sepelirentur. Et ita quidem, Anno
1634. 13. Jun: inter Poloniæ Regem, Regnum, Ma-
gnumque Ducatum Lithuaniae, ab una, & Mosco-
vitas ab altera parte, sancita pax: quam deinde
Poloniæ Rex & Magnus Moscoviae Dux juramen-
to roboraverunt.

Magnum hinc emergebat vastissimæ utriusq; ^{Vtilitas}
Monarchiæ bonum. Quippe sincera concordia, ^{ab hac pa-}
inter infensissima sibi Imperia, tandem redibat, ^{ce utriq;}
^{Imperio,}

& quæ amplius sæculo integro fluctuaverat. A quo
tum per tempore ingentia invicem damna & data & acce-
hanc Po-
lonia ac-
pta, vices sæpius variante Fortuna : Principio qui-
cesserit. dem, nescio quo Poloniæ fato, Moscovitis multo
favorabilior. Nam & Smolenscum, sub Magno
Duce Basilio: inde, sub Johanne Basilide ejus filio,
Polotia, Parnavia, & tandem universa Livonia,
Poloniæ Regno erepta. Ut si leam exercitas in Po-
lonos crudelitates, nobiles in captivitatem raptos,
& Sarmatiæ non contumeliose semel insultatum.
Sed hæc tamen omnia, tribus posterioribus Regi-
bus, in contrarium versa. Quippe, sub inclyto Ste-
phano Bathorio Rege, Polotia recuperata, Savolo-
cia, Magnique Luki expugnati, Plescovia arcta
obsessa, & tandem tota Livonia Johanni Basili-
frendenti extorta. Sub Sigismundo III. gloriösæ
memoriae, tota, quanta quanta est, Moscovia vi-
ctoriis peragrata. Non Borysthenes, non Tanais,
non volga restitit. Sed his maximi nominis fluvii
sub jugum missis, & ad Mæotidem paludem, & ad
Glacialem Oceanum, & ad Cingulum terræ &
adorantes Auream Anum populos, & Tartariam
Asiaticam victoriis itum. Quin immo, per Cas-
nenses & Astrachanios, ad Caspium usque mare, &
ipsos Persiæ fines, Polonicis armis & excursionibus
penetratum. Demum & Smolenscum biennii ob-
sidio-

fidione expugnatum, & stratis, Zolkevio Duce, in Clussinenibus campis, Moscicis Suecicisq; exercitibus, ipse Magnus Moscoviaæ Dux, Basilius Szuscius, cum Johanne & Demetrio fratribus, in captivitatem abductus. Quin imo & ipsi Moscoviaæ Ordines, ultro Vladislau[m], tum Poloniæ & Sueciaæ Principem, & suis quoque virtutibus famam sui nominis per gentes nationesque spargentem, Magnum Moscoviaæ Ducem elegerunt, & litteris quoque confirmavere. Sed hæc ipsa Mosci pari mox levitate rumpentes, electo Michaële Fedrowicz, hoc Scenico Duce, non pugnare tantum iterum, sed, ruptis etiam quatuordecim annorum induciis, insultare quoque præsumentes, ingentes perfidiæ pœnas luerunt. Quippe sub Rege Vladislao Polonia in ultiōrem acriter excandescente, Smolenscum armata manu obsidione levatum, clausi hostiles exercitus, & tandem, traditis (qua parte Barbari maxime terribiles erant) ingentibus machinis, omniq[ue] bellico apparatu, usq[ue] ad Vladislai Regis pedes, magna cum ipso rum ignominia, humiliati. Et nondum satis, Moscovia tandem eo, fortitudine, virtute, & victoriis, Vladislai Regis, adacta, ut pacem supplex, vastissimis duabus, Severia Smolensciaque, Provinciis, & quindecim Urbibus, cum earum castris, arcibus,

terri-

territorio, & jurisdictionibus, redimeret. ^{en} Quo uno quantum terrarum Poloniæ adjiceretur quis ignorat? Ducenta millaria in longitudine, in latitudine sexaginta Reipublicæ accedebant. Vladislaus autem Rex Michaëli Fedrowicz, optimo terrarum suarum tractu & pluribus titulis spoliato, nomen Magni Moscoviaæ Ducis projecit: ut qui in hoc jam nominis, gloriae, & potentiae creverat, ut contemnere posset. In hoc, Magnus ipse, Magnos, Alexandrum & Pompeiū, imitatus: quorum iste, cum ad apicem victoriarum suarum jam pervenisset, Poro Regi à se devicto, non vitam tantum, sed Regna donavit: Hic tot Regibus Recognisque, incorrupto victoriarum cursu humiliatis, & in Provincias Romanas disponens, Tigrani Armeniae Regnum restituit; æque gloriosum iudicans, facere Reges quam debellare.

Itaque Rex, à Bialla (quæ vi contractus ^{am re-}
Gloria Regis, & honor, in veniebat) exercitum viatoriosum in Poloniam Sarmati suam reduxit. Quantus vero, ô, tum triumphus! ^{exhibitum} quæ gaudia! quæ festivæ congratulationes! cum, Moscovia, quantum alias nunquam, humiliata, & prolati Regni terminis, victor reverteretur! Occurrebant Magnates ut congratularentur, promiscue nobiles & plebei ut gloriolissimum Regem,

Regem, geminata tot illustribus victoriis Maje-
state venerandum, mirarentur, unde quaque,
tanquam amplius aliquid homine visuri, conve-
niebant. Civitates arcubus triumphalibus exci-
piebant, & viri doctissimi Panegyricis celebra-
bant: quorum nescio an ulli unquam terrarum
Orbis Regi (certe hoc tempore nulli) tot in lau-
dem ingeniosissime scripti, oblati, dedicati que
fuerint. Quos ego, si vixero, universos, aut quos-
cunque saltem nancisci potero, de novo typis,
singulari libro comprehensos, ut æternitate dignis-
simos, posteritati commendabo: singuli alias for-
tasse perituri. Excelluerunt autem hac in parte
(sicut in omnibus aliis solent) Patres Societatis Je-
su: inter hos autem Johannes Rywocius, Sacrosan-
ctæ Theologiæ Professor in Academia Vilnensi
Ordinarius; eloquentia vero & Panegyricorum
acumine, judicio, & gravitate, nulli, exili meo judi-
cio, toto terrarum Orbe secundus. Verumenim-
vero (ut ad propositum redeam) quis sensus Vilnæ,
quis Warsaviæ, quis Cracoviæ, & per Sarmatiam
universam, redeunte victoriosissimo Rege, tanta
rerum gestarum gloria circumfuso, porro fuerit,
super sedeo dicere: cum tantarum victoriarum
eius fama, Poloniæ suæ limitibus nescia circum-
scribi, ad exteris & longe distitas nationes vaga,

terrarum Orbem impleret; adeo etiam, ut, cum ad Borysphenem in Orientem fuisse pugnatum, & à fortissimo Rege debellatum, Antverpiæ in Belgio, & alibi, tormentorum explosionibus, campanarum pulsu, festis ignibus, flammis fusilibus, & mille aliis, in tanti Regis honorem, fuerit triumphatum. Claudio itaque hisce elegantissimis, de hac expeditione, versibus, Warsavia in Arcu Triumphali, ad solennem ingressum Regium, scriptis.

Teuto, Anglus, Gallus, Batavusq, Gothusq, Scotusq.
ad Moscum toto venerat Oceano.

Arma, viros, artes, longinquis miserat Orbis,
jamque ferox belli viribus hostis erat.

Addidit ipse dolos, & rupto fædere pacis,
perfida securis intulit arma locis.

Rex Vladislaus venit cunctosque coegit
hinc invita, illinc supplici abire fuga.

Teuto, Anglus, Gallus, Batavusq, Gothusq, Scotusq.
scis quid erant? Hosti pompa fuere, nuga.

CA.

CAPVT SECUNDVM.**ARGUMENTUM.**

Amurathes Turcarum Imperator, adventu Vladislai IV. territus, ignominiosam Turcico nomini pacem admittit.

SUMMARIUM.

Turcarum fides fluxa, Christianorum firma & Sacrosancta. Vladislaus Rex Legatum Constantinopolim mittit. Mosci causam & occasionem bello Turcico præbent. Amurathes Turcarum Imperator ab Abazio Bassa quoque ad bellum incitatur. Abazius Bassa qualis: cum exercitu in Podoliam venit, & opidulum parvum expugnat. Vladislaus Rex Konecpolscum Polonicum Generalem contra Abazium mittit. Konecpolscius qualis: ejus virtus & artes militares: Abazi conatus irritos reddit, retropellit, & vincit. Abazius Constantinopolim regreditur. Iterum Mosci Amurathem ad bellum incitant. Amurathis à Mosco petitiones: has Moscus non admittit, & cum Polonis pacem facit. Abazius Amurathem ad arma in Poloniam resumenda incitat. Amurathes Legatum ad Vladislaum Regem mittit. Hunc Vladislaus Rex Warsawiam ad comitia rejicit; & prudenter ad aliquot menses in Polonia distrahit. Poloniæ Re-

gis Legatus Constantinopoli à Turcarum Imperatore male excipitur. Amurathis præsumptuose petitiones à Legato Polonico : Polonici Legati imperterritus animus ē Constantia: In Poloniā tamē sine responso aut litteris dimititur. Abazius Bassa, majoribus copiis instructus, in Podoliā redit. Rex Konecpolscium iterum contra illum mittit. Konecpolscius Abazium Bassam varie constringit. Rex ex Moscovia viator Podoliā versus movet. Amurathis metus ex adventu Regis: Abazium Constantinopolim revocat, ē Murtaziū Bassam loco Abazij ad exercitum mittit, cum mandato faciendæ pacis. Murtaziū à Polonis pacem petit. Poloni conditiones pacis Turcis præscribunt: quæ quia graves ipsis videntur Murtaziū tergiversatur. Vladislaus Rex in Podoliā venit: ex hujus adventu consternatio magna in exercitu Turcico, et, præ metu, omnes conditiones admittunt. Regis clemencia ē virtutes aliae laudantur.

Polenoru **S**umma Christianis omnibus jurisjurandi servandique fœderis sanctitas est. Polonicae vero nationi etiam peculiaris. Postquam enim sub Vladislao III. olim Poloniae simul & Hungariae Rege, multorum Christianorum Principum horretatu, ruptis fœderum vinculis, in Osmanidas arma resumpsit, & insigni ad Varnam clade multata,

ta, etiam inita cum Turcis & infidelibus fœdera esse servanda didicit, nunquam postea amplius ad violanda, quacunque etiam occasione deflexit. Quæ alias, paucorum annorum curriculo, non oportunitas? Osmanus, qui in Polonos universis Turcici Imperii viribus pugnaverat, à Vladislao tunc Principe, crebris cladibus ad mendicandam pacem humiliatus, cum Bizantium inglorius reverteretur, à militibus suis occisus. Mustaphas Patruus ejus & successor, vir prudenter alias, ab Amurathe Osmani fratre throno Imperioque dejectus. Insuper & Imperium Turcicum frequentibus à Persiæ Rege cladibus extenuatum. Et illibatam tamen, quam juraverant, Sarmatæ pacem servaverunt. Quin imo Vladisla^o Rex, expletis & electionis legitimæ & coronationis solennitatibus, mox, ad morem Principibus Monarchisq; consuetum, sicut ad alios in circuitu Reges, sic Constantinopolim ad Amurathem quoque, singularis prudentiæ virum Stanislaum Trzebinscium Succamerarium Leopoliensem misit, qui & electionem, & coronationem suam, amicam insuper, secundum pacta, vicinitatem candide nuntiaret. Cum quo quid postea actum sit suo loco dicemus.

Rex Constantino-polim Le-

gatum mitit.

Omnia in contrariuni interim ab infidelibus Turcis facta. Quamvis enim Anno 1621. vi fluxa si- & toriis Vladislavianis fracti, Osmanidæ pacem des. supplices impetrassent, & Anno 1622. missa Constantinopolim honorificentissima Polonorum Legatione, maxima cum solennitate, jure jurando confirmassent, tamen & fluctuavere identidem, & ad extremum (quæ est Barbarorum istorum levitas) projecta omni verecundia, palam ruperunt. Occasionem autem & causam Mosci præbuere: qui cum & ipsi fœdifragi, non exspeditione belli statis induciarum terminis, in Poloniā maximis copiis insurrexisserent, & à Vladislao Rege quotidianiis victoriis premerentur, Turcam, suis diffisi viribus, respicientes, nudum Podoliæ latus ostendebant, & irruptionem, adiectis muneribus, hortabantur.

Mosci
causam
& occa-
sione belli
Turcici
præbent.

Pronum erat Amurathis animum ad arma commovere, cui & Polonorum potentia paulatim gravis, & victoriæ Vladislai Regis suspectæ; quem quotidianis quoque successibus timere dicerat. Occasio deinde, quam sibi fingebat, propagandi Imperii, communi cum Monarchis & Regibus plerisque ambitione, quæ eos nunquam in præsentium fortunarum mensura patitur conquiescere, & eo majora cupiūt quo majora venrunt;

runt; adeo ut & Alexander, post Orbem, potuerit
 Orbes esurire. Nec hoc Alexandri tantum vitiū fuit ^{Lib. 7. de}
^{ben:} ut Senecę verbis utar) quem per Liberi Herculisque
 vestigia felix temeritas egit: sed omnium quos fortuna
 irritavit implendo. Cyrus & Cambysen, & totum
 Regni Persici Stemma percense, quem invenies cui
 modum Imperij facetas fecerit? Qui non vitam in ali-
 qua ulterius procedendi cogitatione finierit? Nec id
 mirum (ut rationem alibi reddentem videa-
 mus) quia naturalia desideria finita sunt: ex falsa ^{Epist. 16.}
 opinione nascentia ubi desinant non habent: nullus e-
 nim terminus falso est. Via eunti aliquid extremum
 est, error immensus est. Cæterum hanc Amurathis
 ambitionem, inusta quoque Anno 1621. Otto-
 manico nomini, ab hac ipsa Polona gente, igno-
 minia in ultionem detorquebat: ut & dedecus,
 & mortem Osmani fratri, ob Vladislai victo-
 rias & triumphos acceleratam, per Sarmatiæ &
 Sarmatici Regis, ut præsumebat, ruinam & fu-
 nera vindicaret.

Aderat quoque Abazius Bassa, homo tur-
 bidus & sediciosus, qui prope Babyloniam nu-
 per, occulte dominationem paratis, præcipuos, ^{Abazius}
^{Bassa qua}
^{lis. Ama-}
^{rathem}
^{contra}
^{Poloniā}
^{incitat.}
 qui obstaculo sibi fore videbantur, Janizarorum
 & militum aliorum occiderat, & tamen rem por-
 ro ad votum successuram desperans, ut rebellio-
 nis

nis suspicionem evaderet, Amurathi fucum faciens, præcipuos fratris ipsius Osmanii imperfectores, non terra, nō vita, spirituq; dignos, è medio se sustulisse, & necem ejus ultum, ad bellum in Polonus & Vladislau[m] Regem anhelare dixit; quo primos ruinæ ejus authores, & inustam Ottomanico nomini ignominiam, pariter ulciiceretur. Sic homo vafer, perfidus, seditionis, & turbulentus, ut ruinam suam evaderet, aliis præparavit: nec innocens tantum videri voluit, sed Cæsariæ familiæ & Ottomannici nominis Zelator. Hic itaque susurrationibus quotidianis, primum ad arma Amurathis atimum, porro trahens, non hoc tantum obtinuit, sed etiam, ut ipse belli Dux constitueretur, effecit.

Mox ergo numerosissimo exercitu, non secus abazius quam jactaverat antea, superato Danubio, per in Podoliu[m] ve- Valachiam Moldaviamque, ad ipsos Pödoliæ fi- nit & op- pidulum autem in Podolia parva ejusmodi oppida, quæ parvum Magnates Röloni, promotis porro in fertilißima expugnat & deserta tamen terra Coloniis, nova quotidie 1633 novaque ædificant, & adversus subitas Tartarorum irruptiones tumultuario opere muniunt. Horum unum cum Abazius Bassa, totius exercitus sui viribus, insultibus variis, & non sine ma-

gna

gna tamen militum suorum jactura, expugnafset, non aliter Constantinopoli (ut à viris fide dignis, qui tunc temporis ibi fuerunt, accepi) quam de Sarmatia capta triumphatum. Adeo quippe Barbari victoriis ex Polona gente desueverant, ut minutissima res in maximę victorię aestimationem veniret. Quid ergo? Abazius quoque Bassa ferocior, & inopinato successu animosior, acri imminebat; ratus Poloniam quoque cessuram, quia vile municipium cesserat.

Et profecto grande periculum erat, nisi in Vladislau Regem periculum incidisset. Sed recte Seneca: *tanti quodque malum est, quanti illud taxavimus.* Rex quippe ad nuntium rei prorsus impavidus, quam magnum & regium ad subita & maxima animum: quid ingenij & prudentiae corporis sui Majestate conderet, tunc maxime, si unquam alias universo terrarum Orbi ostendit. In Oriente & Septentrione tot Russiæ, Moscoviæ, & extera-
rum nationum populis, & viribus illis, quas Osmanidæ ipsi, post suas, semper formidabiles maxime judicaverunt, implicitus: à Meridie Imperii Turcici, communi passim mortalium omnium iudicio, potentissimi totius Mundi, in Sarmatiā im- petu lacepsitus: cum alia quoq; parte Tartari im- minerent, ab alia Sueci minarentur: & ipse ab o-

culnatur

T

mni

De Con-

sol: ad

Mar:

Vladislæ

Regis im-

pavidus

& gene-

rosus ani-

mus.

mihi latere, viribus quasi Terrarum Orbis, cum Polona virtute in medio premeretur, nimium dico, infestaretur, stetit tamen erectus sub quolibet pondere. Et adeo non desperavit, ut, non dico tantum fustinere omnes, non dico submovere, sed vincere etiam & debellare præfumeret. Et quid aliud quam ille generosissimus, ex sapientissimis, Heros: quem Romanus Philosophus magis quis debear esse, quam fuisse vel esse describit? Nulla illum res, inquit, minorem facit, nihil illi eorum, quæ ferenda sunt, displicet. Nam quicquid cadere in hominem potest, in se cecidisse non queritur: vires suas novit: scit se esse oneri ferendo. Ita me hercule: & intellexit postea Orbis, Vladislaum Regem non parrem tantum oneri fuisse, sed superiorem etiam de omnibus triumphasse.

Ceterum, ut ad rem veniamus, Vladislaus Rex, Rex Ko-
necpolsej,
cum Abazius Bassa Poloniæ finibus terrorem suum con-
tra Aba-
ziū mit-
tit, & quis
ille Ko-
necpol-
scius. illideret, consultius judicavit, medium victoriarum suarum cursum ad Smolenscum non deserere, sed probatissimo aliquo belli Duce, Turcas, quantum fieri posset, finibus submovendo, distin-
nere. Et poterat facilius hoc, cum talium Heroum Polonia hoc tempore felix, non unum protulisset: sed alios, pro maturo iudicio suo, Rex penes se retinens, Stanislao Konecpolscio Castellano Cracoviensi,

viensi, Generalissimo Regni Polonię exercituū Ducī, Supremo, ex secularibus, Polonię Senatori, hoc potissimum negotii dedit. Hic autem est ille Konēcpolscius, qui cum famoso illo exercituum Duce Zolkevio, Turcicarum victoriarum, & fatalis quoque cladis particeps, Constantinopolim in captivitatem abductus, geminata ex infortunio felicitate, ad gradum altiorem, & innumerā de iis viictorias, in Poloniā rediit: qui ad Amerstinum, numerosas Suecorum copias, & quasi exercitum integrum, sub Strefio & Teufelio Ducibus, ad dditionem cogens, sub jugum misit: qui ferocem illum Baudisium, sua manu saucium, dejecit ex equo, & captivum in castra retulit: qui Pucensem Portum, novo atque inaudito opere, excitatis in ipsa marina glacie aggeribus, ad dditionem compulit: qui Gustavum illum, adeo toti Europæ terribilem, tot annis ita coercuit, ut signa contra ipsum explicare nuspia ausus fuerit, aut arcem non nisi astu tentare. Hic tantus vir, tantis vietoriis densus, quomodo terror iterum Turcarum exititerit, et, ad mentem Vladislai Regis, lente festinando, Abazii Bassae ferociam comminuerit, hujus primæ irruptionis exitus docuit.

Noverat hic prudentissimus Imperator, belli Ducem, in tempestate maxime, cautum Guberna-

T 2 torem

Konecpol torem navis sequi oportere. Hic enim, licet ven-
scij virtu-
to saepius secundo feratur, brevia tamen alibi, ali-
bi saxa & charibdes, alibi scopulos & scyllas no-
artibus
scens, directo obliq; gubernaculo, dimidio vento
Abazius contentus, lentius proficiendo, has Oceani, maris,
Bassa re- & Neptuni insidias cavet, & ad portum tamen,
tro in Tur ciam pel- tarde accelerando, properat. Ex occasione vero,
litur. permissis vento velis, ubi pericula nulla metuit,
libera grassatur via. Hoc, ut noverat Konecpol-
scius, imitatus est. Siquidem Belgicarum artium
non ignarus, valla primum, munitiones, propu-
gnacula, suggestus, cuniculos, & similia molieba-
tur: & hostem tam diu artibus & ingenio lusit, usq;
prima ejus tempestas desævisset. Inde caute, ubi
scopulos scyllasque Martis metuebat, exercitum
suum promovens, ad angustias paulatim inimicos
ipsos redigebat. Ex occasione etiam, ubi insidias
non metuebat, secundo Fortunæ flatu utens, libe-
ris grassabatur armis, copiis, præliis, victoriis, &
ad metam sibi destinatam tandem pervenit. Quip-
pe Abazium Bassam, Poloniam paulo ante & spe
& præsumptuosis verbis devorantem, eo angusti-
arum redegit, ut Polonus vice versa metueret, &
ad extremum, paulo ante tam altum spirans, jam
desperaret. Itaq; idem ille Abazius Bassa, jam pu-
dore, cladibus, ignominia gravis, per Valachiam
iterum,

iterum, transmiso Danubio, eandem, qua antea
jaetabundus venerat, viam, plenus confusione, re-
legit.

Et peractum erat irrita illa expeditione bel-
lum, nisi pessimos consiliarios iterum & suggesto-
res Amurathes habuisset. Sed partim infelicitate
sua, quæ ad pacem movere debuerat, irritatus : *Moscus i-*
partim ingenita ambitione ab omni mente sana *terum A-*
alienus : partim ab iis, qui Polonica arma metue-*murat hē*
bant, incitatus, in sequentem annum arma iterum *cōtra Po-*
& bella, majore quam prius animo & apparatu, *lonos in-*
præparavit. Primam, sicut antea quoque, facem *citat, &*
Magnus Moscovia Dux subjecit. Hic ad Smolen-
scum exercitu jam, bellicis machinis, & Martia o-
mni suppelleatile, à glorioſiſſimo Rege Vladislao
exutus, & in ſumma neceſſitate conſtitutus, humilius
iterum in Poloniā irruptionem ſupplicabat.
Et Amurathes, ex neceſſitate ipsius compendium
ſuum facturus, facile affenſit, *this peti-*
dummodo annuo ingen-
ti tributo ſubjectionem promitteret, Regnum Aſtra-
chaneneſe univerſum traderet, & exercitum ad Polo-
niā fines commeatu & ſumptibus ſuis aleret. Quæ
conditiones ita Barbaræ Magno Moscovia Duci
viſe, ut clementiam Vladislai Regis nuper in ex-
ercitum ſuum expertus, ad eam confugere potius,
Provincias aliquot & Urbes tradere, & pacem con-

ditionibus aequis, ut postea factum, impetrare in animum suum induxit.

Mosco itaque ad consilia saniora converso,
Alij ad bellum Amurathem in citant, & preferunt Abazium Bassam alii, quibus tempestas etiam à Polonicis armis imminebat, aut quibus nimia felicitas Polona gravis, succedebant, & Amurathis gulam ad vomitum irritabant. Deinde etiam, quia expeditione initia jam inchoaverat bellum, pace nondum facta, irritatos in ultionem Polonos, in eorum quærere finibus, quam in suis exspectare dcreverat. Insuper idem Abazius Bassa, sceleribus conscientiae malæ cruciatus, cum faciem Amurathis ferre non posset, expeditionem iterum & arma suadens, nova identidem novaque consilia, quomodo Polonia debellanda, suggerebat: non ipsius, nec fortunæ culpa, nec etiam virtute Sarmatica, sed quorundam æmolorum suorum vitio factum, quod prior expeditio exitum optatum non habuisset. Cæterum, malevolis illis amotis, prosperrima omnia policeri: facturum Poloniæ Regnum tributarium, & Sarmatiæ universam ad Mahometis legem & sacra coacturum. Quæ omnia magis ut absens esset, quam quod successura speraret, quotidie per opportunitatem insinuans, adeo Amurathis animum occupavit, ut ille quoque hæc, quæ vafer homo promiserat, posse fieri sibi leviter persuade-

suaderet. Ita ambitio cæca movens cerebrum, & in vanas mentes imagines evocans, multum inter falsum ac verum mediae caliginis fundit: nec ante oculos potentissimis aperit, quam certa calamitate pulsarit. Et ita quoque cum Amurathem tandem factum est.

Interim ambitionis suæ consiliis jam occupatus, Legatum, seu exploratorem verius, in Lithuania ad Vladislauum Regem misit, ut sub specie insinuandæ pacis, latentis belli commoda, occasions, vires hostium, animos, occupationes, & bellum qua maxime ratione gerendum, quam posset curiosissime scrutaretur. Sed calliditas intra Vladislai Regis prudentiam erat: qui, quod reserat, subodoratus, Legatum audire noluit: sed alia nec minori calliditate, Amurathis calliditatem, aut prorsus irritam, aut inutilem redditurus, Warsawiam illum, & post menses aliquot futura Regni comitia ablegavit, ut, seu bellum, seu pacem adferret, publice Regni Ordinibus declararet. Hoc enim eo consilio faciebat Rex, tum ut à se longius ablegatus, quid ipse moliretur, non adverteret: tum etiam, ut mensibus aliquot distineret, & suspensum interim Amurathem tenens, omnia in tempore, ad tantam belli molem sustinendam, necessaria præpararet: & denique, ut, quid

*Amura-
thes Le-
gatū ad
Regem
mittit,
quē Rex
ad mēses
detinet.*

quid cum Stanislao Trzebinscio Legato suo Constantinopoli ageretur, quid responsi acciperet, sanusne rediret, & alia hisce similia, paulatim cognosceret.

Amurathis prae- Quam id salutari consilio Rex fecerit mox *sumptuo-* eventus docuit. Quippe jam superatis tot tantisq; viarum molestiis, idem Stanislaus Trzebinscius *& petitio-* Byzantium intraverat, et, post aliquot dierum *ones a Le-* *gato Po-* moras, ad audientiam tandem ab Amurathe ad-*lonico, &* missus, Legationem suam diserte, prudenter, & *hujus im-* magna præsentia sui, animose depositus. Quid au-*pavidus* tem Barbarus? Abazii Bassæ vanis promissionibus *animus* & consiliis infatuatus, in rugam contracta fronte, *& con-* torve Legatum aspiciens, frameam pulsavit, *Esse* *magnum illum Monarcham dixit, cuius acinacem uni-* versæ terrarum Orbis nationes horrerent: adeoq; inter se *Esse* Poloniæ Regnum amicitiam aut vicinitatem nullam perennare posse, nisi annuo aliquo tributo se superiorem agnoscere, *Esse* insuper magni Mahometis dogmata amplectetur. Sin minus: framea sua usque novissimam ejus ruinam *Esse* exterminationem usurum. Quid ad hæc Legatus Polonicus? In fractus ad ista pari libertate respondit. *Esse* Deum in Cœlo potentiores Amurath Monarcham: hunc invissimo Regi suo gladium quoque lateri accinxisse, quo *Esse* Christianæ Religionis veritatem, *Esse* popolorum Polonici Regni liber-

libertatem, aduersus quascunque etiam potentissimorum vires defendere, tueri, atque etiam, si ita visum Superis, latius propagare posset. Adeoque & tributi, & mutandæ religionis petitionem, Polonis, in summa libertate viventibus, vel solo auditu intolerabilem esse: præsertim quam diu adhuc dexteræ frameis suis sufficerent. Se quidem aliter modo non instructum, quam candidum Serenissimi Regis sui, secundum communem Regum consuetudinem, animum declarare. Si vero Amurathes in proposito illo suo perseveraret, mox aliam Legationem adfore, que, dubio procul, alia longe diversa in commissis haberet. Amurathes, qui Legatum Polonicum, vultus, verborum, & minarum suarum asperitate, consternatum iri putaverat, opinione sua falsus, magna cum indignatione surrexit, & Legatum sine ullo responso, vel scripto, Poloniam versus dimisit. Et bella jam magis, quia & majestas, & potentia sua, à Polonis, contempta & ludibrio habitu fuisse videbatur, crepans, Abazium quoque suum animabat.

Itaque, contractis undique Imperii sui viribus, arma iterum & bella: quamvis nonnulli è prudentioribus fuisse dicantur, qui hæc eadem varijs rationibus, & maxime ob conjunctam virtutis felicitatem Vladislai Regis, & dissuaderent, & exitū, non procerebro Amurathis Cæsarlis & A-

Abazium
Bassa ab
Amura-
the miss,
in Podo-
liam re-
dit. Anno
1634.

bazij Bassæ, ominarentur. Ut ut sit, propositi sui
tum quidem tenax Amurathes, terra mariq; co-
pias & apparatum ad Podoliæ fines dimisit. Tri-
remibus maiora tormenta, camelis & curribus
commeatus vehebatur; & per Danubiū, provide
jam ponte stratum, pedestres & equestres copiæ
(quæ amplius centum millium, exceptis Tartaris,
fuisse dicuntur) Abazius Bassa, Poloniā versus,
tumidior promovebat. Diceret Karakassii ani-
mum, & Osmani vires, in uno Abazio, in Poloniæ
terrorem revixisse. Accedebant alia parte Tartari,
vaga manus, quæ illatam olim à Bathi suo Principe,
vastitatem, jam à longe iterum Sarmatiæ mi-
nabatur.

Sed hæc, pro consuetudine sua, superbius &
jactabunde magis, quam fortius illi. Siquidem, *ut*
præcogitati mali mollis ieius venit: et, quod dicitur,
tela prævisa minus feriunt; ita omnia illa, in provi-
*Konecpol*dentia Vladislavianæ scopulos illisa, instar fluctu-
scius *ne-* um, fracta resiliuere. Quippe jam prudentissimus
xum Re-
gemissus, Rex iterum fortissimum virum Konecpolscium,
Abaziū superioris anni successu, in Abazium Bassam, fero-
Bassam ciorem, in occursum eo direxerat, tanquam unum
varierur sufficientem adversus omnia. Et profecto Konec-
fus con-
stringit. polscius Generalis, parum mox interesse docuit,
Abazius Bassa paucioribus, an numerosioribus co-
piis

piis dimicaret. Iterum illum, paucō milite con-
strinxit: & modo Fabius, modo Marcellus, cun-
dando s̄epe, s̄epius præliando, continuis artibus
cædibusque fatigavit; adeo etiam, ut apud exerci-
tum suum, in contemptum Abazius Bassa veniret.

Interim quoque jam Vladislaus Rex, Magno
Moscorum Duce humiliato, & oppidis Provinciis-
que multato, data Septentrioni pacē, victorem
exercitū, adversus Turciam, in meridiem, circum-
agebat; ut gladio suo, nondum deterso Moscorum
sanguine, in exitium Imperii & Imperatoris Tur-
cici, feliciter uteretur: & hoc eo fere tempore, cum
à Comitiis Legatus Turcicus, litteris, ad Imperato-
rem suum, arma spirantibus, à Republica Polona
instructus, Constantinopolim remearet. Nun-
quam magis quantum authoritas & fama unius
fortissimi & felicissimi Regis in utramq; partem,
& præsertim in hostium terrorem, valeat, adnīm-
adversum. Quippe cum ille Legatus Byzantium,
& ad Amurathem ingressus, liberas liberrimæ Rei-
publicæ litteras, Vladislai virtutes, victorias, for-
tunam, et, quod maximum erat, ejus Turciam
versus mota victoria arma tradidisset, tantus subi-
to pavor omnes, & ipsum Amurathem Cæsarem,
invasit, ut, mutato repente consilio, pacem, & qua-
vis conditione concordiam, à superbissima non

156 GESTORVM VLADISLAI. IV.

ita pridem præsumptione, respiceret. Quia autem Abazii Bassæ tumultuosum ingenium noverrat, & pacem, eo circa Poloniam adhuc hærente, desperabat, missò nuntio, ab exercitu eum Constantinopolim revocavit: & in locum ejus Murtazium Bassam, modestioris ingenii virum, cum mandato accelerandæ pacis, suffecit. Verissimum est, spurium propositum esse quod ambitio generat, & quamvis maximo fervore cœperit, ad exitum non perseverare. Ille Amurathes, ille superbissimus Imperator, cuius verba, vota, præsumptionem, paulo ante, plus nimio vidimus; cuius viribus sufficere Polonia non videbatur, jam solius Poloniæ Regis terrore fractus, pacem tam humiliter ambit, quam antea superbe rejecerat: imprudentissimus hominum secundum

Epistol: Senecam: quippe, sic maxime, inquit, coarguitur
120. animus imprudens: alius prodit, atque alius, *Et* (quod turpius nihil judicio) impar sibi est. Ego vero & animum, & propositum, & conatum ejusmodi hominis, sumo similem judico. Quemadmodum euim fumus, ab igne noviter accenso, & cum viridi difficultate materia commisso, in altum copiosus ascendit, & vehementi agitatus vento, quasi momento temporis, per aërem dissipatus evanescit; ita conatus improbi, ab illo ambitio-

nis

nis igne, bellicosis præsertim gentibus Regibusq;
commissi, licet varii, fusi, & copiosi, valido ad-
versitatis vento prorsus in nihilum tandem, & in-
anem fabulam vulgi, rediguntur.

Cæterum Murtazius Bassa, vir prudens, cal-
lidus, & ingeniosus, & pacis & Imperatoris sui
respectum habens, media serio excogitabat, quo-
modo & illam procuraret, & autoritatem hujus
integræ conservaret. Ad hoc Sarmatas capti-
vos honeste habebat, & quosdam etiam, opor-
tunos negotio, sine lytro dimittehs, per hos pa-
cem Poloniæ Senatoribus insinuabat. Et hi, cer-
tam pacem sperata victoria potiorem judican-
tes, non abhorruere. Et tandem res eo deducta
est, ut prudentiores aliqui, ab utraque parte, ad
formandos articulos, deputarentur. Quia autem
Poloniæ victoriæ viciniores erant, ita ad placitum,
utilitatem, & gloriæ suam, pacis leges præscri-
beant; quarum præcipua fere capitâ hæc fuere:
Ut tributum, nullo unquam tempore, à Polonis petere.
Turcæ præsumerent: Tartaros, qui Cantimiro Duce,
in Bialogrodienibus campis, domicilia sua fixerant, ex
illis tollerent; renuentes etiam armis interneccione de-
lerent: oppidorum, arcium, & castellorum Polonico-
rum, ad Tyram, demolitionem, in æternum non postula-
rent: arces, ad Poloniæ & Hungariæ fines, præsidii

suis Turcae non munirent: Valachiae & Transylvanie
Palatinos (quod proposuerat) Turcarum Imperator
non amoveret: sed cum Valachiae Principem faceret,
quem Poloniæ Rex, & vellet, & commendaret.

Dura hæc Murtazio Bassæ, & parum ad re-
spectum, autoritatem, & gloriam Amurathis
Imperatoris, Domini sui, videbantur. Itaq; aliud
ex alio trahens, moras neciebat, ut si aliquo inte-
adventu- rim prosperiore successu, ad humiliores, Sarma-
Regio in- tas, conditiones disposeret. Adhæc Turcici Im-
Podolian- pteritus rii vires identidem extollens, eas, conditionibus
conditio- minus honestis, non irritandas monebat. Non-
nibus sub- nunquam etiam, vultu verbisque, bella iterum
scribit. & arma potius, quam pacem, spirans, Polonorum
animos & constantiam explorabat. Et in eo res-
erant, cum ab exploratoribus nuntiaretur, Vla-
dislaum Regē, cum exercitu illo victorioso, quo
Moscoviæ Monarcham humiliaverat, per Russiæ
fines, in Podoliam transisse. Quo inexpectato
nuntio, Murtazius Bassa, perterrefactus, non ul-
teriorius cunctandum ratus, conditionibus omni-
bus, ne unq; quidem excepta, statim subscripsit:
suspensionem armorum interim, à Generali ex-
ercituum Duce Konecpolscio, petens, ut de o-
mnibus ad Imperatorem suum referret: quo
de imminente cervicibus suis Vladislao Rege,
& con-

& conditionibus, quas ob vicinitatem illius, & præsenti necessitate compulsus, iniisset, Amurathem certiorem faceret.

Quid autem ad hæc, & ignominiosa nomini suo, et, in Barbam ipsius, prorsus, & quasi è diametro, superbæ nuperæ præsumptioni contraria, Amurathes: Præ Vladislai Regis impetu omnia placuere, & acinacem suum, quem horrere universas nationes Orbis jactaverat, quo ruinam & exterminationem Poloniæ populis minatus fuerat, cum magno dedecore suo, subito condidit, ne gladium Vladislai Regis experiretur. Sed, ne affectui aliquid ego tribuere videar, hæc, & alia hisce similia, in ipsis Murtazii Bassæ, ad Generalem exercituum Ducem Konecpolscium, litteris, 24. Sept: Anno 1634. ad eum scriptis, & ab hoc ad Jacobum Zadzik Magnum Cancellarium Regni transmissis, videamus.

Significo Illustratæ vestræ, quia Mechmet Celebi, qui ad vos ante mittebatur, postea à me ad Serenissimum Imperatorem Dominum meum missus, attulit mihi ab eodem scripturam ejusmodi. S. Quicquid ibi pepigisti ac contraxisti, totum id concedo tibi. Quod autem scribis de Cantimiro Bassa cum suis Tartaris tollendo, eundem quoque meum esse servum scis. Scribe illi aliam te proviosionem concessurum, ut sua sponte abscedat:

dat : quod si non fecerit, eum cum exercitu aggredere, animadvertisque in ipsum, uxores, liberosque suos. Quare fide mea, jureque jurando promitto Illustratitudinestræ, me in ipsum ita animadversurum, ut dictu sit impossibile. Præterea, motu ejusdem scripturæ Imperatoris Dominimi mei, convocavi copias omnes, præcipue Vromelensem, Bosnensem, Silistrensum, imo etiam nuntios Regie Majestatis, & Ducis Crimensis, ad capiendum in ea re consilium. Postquam vero Tartaros tollemus, instituemus Præfectos ejusmodi, qui perfidos homines cædant, nec Crimo exire, sine litteris, quempiam permittant, ut fœdus idem, quod cum Sultano Salimano peractum antea fuit, deinceps semper vigeat. Quærebam etiam ex nuntio vestro, utrum velletis Cosakos, quo minus Turcicis terris damnum inferrent, coercere. Quod quia affirmavit fore, ego similiter omnia promitto. Restat duntaxat ut Schahin Aga mature hoc adveniat, quem cum nuntio vestro, una ad Imperatorem Dominum meum mittamus, ne exercitus hic ad hyemem usque durent, ut que pacifice digrediamur ab invicem. Cæterum Illustratatem vestram Deo commendo, qui præstet, ut audiam Illustratatem vestram bene valere.

*Amurathem Turcarum
thes in Imperatorem. Sed nondum satis. Ut exacerba-
gratiam Poloniæ Regis Vladislai, in se, & præsum-
ptio-*

ptionem suam, animum (quem non ignorabat,

Parcere subjectis & debellare superbos)

mitigaret, & gratiam ipsius aliquo singulari faci-
nore promereretur, potissimum Authorem belli
Abazium Bassam, alias propter callidas adulatio-
nes charissimum sibi, suffocari fecit, ut quantum
posset se etiam culpa & crimine liberaret; alio et-
iam modo, ut metu fortissimi Regis exoneraret
animum, gratificaturus, si potuisset. Sed ne & hic
præter veritatem quippiam dixisse videamur, lit-
teras 26. Sept: ex castris ad Cameneciam, ad eun-
dem Magnum Cancellarium Regni scriptas in-
spiciamus.

*Regis A-
bazium
Bassam*

Gloriosa admodum est pax hæc, quæ S. R. Majes-
tati hisce diebus magna cum oportunitate evenit. Ta-
met si enim Turcæ Sectæ suæ impiæ eam legem habeant,
qua obstringuntur, ut cunctas nationes ad eandem Se-
ctam trahant, sibique tributarias faciant, tamen ab ea
nunc per conditiones desciscunt. A castellorum nostro-
rum ac oppidorum demolitionis postulatione superse-
dent. D'Nestrum nobis profinibus concedentes, Can-
timirum cum suis Tartaris, campis Bialogrodienibus
pellunt, atque in posterum nullum unquam iis locis pa-
furos se promittunt. Palatinum Valachia eum quoq;
quem S. R. Majest. pro voluntate sua ac antiquis pa-
ctis commendaverit, spondent se præfecturos. Immo,

X. quod

B.C.

quod glorioſſimum eſt, non pudet fateri Timam Age, de medio ſublatum eſſe Abazium Bassam hujus bellī authorem: eo ſcīlīcēt, ut S. R. Maieſtati ſatisfaceret: qui iſpiſ ita charus erat, ut id post iſpiſius interitum ita luculentēt teſtaretur, ut pro ſuis exequijs 20000 Aſprorum daret, in Illiſtris cuiusdam Baffe monumento cōdi vellet, ſuffragiaque publica, pro Manibus iſpiſius, reliquis Bassis indiceret. Denique Valachiam, Moldaviam, Transylvaniam, quas hoc motu Turca in Provincias, Palatinis iſthmī ſublatiſ, Bassiſ que inductiſ, voluit redigere S. R. Maieſtas ſummo malō laboravit. Advertit quippe Tyrannus rem ſibi cum eo Monarcha eſſe, cuius amicitiam deino eps ſibi oportunam fore ducat. Ita glorioſa pacis hac traſactione, glorioſe S. R. Maieſt. noſtra, ac felicissime apud posteros aeternabit.

Vladislai Regis prudens in bello, & gloria a pudore suo. Ethic eſt finis iſtiuſ belli Turcici, maximā pſorum ſuperbia, præumptione, tumultu incep- hoc bello, pti, majore ignominia, datno, pudore, finiti: ſic Clemētia, & Parturiunt montes naſcetur ridiculous mūs.

Attamen quanto majus Amurathis & Turcarum dedecus, tanto major Polonorum & Vladislai Regis gloria. Qui omnes hostium conatus prudentia lufit, per fortissimum Ducem Konecpolſciūm fregit, & tandem adventuſ ſui fama conſummat. Adeo ut hac in parte Julium Cæſarem, Mithridatis filium more fulminis, quod venit, per-

percutit, & abscedit, debellantem, longe superaret. Ille enim venisse, vidisse, & viciisse gloriatur, Vladislaus autem venisse, non vidisse, & tamen viciisse poterit gloriari: & quidem tanto maiores hostes, quanto Amurathes major Pharnace, & Osmanidæ Ponticis potentiores. Itaque Vladislaus Rex, cum uno eodemque tempore, à duobus potentissimis Monarchis, & à Septentrione, & à Meridie premeretur, & utrumque eodem anno superaret, docuit terrarum Orbem, quid possit in summo periculo summa virtus, & fortitudinem prudenter junctam, numerosis hostibus, validissimis viribus, & imperiis maximis, potiorem esse. Et quid in utrosq; non ausus fuisset, nō potuisset, nisi magis clementiæ laudem, quam severæ ultionis impetum odiumq; respexisset? Maluit autem parcere, ut cum duos potentissimos hostes viciisset, addita tertia, de animo suo, victoria, mirabilior omnibus redderetur. *Quem enim magis admiraberis, quam qui imperat sibi, quam qui se habet in potestate?* Gentes facilius est Barbaras, impatientes q; alieni arbitrij regere (addam ego & vincere) quam animalium suum continere & tradere sibi. Quid amplius? Aderat quoq; necessitas quædam festinandi, cum tertius hostis à Septentrione immineret: & pertinacior imo deterior ille quiarebellis. Itaq; cum

*Senec.lib.
4.deben:*

tanta celeritate potentissimos hostes, victos & humiliatos, prescriptis pacis legibus absolvisset, quasi non integra virtute, sed una manu usus, duo tantum, veluti per transennam, impedimenta sustulisse videri poterat, ut in hosce, de jure suos, tota intentione expeditior esset: quod maxime etiam Poloni desiderabant, ut obsessi portus vendicarentur. Et tamen erat prospperioris successus, quia cætera tam feliciter cesserant. Quapropter Vladislauum, ut nuper à Moscicis armis, sic nunc à Turciæ finibus reducem, ut Herculem suum & Patrem Patriæ venerabantur. Et quid nimirum? Maximis, quæ in hominem cadere poterant, beneficiis subditos suos affecerat. Quippe, ut Latinus Sapiens de benefi-
Lib. I. de benef. ciis ait, *Prima hujus notæ sunt, hostium manibus eripi,*
¶ *Tyrannicæ iræ, & proscriptio:* ¶ *Aliis periculis,*
quæ varia & incerta humanam vitam obsident. Quicquid horum discusserimus, quo majus ac terribilius erit, hoc majorem inibimus gratiam: subit enim cogitatio, quantis sint liberati periculis, & lenocinium est muneri, antecedens metus. Merito ergo ut vindicem suum & Patrem Patriæ venerabantur,
qui hæc ipsa in circuitu fecerat, & facere perseverabat.

CAPUT

CAPVT TERTIVM.**ARGUMENTUM.**

Vladislai IV. expeditio in Suecos, qui,
factis induciis, Borussiam Regi re-
stituunt.

SUMMARIUM.

Origo hujus belli describitur: Sueci ex impro-
viso Borussiam invadunt, & tandem, successibus va-
rijs, usque Thorunnium penetrant, quod à Gerardo
Dönhoffio Comite, & Civibus ipsis, insigni virtute
defenditur. Tandem sex annorum induciae factæ: qui-
bus elapsis, Vladislaus Rex victorem exercitum in Bo-
russiam dicit: Pravos militæ mores corrigit, & di-
sciplinam militarem restituit. Hinc magnum exercitus
commodum. Stratagema Regis & industria Gedan-
nensem. Apparatus in Suecos Regius ingens: sed Sueci
pacem ambiunt, quam Rex, ob varias rationes, non ab-
nuit. Pacis conditiones. Sueci, quicquid in Borussia possi-
debant, Regi restituunt. Greiffenclarvi Cæsaris nomine
Regi congratulatur, & hujus petitiones. Rex, post
pacem in comitijs confirmatam, loca à Suecis redditæ
visitat. Ejus clementia commendatur, quâ omnia
bella consummarunt.

Senec.
Epist. 2.9.
Origo bel-
li Suecici. **R**ecte Romanus Philosophus, *cum hac persua-*
sione vivendum est, non sum uni angulo natus. Vi-
cerat jam Vladislaus Rex, duabus, & à Septentrio-
ne, & à Meridie, partibus, & Sarmatiam potentis-
simorum hostium metu liberaverat. Sed nondum
satis judicans uno aut duobus angulis viciisse, in-
circitu Sarmatiam liberare decrevit. Restabant
autem à Septentrione, ex veterum recentiorumq;
annalibus, famosissimi gentium, Sueci, Gothi,
Wandali. Hi Vladislao Regi hæreditario jure sub-
diti, sub Carolo Sudermannia Duce, à Sigismundo
III. glorioſæ memoriæ, Vladislai Regis Patre
desciverant: & quia, quæ istius generis sequi so-
lent molimina, timere didicerant, ex omni occa-
sione Poloniæ hostes, ut bellum finibus suis arce-
rent, ejus Provincias vellicabant, dum alibi occu-
paretur. Sic Anno 1621, cum in Valachia Sarmatae
Turcarum viribus suas opponerent, Rigam omni
conatu adorti, tandem expugnaverunt. Anno 1626
ita subito, è Balthico mari, in continentem, in Bo-
russiam emerserunt, ut apertis munitissima oppi-
da portis caperentur: & ante potior Borussia pars
Suecica fuit, quam Suecos intrasse Sigismundo
Regi nuntiaretur. Inde aliquot annorū tumultus
& velitationes, subinde vices variantę fortuna.
Ad extremum tamen, subdolis artibus, quod ne-
mo un-

mo unquam fore speravisset, usque Thorunniū
à Suecis penetratum.

Eo quidem, Anno 1629. Mense Feb: Hermannus
Vrangelius, recenti victoria ferox, Suecicarum co-
piarum nucleum, tanta celeritate rapuit, ut Tho-
runnienses, nihil minus quam de adventu suo co-
gitantes, subito occuparet. Quin imo eodem illo
tempore, ad visendum reum, extra Urbem laqueo
strangulandum, magno numero cives exiverant.
Quod ipsum casu in compendium cessit, cum Sue-
ci alium Polonum exercitum suspicarentur. Ut virtute
primum autem cives, quos à longe venientes vi-
derant, Suecos esse cognoverunt, præcipiti fuga
in Urbem se recepero. Ibi, ex improvisa re, & quia
longa pace bello desueverant, consternatio in-
gens; adeo confusis omnibus, ut salutare nihil, pre-
sertim quia miles sufficiens ad manum non erat,
plebe insuper tumultuosis vocibus, ut in tali casu
fieri solet, Senatum non audiente, in communis
consuleretur. Commodum autem Thorunniens-
ibus venerat, quod Gerhardus Comes à Dönhoff,
probatus felixque jam antea in Valachia & alibi
miles, Urbem paulo ante intrasset. Hie enim, in-
tellecta clade Brodnicensi, matuto judicio suo pre-
videns, Thorunniū periclitatum, proprio mo-
tu (quippe cui alias Mevam, Nienburgum, Ma-
riawer-

riæwerdam, & Kudzinum, copiis suis tueri, à Republica commissum erat) uno & altero tantum famulo comitatus, die nocteque eo properarat, ut Urbi præsentia & consiliis suis adesset. Adeoque, non uno Stratagemate usus, per ipsas hostiles copias, duabus fere, ante Suecorum adventum, horis, feliciter Civitatem intrarat. Nunquam antea magis animadversum, quantum unius fortissimi belli Ducis authoritas & præsencia valeat. Ille enim, Urbe præsenti periculo consternata, in Cutiam statim forumque concessit; & Senatum civesque ad concionem vocatos, iis, ut suburbia sua incenderent, potissimum suasit; ratus hostem, ut evenit, non cervicibus Urbis diu inhæsurum, si hyberno tempore & fomenta & receptacula non inveniret. Difficilius erat, ob gravia hinc Civibus emergentia damna, persuadere: sed, interveniente quoque Senatus auctoritate, qui, juramenti Coronæ præstiti memor, hoc in periculo (præsertim Johannes Preuss tunc Proconsul Urbis, cui ejusdem nominis filius, paternæ virtutis hæres, etiamnum eadem dignitate Civitati laudabiliter præst) pro Republica fideliter egit, bono privato Cives publicum prætulerunt. Inde Comes Dönhoffius, hac jam parte securior, oportunis & efficacibus verbis, ad con-

stan-

stantiam & virtutem, omnes porro animavit, et iam vitam suam obstringens, si in hac fidelitate sua perseverarent, Suecos Urbe non potituros. Addidit aliud quoque, ad confirmandos civium animos, efficax, callidus belli Dux: ex copiis suis nimirum, mille pedites, in subsidium mox adfuturos. Sic paulatim suus cuique animus, sua cuique præsentia rediit, & apparuit Thorunniensibus nihil nisi fortē virum defuisse qui duceret. Quippe, omnibus à Dönhoffio Comite jam ritè ordinatis, hunc ad prælia præeuntem, alacres in valla sequabantur. Non horribiles, ab incensis suburbii, in circuitu flammæ, non à facie hostilis impetus, terruere. Et, quamvis tanta esset hostibus capiundæ Urbis fiducia, ut equites, equis suis desilientes, intermixti peditibus, pedestres expugnationi incumberent: licet eosque, jam ascendissent ut partes cominus invicem latera foderent: licet portas, S. Catharinæ & Culmensem, immo ad hanc turrim quoque munitissimam expugnassent, & subinde misso tibicine (cui Comes Dönhoffius, sub pœna mortis, ne reverteretur, tandem interdixit) ad dditionem Cives sollicitarent; omnia tamen ista intra virtutem Dönhoffij, & Dönhoffius omnibus hisce potentior in Thorunniensium animis erat. Itaque, velut uno momento temporis,

circumacta fortuna est, & hostes munitionibus suis valloque pulsi, magna clade rejecti sunt. Adeoque insigni fortitudine, Gerhardus Comes à Dönhoff, Suecis, jam prædam & spolia meditantiibus, egregiâ civium fidelitate fultus, Urbem è manibus quasi extorsit. Fremuit Hermannus Vranglelius, spei irritus, & cum damno recessit; tantum virtute etiam in hoste victo valente, ut fortitudinem Dönhoffij Comitis, cognati sui, non modice celebraret; servatamque Urbem virtute ejusdem confiteretur. Debebat itaque Dönhoffio Respublica hac vice Thorunnium, & Thorunnium eidem fortissimo Comiti suam integritatem: quod quidem, quam diu erit, Dönhoffianæ virtutis illustre monumentum perennabit.

*Quanta
ea victo-
ria fuerit*

Quanta, tum temporis, ea victoria fuerit, ex eo metiamur: quod, statim post nundinas trium Regum, Polonorum juxta ac Germanorum mercatorum opibus, Urbs eadem, quodammodo pregnans esset; adeo quidem ut soli Gedanenses, suas tunc in Urbe merces, millionem auri excessisse, faterentur. Sic ut Gustavus Adolphus, si superior evasisset, è solis spoliis Urbis, triginta millium virorum exercitum alere potuisset. Insuper, quia Thorunnium tunc quodammodo Clavis erat Poloniae Regni, si eo Sueci potiti fuissent, difficillime deinde

deinde Borussia moveri potuissent, et, aperta in uberes terras janua, excursionibus quotidianis, Majorem Poloniā, Cuiaviam, terram Dobrinensem, & Mazoviam, nobilissimas Coronæ Provincias, pro libitu devastassent. Quæ omnia Dönhoffiana virtus, & Senatus Civiumque fidelitas, tunc, favente Deo, feliciter avertere. Hoc etiam ^{Post hanc} Fortuna adjecit, quod Sueci, nunquam postea eo-^{Sueci,} usque progressi, solitis se tantum dolis & artibus ^{cum Polo-}
^{nis, sex} amorum suis porro tuerentur. Quas cum evitare, & virtu-^{inducias} tem Polonorum vincere, æque difficile esset, eo-^{faciunt,} dem illo Anno 1629. 26. Sept: sex annorum indu-^{eodē anno}
^{1629.} ciis armis suspenderunt; ita tamen ut penes Sueci-
am pleraque maritima oppida perseverarent. In-^{26. Sept:}
tellexit interea temporis Polonia incommodum suum: & sibi compedes velut injectos indignata, acriter animum in ultionem acuebat. Et hoc op- portuno tempore, cum virtute fortissimi Regis sui, à lateribus aliis, pacem victoriis extorsisset, & sexennio induciarum elapso, adhuc Romani Imperii viribus Suecia dstringeretur.

Itaque Vladislaus Rex, initâ prius cum Fer-^{Rex Vla-}
diando Imperatore armorum societate, illum vi-^{disla ex-}
ctorem exercitum, illas viætrices Polonas aquilas, in Boru-^{erцитум}
quibus tot gentibus leges dederat, à Borysthene ^{in Boru-}
& Tyra, in Borussiam circumagebat. In Borussi-^{sia contra}
^{Suecos} am ^{ducit An:} 1635.

am dico, superiori bello, à multis, in vanum for-
 tasse, suspectam, et, eorum judicio, belli malis,
 quæ in initio melius excludere potuisse videbatur,
 non indignam. Ut ut sit. Prudentissimus Rex suam
 eam terram, etiam quæ ab hoste possidebatur, ju-
 dicans, à bellicis calamitatibus, quantum quidem
Sen.lib. I de clem: fieri poterat, præservandam censuit. *Is enim cui*
curæ sunt universa, quanquam alia magis alia minus
tuetur, nullam non Republicæ partem tanquam sui
nutrit, inclinatus ad mitiora, etiamsi ex usu est anim-
advertere: ostendens quam invitus aspero remedio
manus admoveat, in cuius animo nihil hostile, nihil ef-
ferum est. Qui potentiam suam placidè ac salutariter
exercet, approbare imperia sua civibus cupiens. Itaq;
pravos militiæ mores corrigendos censuit, ne Pro-
vinciam illam, à nupero bello non nihil respiran-
tem, & adeo copia rerum omnium alias affluen-
tem, ut Munsterus Jovem è Cœlo casurum, non ali-
am lapsu terram occupaturum, judicarit, etiam
curando debilitaret.

Pravib ho-
dierni mi
litie mo-
res.
Lib. 7. de
benef.

Et profecto ij, hoc sæculo, militiæ mores sunt,
 quos deplorare meritissimo jure quilibet, & maxi-
 me qui suo damno experiuntur, queat. Et qui alii,
 quam quos, in imagine captæ Civitatis, Seneca no-
 bis repræsentat? Omissò pudoris rectique respectu,
 inquit, vires in consilio sunt, velut signo ad permiscen-
 da

da omnia dato. Non igni, non ferro abstinetur. Soluta legibus sceleras sunt. Nec religio quidem, quæ inter arma hostilia supplices texit, ullum impedimentum est truentium in prædam. Hic ex privato, hic ex publico, hic ex profano, hic sacrarapit; hic effringit, hic transilit, hic non contentus angusto itinere, ipsa, quibus arcentur, evertit, & in lucrum ruina venit. Hic sine cæde populatur, hic spolia cruenta manu portat. Nemo non fert aliquid ex altero. Hæc, & hisce similia, Vladislaus Rex, etiam in Turcas, Tartaros, Moscovitas, & extreme Barbaras nationes, pro continentia sua, ut poterat, præcavebat: ne, posita paulatim disciplina, exercitus licentia tali sylvesceret. Sed in hostico victor exercitus non adeo poterat cohiberi: quippe non sufficit homo justus unus tot armatis cupiditatibus. Non potest quispiam eodem tempore & bonum Virum, & bonum Ducem agere. Quomodo tot millia hominum insatiabilia satiabuntur? Quid habebunt si suum quisque habuerit?

Dissimulare ergo non nihil in alieno Dominio visum, in Borussia vero non item. Quid enim perditurus nisi suum? Itaque Rex, rapinas, vastationes, incendia, stupras, & quicquid militaris licentia præsumere solet, severe prohibuit, transgressoribus cuique sceleri correspondentes poenas oboculos posuit: ut, sinon pudore, non culpa, non

Scn. lib. 4
de benef.

Rex cor-

ruptos mi-

litie mo-

res corri-

git, & no-

vā disci-

plinā mi-

litarem

virtute, saltem animadversione severa, ab illicito moverentur. Immo integræ conscientiæ viros ad hoc deputavit, ad quos subditorum querimoniam liberè deferrentur, cum plenaria potestate, quoque cunque reos comperissent, pro arbitrio puniendi. Hæ bellicæ leges, à Vladislao Rege introductæ, sub nomine *disciplina militaris*, passim imprimebantur, & stricte observabantur. Quippe in hac morum perversitate desiderabatur solito vehementius aliquid, quod mala inveterata discuteret. Ne autem esset quod milites quererentur, Commissarios singulos legionibus singulis præposuit: qui in tempore illis stipendia providerent. Insuper Tribunos militiæ Belgicæ non ignaros, quibus necessarium judicabat, legionibus præfecit, ut disciplina, ad illius Patriæ mores, conformaretur. Qui utinam in omnibus gentibus observarentur, non ita Republicæ variaz, & integra passim Regna debilitarentur. Non illas abominabiles in Imperio Romano vastitates: pagos, oppida, Regiones desertas: & sex, septem, octo, decem milliarium spatio, nullum, in agro fertilissimo alias, hominem; sed in domibus, & arcibus desolatis lupos aversaremur. Interim Belgium octuaginta jam & amplius annis, tot exercitibus, obsidionibus, expeditionibus, præliis, & domesticis odiis in invicem
sæviens,

sæviens, non dico adhuc spirat, sed divitiis & deliciis proficit: pagos, arces, & oppida nova ædificat: & in medio bellorum incendio vivit, sicut Salamandra solet in igne.

Hac Vladislau Rex in Belgio, & ipsa obsidione Bredaha magna sua cum gloria, viderat, & nunc in Polonia sua æmulabatur. Et quanto mox cum fructu! Subditi largius sua offerebant, quia non auferebantur: & in exercitu Regio erat invenire, quod in publico affluentissimæ Urbis foro. Insuper sub Suecico jugo viventes, jam Moderatorem suum suspirabant: et, affectu à parte in partem translato, ejus Imperium anhelabant, qui, ut Princeps legitimus erat, legitimum se Principem terræ, disciplina ostendebat. Quin immo & Suecos ippos hæc anima veræ militiae terruit: & qui altis è Germanico successu animis intumescebat, versa vice, victoriam desperavere.

At Vladislatus Rex, virtute sua usurus, copias & exercitum suum in hostes porro movebat. Illi autem non fortunæ, non campo se committere ausi, paludibus & oppidis se continebant. Ne autem, tumultuarie collecto exercitu, beneficio noctis, Vistulam aut alia flumina transmittentes, ut antea sub Gustavo solebant, vicinis regionibus vastitatem inferrent, prudentissimus Rex Strata gemate illud

*Magnus
hinc fru-
ctus in
exercitu.*

*Strata-
gema Re-
gio & Ge-
danensis
industria*

gemate

gemate novo prævidit. In omnibus fluviorum aggeribus, præparata resina & pice vasa, altis, ad instar turrium, stipitibus imponi curavit: ad quæ gradibus, scalarum in modum, cito, nec incommodo, ascendebat. Tum, si qua ex hoste tempestas subita ingruebat, uno, ubi periculum erat, accenso, mox omnia in circuitu vasa accendebantur: & simul flamarum inditio hostis prodiebatur, & Regiae copiæ in subsidium & vindictam ad littora citabantur. Gedanensiū hac quoque in parte laudabilis industria fuit. Et Regia Urbs, suam in Regiam Majestatem & Rempublicam Polonam fidem, plurimis superiori bello inimicorum dolis, artibus, & promissis, corrumpi nesciam, invicta, ut par erat, animi constantia, novo fervore patefecit. Et Zelum Zelo jugiter addidit, ne eximiam perderet perseverantię laudem.

Insuper Vladislaus Rex (ut ad apparatum *Vladislai* ejus bellicum revertamur) non nescius quantum *bellicus* maritima classis ad summam belli valeret, in *apparat⁹* institutam à Serenissimo Parente suo Sigismundo, Anno 1626. Gedani Commissionem navalem (Galli Admiralitè vernacula sua vocant) hoc Anno 1635. in tempore restauravit. Hujus caput (ut & per Prussiam Commissarius Generalis *belli-*

bellicus) idem qui antea in Thorunnio, contra eosdem Suecos, rem strenue gesserat, Gerhardus Comes à Dönhoff, cum Sigismundo Barone de Guldenstern, Illustrissimæ familiæ viro, constitutus est. Ne vero rem, in Reipublicæ emolumen-
tum prudentissime ordinatam, dissidentia quæ-
dam corrumperet, quosdam ex ipsa etiam Civi-
tate Gedanensi, eidem Commissioni adhibuit,
quo sincerius procederetur: Itaque collecti pas-
sim milites nautici, & parvo temporis spatio, in
eventum omnem præparata Classis, militariter
instructa natavit. Missæ quoque litteræ univer-
sales, ad Capitaneos Balthico mari vicinos, ut de
victualibus Classi providerent. Sed & Pucium,
Vladislaopolim, Fortalitium Casimirianum, &
alia maritima loca, ut ad Vistulam quoque Der-
saviam, & propugnaculum Sperlingianum, an-
nona, nitrato pulvere, numeroso præsidio mi-
litum, & munitionibus aliis aliisque Rex firma-
vit. Usus potissimum, hac in re, Johannis Plait-
neri, Architecti sui militaris, ingenio: qui ex Bel-
gio nuper, admodum adolescens, ad Regem
veniens, successibus semper secundis, ad Smo-
lenscum operam & ingenium suum, supra æta-
tem, feliciter Regi probaverat; adeoque nunc
quoq; oportunus visus, cuius industria Rex por-

Z * ro ute-

ro uteretur. Denique, ut ad propositum redeam, quia periculum prona Vistula timebatur, naves plaustris impositæ, terrestri itinere, infra Gedanum, prope Fortalitium Sperlingianum, vectæ: è quibus, egregia Eliæ Artishevii Tribuni militaris opera fortiter invicem compactis, ponte navalí, Vistula subjugata; qui Regiam postea, Vladislao, confectis induciis, transeunte, laudem meruit. Hujus pontis extremitates, Artishevius idem, munitione firmavit: cuius beneficio, elapso aliquoties, cum de induciis postea tractaretur, armstitii tempore, & vario bellico apparatu à præfatis Commissariis Regiis instrutus, copiis suis in alteram ripam transibat, & ad angustias, in adversis munitionibus Suecos, Idem redigebat; adeo ut, cum aliquot iterum diebus, integræ jam conficiendæ rei intentus, suspensa arma (quod, subsecutis induciarum tractatibus, sæpius factum) audiret, projecto in terram pileo indignaretur.

Sueci pa- Erant itaq; hoc vario apparatu bellico Vla-
cem am- dislai Regis, antequam serio bellum inchoaretur,
biunt, quā in Borussia Sueci quasi debellati. Adeoq; etiam,
ob varias rationes saniore consilio usi, cum in eo jam esset, ut statio-
Rex non nes & oppida eorum obruerentur, subito pacem
refusuit. ambivere, iis conditionibus, quales victoriis ex-

tor-

torqueri meliores vix potuissent. Quid ergo Vladislaus Rex? Vibrare gladium perseveraret, cum dexteras inimici offerrent? Conditiones adversaretur, cum reddere, quæ superiori bello multo sanguine & sudore parta, & aliquot annorum pertinacia defensa erant, ultro promitterent? Sine sanguine Urbes superbè contemneret, quæ multo sanguine, bello, sumptuque repetebantur? Consideratior & prudentior erat. Et quamvis alii, utendum præsenti fortuna & occasione, suaderent, cum Suecis, adhuc in Germania occupatis, uti se totis non liceret, & Romani Imperii & Polonicæ Reipublicæ viribus simul resistere illis impossibile esset: non posse jam Borussiam tantum, sed Livoniam & Estoniam quoque extorqueri, & Sarmatarum timorem ipsis Sueciæ rupibus finibusque illidi; immo Regnum fortasse integrum, recuperari. Quamvis hæc, inquam, & hisce similia nonnulli suaderent, tamen prudentissimus Rex in alteram partem declinabat: volvi etenim sæpius fortunæ rotam, & magnum detrimentum, in bello præsertim, non semel à parvo incommodo gigni: non virtutis semper Fortunam comitem esse, & eam sæpius fortissimos quoque, cum maxime blandiri videbatur, quasi in medio cursu deseruisse: Cyrum

Thomyri Reginæ cum tanto exercitu prædæ & ludibrio fuisse, & Annibalem, sedecim annis Italiæ incubantem, victoremque, cum tot præliis experientiam collegisset, ad extremum in Patria suavictum Pompeium, cum jam prius vere Magn° esset, cum Senatu & Republica simul occubuisse, & victorise jux Julij Cesaris fortunam, cum ad summum pervenisset, ad Mundam in Hispaniā, contra Pompei filios, vacillasse, & non, nisi per errorem, vitam & victoriam obtinuisse. Quin-imo modernum Imperatorem Ferdinandum Secundum, ab iisdem Suecis non ante prælio fusum, quam Germaniæ prope totius potens fuisse. Nil se supra hominem, nec fortunam in manibus habere; & licet habere videretur, facile elabi posse:

Senec.lib. nihil enim firmi habet, qui in incerta propensus est.

7.de ben. Et, posito fieri posse quæ ipsi dicerent, Borussiam extorqueri, Livoniām & Estoniam recipi, Sueciām ipsam concuti, tamen quod noceret prius fore: nimio constare quod sine dispendio valetudinis acquiri non posset. Vigorem Provinciarum suarum suum videri: hunc exarescere bello certissimum esse, & antequam Borussia Livoniaque reciperetur, prius fortunis omnibus, quas maxime salvas vellet, iterum spoliatas, perdi oportere: adeoque verissimum esse quod Romanus Sapiens,

nullius

nullius metus tam gratus est finis, ut non gratior sit Lib. 6. de
 solida & inconcussa securitas. Prætera bellum ipsum, benef.
 cum honeste vitati potest, gravissimum Re-
 publicæ morbum videri: jam autem nulli dubium sen. Epist.
stol. 66. esse quin felicior sit inconcussa valetudo, quam ex gra-
 vibus morbis & extrema minit antibus, in tutum vi
 quadam & patientia educta. Non dubium esse quin
 felicior pax sit nunquam lassita, quam multo repa-
 rata sanguine. Pacem denique esse, quæ una
 innumeris triumphis potiatur: & ideo Regem
 sapientissimum quemque ad illam respicere. In-
 sipientia esse, cum citra sanguinem, damnum, &
 sumptum offeratur, aversari. Sapientia enim altius Senec.
 sedet, nec manus edocet, animorum magistra est. Vis Epist. 90.
 scirà quid illa eruerit, quid ve effecerit? Non indeco-
 ros corporis motus, nec varius per tubam ac tibiam,
 cantus, quibus exceptus spiritus, aut in exitu, aut in
 transitu formatur in vocem: non arma, nec muros,
 nec tela. Utilia molitur, pacifaret, & genus huma-
 num ad concordiam vocat.

Assensit ergo, optimis rationibus ductus, conditi-
 Suecorum propensioni Vladislaus Rex, & pru- ones in-
 dentissimis aliquot viris, ab utraq; parte, ad for- duciarum
 mandos pacis, seu induciarum, articulos, designa- Anno 1635. 2.
 tis, tribus potissimum iis, Stumisdorffii, Anno 1635. Sept. Sty-
 2. Sept. stylo veteri, convenit. lo veteri.

I. Ut viginti sex annorum, hoc est ab anno, quo
hac agebantur, 1635. Mense Sept: usque ad primam
Julij, stylo veteri, Anni 1661. inducie essent, & inter-
e temporis de perpetua pace tractaretur.

II. Pars utraque in Livonia, sicut præteritis se-
xennialibus induciis possederat, ita hisce induciis quoq;
possideret.

III. Ut quicquid in Borussia Sueci bello superio-
ri invaserant, & durantibus sex annorum induciis hu-
cusq; possederant, deductis sine incolarum damno præ-
sidiis, ita omnia & Integra Poloniæ Regno restituerent,
ut ne munitiones & fortalitia quidem, præsertim quæ
Elbingæ, & circa Elbingam, durante hoc bello extru-
xerant, demolirentur.

Hisce feliciter conclusis, Nigram Aquilam
^{Nigram} Polonæ Reipublicæ Sueci, restituere. Hanc na-
^{Aquilam} vim bellicam, nondum elapsis induciarum ter-
^{Sueci re-} minis, in statione Gedani, secundum in Daniam
20. Sept: ventum præstolantem, integra Classe advenien-
tes Sueci, Anno 1635. 14. Julij, intercepserant; eo
titulo, quod non regia, sed Hevelij Civis Gedan-
ensis esset, qui variis eos in rebus, ut ajebant, irri-
tasset. Et licet Regiam esse variis rationibus de-
monstraretur, tamen hucusque, variis artibus, re-
stitutionem distulerant. Nunc autem, factis vi-
ginti sex Annorum induciis, Vladislaus Rex, tra-
ditis

ditis Johanni Heppen & Petro Scatoni Secretariis suis, Jacobi de la Garde Suecorum Generalis, litteris, ad Suecicæ Classis Admiralem misit: quibus lectis, Admiralis quidem, 20. Sept: navim restituit, sed ea conditione, ne insigniis Regni Suecici, quam diu in Classe Suecica essent, uterentur. Itaque præfati illi Secretarii Regii, in ipsa Classe quidem, abstinuerunt. Ut primum autem, deserata Classe, in altum vela fecere, pro suo in Regiam Majestatem Zelo, insignia statim reposuere: & sub vesperam, insigniis Suecicis superne pendulis, in Classem Suecicam, & exinde Gedanum revertente. Sed hoc Nigræ Aquilæ imminentis mali erat breve solatum, paulo post enim, in Hispanias, vela factura, adhuc in mari Balthico naufragio periit.

Cæterum (ut ad summam rei revertar) postquam, in subsecutis eodem Anno Mense Novembri Comitiis, à Vladislao Rege & Polona Republica conditiones ratificatæ & confirmatæ fuere, quicquid in Borussia possidebant, bona fide Sueci restituere. Ita iterum sola ostentatione armorum Vladislai Regis, citra unius militis jacturam, posterior Borussiæ pars liberata. Elbinga cum pristino ejus territorio atque Insula minore, & munimentis ibi exstructis, recepta: Pillavia & ea Neringiæ pars, quæ ad eam spectat, recuperata. Mariæburgum,

Quicquid
in Borussiæ
Sueciæ
tenebant
bona fide
Reipubl.
Polona re
stituunt.

gum, cum Insula majore, Poloniæ restitutum. Stu-
ma, Brunsberga, ac Tolkmitem, cum eorum ter-
ritoriis omnibus, Sarmatiæ, à quâ male dñsiva hu-
cusque fuerant, reunita. Hauptum vero & Jun-
kerthalium, quia oportuna non videbantur, solo
æquata. Quid amplius? Liberata ingenti metu
damnoq; Provincia, quæ à gravissima exercituum
in invicem collisione, suam tantum comminutio-
nem certo certius, nisi hæ induciæ quasi Cœlo mis-
sæ intervenissent, imminentem abominabatur.
Quemadmodum enim molarium lapidum colli-
sione, frumentum solummodo in medio fusum
comminuitur, nihil in invicem alias nisi calorem,
sordes, & pulverem ipsa sui collisione generaturi;
ita miserorum subditorum substantia, exercitu-
um, collisioni media, tantum comminuitur: ni-
hil in invicem alias collecturi, nisi enerves iras,
sordidum & inane odium, & infinitum pulverem
calamitatum. Hoc ut præcaverat prudentia sua
Vladislaus Rex, ita alio beneficio, Balthicum quo-
que mare littoribus, & littora Poloniæ Regno re-
stituit. Soluti compedes dolosi hostis, & Sarmatiæ
portibus liberum, cum toto terrarum Orbe, ne-
gotiationis exercitium procuratum. Novis pagi-
& arcibus Provincia exornata, novis coloniis pagi
& arces instructæ. Et omnibus aureæ pacis com-
modis

PARTIS SECUNDÆ, LIBER II. 199

modis Borussia paulatim iterum sibi reddita, cæpit tandem, obductis calamitatum cicatricibus, pristinæ integritatis felicitatisque suæ faciem agnoscere.

Quapropter gemina obligatione Vladislao Regi, tanquam Domino & benefactori obstricta, eundem iugi encomio celebrabat. Nec Borussia tantum, sed pleraque Europæ Regna, hanc incruentam de hostibus suis victoriam, pacem, & libertatem Borussiæ postliminio restitutam Vladislao Regi congratulabantur. Quin imo & ipsum Sacratissimum Imperatorem Ferdinandum II. Vladislai Regis admiranda felicitas in congratulatorias voces rapuit. Et quamvis transactio hæc, inter Poloniā & Sueciā subsecuta, non mediocrem dampnum rebus Imperialibus generaret (quoniam, ut supra insinuatum est, inter Rēpublicam Poloniā & Cæsariam Majestatem contra Suecos, in eventum belli, de armorum coniunctione convenierat; neque Suecis Germanicæ & Polonicæ potentiae simul resistere possibile fuisset; qui tractatus pacis ab Imperatoria Majestate Principi Electori Saxonizæ tanquam delegato commissos, callide in aliquot menses protraxerant, ut exitum status Prussici viderent, & ex illo res suas in Germania metirentur) nihilominus tamen Cæsar Vla-

Aa

dislai

dislai Regis nepotis sui erga Polonam Rempublit
cam summa merita, & famam non belli tantum,
sed etiam felicissime hujus pacis gloria sublimem,
publica voce deprædicandam censuit: & per Con-
siliarium suum Appellationum Bohemicarum ac
Prolegatum in aula Regia Poloniæ Residentem,
Alexandrum à Greiffenclaw, Regi & Reipublicæ,
de tam incruenta victoria, de rarissima illa felici-
tate, & gloriosissima pace, sive induciis cum Suecia
initis, congratulatus est: atque id tantum simul re-
quisivit, ne ea pax fœderibus & pactis Polonicis,
cum Augustissima Domo Austriaca sancitis, & à
longo tempore religiose servatis, aliquo detri-
mento esset. Ille igitur Greiffenclavius, Mense No-
vembri, Comitiis iis, quibus pax illa confirmaba-
tur, coram Rege & Senatu, multa ad hanc rem
pertinentia solenniter & diserte locutus, non tan-
tum optimum responsum, sed etiam dexteritatis
& eloquentiæ præclaram laudem obtinuit, Cæsari
ipsi per litteras Regias contestatam. Juvenis mul-
tifaria doctrina, maturo judicio, & experientiæ
singularis; cognitione etiam præcipuarum totius
Europæ (quam totam fere peragravit) lingua-
rum, & equestribus exercitiis insignis; prudentia
vero ferventique in Cæsarem obsequiorum fide,
& rebus gestis Imperio & Polonico Regno notis-
simus:

simus: qui non Paternam tantum, sed etiam maternam Trukſeſiorum à Reinfelden profapiam, (quorum utraque vetusta nobilitate, & summis in Imperio dignitatibus, jam pridem excelluit) sua virtute non tantum sectatus est, sed multis etiam modis exornavit.

Cæterum, ut ad Vladislaum Regem (qui Greif-
fenclavium hunc in Cubicularium suum deinde, <sup>Rex locæ
varia, &
præser-</sup>
virtute tractus, legit) revertar; hic, post Comi-
tia, in Prussiam deinde, ut Urbes & Oppida ab ho-<sup>tim à sue
ſu reddi-
ta, uſitat.</sup>
ste redditia coram intueretur, & præsentia sua bea-
ret, profectus est. Et per Mevam, Mariæburgum,
Pucium quoque deflexit, ut nihil ad Balthicum
mare non lustratum relinqueret; cuius sinus, Isth-
mos, freta, portus, & Insulas, in futurum providus,
scrutari voluit; ut in quibus superiori bello pec-
catum, quæ fieri oportuisset, ubi propugnacula
hosti, ubi munitiones, ubi bellicæ naves (quarum
magnum nimis in Polonia sua penuriam pruden-
tissimus Rex animadvertebat) objiciendæ fuissent.
Et profecto hoc unum Poloniæ deesse sem-
per prudentissimi quique judicaverunt & admirati fuere. Nullum enim Regnum est quod facilius classem extruere possit, & minus extruit. Li-
gna ipsa, resinam, picem, & alia omnia ad ædifi-
candas naves requisita, toti Europæ communicat;

ipsa negligit: & interim classibus inimicorum obnoxia, suis impugnata materiis, nudum ad invasiones, vastationes, vellicationesque, latus præbet. Cæterum (ut prudentioribus illa relinquamus) in itinere illud celebre quoque Olivense, Ordinis Cisterciensis, Monasterium, quod multum etiam hoc bello Suecico passum fuerat, vidi: immo & hoc gratiæ fecit ut pernoctaret. Ibi panem olim in lapidem versum, nitidissimi templi altaria, & ornamenta, artificiosissima manu acupicta, videntis, locum illum suspexit, in quo, gloriose memorie, Parens ejus Sigismundus III. primo ex Suecia in Poloniam veniens, à Republicæ Polonæ Magnatibus, juramentum fidelitatis accepit. Hoc Monasterium à Pomeraniæ (aut Pomerellia po-tius) Ducibus, amoenissimo loco, inter mare & montium fauces medio, ab Hussitis, tumultu Gedanensi, & casibus aliis non semel exustum, dirutum, spoliatum, tamen in melius semper, magna providentia & gratia Dei, resurrexit: Et variis, à variis Principibus Regibusque, Privilegiis datus, etiam sub Davide Konarski, instantे gloriose memorie Sigismundo III. Vladislai Regis Patre, Insula à summo Pontifice Clemente VIII. decoratum. Qua subsequentes Abbates, Adamus Trebnitz sanctissimæ vitæ Præsul, Johannes & Alexan-

Alexander Grabinskii, Germani fratres, integerissimi & omni virtutum genere Ornatissimi viri, & modernus Michaël Konarski, supra memorati Davidis Konarski Patruelis, prudentissimus Abbas, ex Illustrissima Germanorum Comitum von Schlesen familia oriundus, adhuc feliciter videntur, & omnes porro successores, per gratiam Dei, usuri sunt. Hujus quoque Monasterii Filius, ille non uno nomine Reverendissimus, Leonardus Rembowski est, Abbas Polplinensis, & Commissarius Cistercinensis Ordinis, per Poloniam, Generalis, non semel confirmatus. Cujus viri laudes juste prosequi, rei series non permittit.

Hoc famosum Monasterium ergo postquam Vladislaus Rex perlustrasset, & nocturna quiete praesentiaque sua decorasset, Regiam illum Urbem Gedanum, Emporium totius Baltici maris, & tot Regnum in circuitu, celeberrimum, intravit. Qua ibi pompa, magnificentia, quo honore exceptus fuerit: quomodo distincti in cohortes & vexilla cives obviam in campos exiverint: quibus, & quam compositis in miram humanitatis speciem, verbis, Magnæ Urbis Laudissimi Consules, fidelium subditorum obsequia suo Regi detulerint, impossibile dictu est. Sed facile quilibet judicaverit, qui incolarum

Gedanum
intrat.

genium, integerrimi prudentissimique Senatus candorem, & fidelissimæ Urbis erga legitimos Dominos reverentiam & Zelum, minime ad presentiam Regis otiosum, novit.

^{Elbingā quoque.} Postquam ergo desiderio officiosissimæ Urbis diebus aliquot præsentiam suam Rex Vladislaus indulsisset, Elbingam & ad alia loca porro perrexit: omnibus ubique in occursum passim effusis, cum vindicis Publicæ libertatis faciem omnes anhelarent. Præsertim cum nullius injuriæ memorem cognovissent, ut qui clementiam, toti injuriis hostium, quos vicerat, lassitudinem incorruptam tamen, etiam in malis subditis, perseverantem, nullius sanguine contaminaret.

^{Miraculo-mentia Regis, qua omnia bella con-sūmavit.} Et profecto multos rara clementia Regis admirationem rapuit. Licet enim varijs in locis multos perfidiae suspectos, multos palam reos, et tempore belli, in exitium Reipublicæ sedulos, comperisset, tamen omnibus pepercit, quo magnitudinem animi sui, nec pace, nec bello, nec in hostibus, nec in subditis, ad vilissimam ultionem degenerantem, ostenderet. Quippe nullum est argumentum magnitudinis certius, quam nihil posse, quo instigeris, accidere. Pars superior Mundi & ordinatrix, ac propinqua sideribus, nec in nubem cogitur, nec in tempestatem impellitur, nec versatur in turbinem: omni tumultu caret, inferiora fulminant.

Eodem

Eodem modo sublimis animus quietus semper, & in statione tranquilla collocatus, intra se premens quibus ira contrahitur, modestus & venerabilis est & compositus. Nec ego ullam aliam ob rationem Regibus Serenissimi titulum, ab initio, consensum hominum aut attribuisse, aut etiam illos admisisse crediderim, quam ut nullis magis quam Regibus jugem Serenitatem (procul ab inferiorum hominum alternantibus quotidie nebulis, pluvia, serenitate, & mox iterum nubibus) competere recordarentur.

Quia æquius est hominem hominibus præpositum miti animo exercere Imperium, & cogitare, utrum Mundi status gravior oculis pulchrior q̄ sit sereno ac puro die, an cum frigoribus crebris omnia quatuntur, at q̄ ignes hinc at q̄ illinc micant. At qui non alia facies est quieti moderatiq; Imperij, quam sereni Cœli & nitentis. Itaq; Vladislaus Rex, hac quoq; parte Regum Serenissimus, nulla publicam lētitiam tristitia nube corrupit. Et postquam omnia perlustrasset, & quædam etiam, quæ fieri vellet, ordinasset, illibatum & victoris, & pacatoris, & clementiæ, & Patris Patriæ nomen in Polonię retulit. Maximus & felicissimus, meo judicio, Regum: qui, duorum Annorum spatio, omnes & potentissimos Polonię hostes gloriolissime vicit, felicissime pacem restituit, & dilatatis alibi, alibi restitutis Regni terminis, omnia in circuitu bella clementia consummavit.

GE-

Sen. lib. I
de clem:

GESTORUM
VLADISLAI IV.
PARTIS SECUNDÆ
LIBER TERTIUS.

CAPVT PRIMVM.
ARGUMENTUM.

VLADISLAUS IV. Regnum suum vi-
sitat, & Vilnæ, annulum, proprio digito suo de-
tractum, Laureæ Doctorali Mathiæ Casimiri
Sarbievij inserit,

SUMMARIUM.

Vladislaus Rex, post bella omnia, pacis commodis
Sarmatiam beaturus, ad morem Monarcharum pro-
pe omnium, Regnum suum visitat. Inter alia autem
bona Reipublicæ communicata, non minimum fuit, quod
doctis viris exhibuit. Adeoque Vilna cum Serenissima
sorore Anna Catharina Constantia, Nuntio Apostolico,
Et pluribus Senatoribus, Academiam ingressus, Do-
ctissimum virum, scriptisque libris famosissimum
Mathiam Casimirum Sarbievum, Societatis Jesu,
publice

publice pro Doctorali Laurea assumentem, audit. Dum vero insignia doctoralia ei conferuntur, ipse Rex, annulum digito suo detrahit, & Laureæ ipsius Doctorali inserit. Hunc honorem docto uni exhibitum ad omnes pertinere. Reges & Imperatores varij adducuntur, qui litteris & litteratis honorem exhibuere, neminem autem ad favorem hujus Regis pervenisse. Sperandum vigorem litterarum tanto Patrono & fauore; quibus fatum imminere frustra aliqui doluerunt. Tandem Sapientibus, aureo seculo, Regibus, Vladislaus comparatur.

More Imperatoribus Regibusque Magnis in veteratum est, nonnunquam ē loco in locum, ex Provincia in Provinciam, ex aula in aulam migrare. Ita veteres Romani Imperatores Romæ sæpius, Mediolani sæpe, aliquando etiā, Alpestransgressi, Treveris commorabantur. Ita Persarum Reges, & Susis, & Persepoli, & in Babylone, & in Ecbatanis, certis temporibus anni versabantur. Carolus Magnus, præ aliis Galliæ locis, Ingelhemium ubi natus erat, Aquisgranum ubi mortuus est, & Noviomagum ad Vahalim frequentabat. Moderni Galliæ Reges, præter Lutetiam Parisiorum, S. Germani, & Fontis bellaquæ delicias amant. Poloniæ Reges nonnunquam aulam suam Craco-

Monar-
cha sepe
aulas su-
as trans-
ferunt.

viam, Warsaviam, & Vilnam transferunt. Et moderni Cæsares Posonium, Pragam, Lintzium, & Viennam, per otium & occasionem, migrant.

Fecerunt autem & faciunt hoc magni Imperatores Regesque non sine ratione. Præterquam enim quod subinde novitatibus animum, à maximis Imperij curis reficiant, suadent etiam prudentissimi viri propter utilitatem. Hinc Suetonius, *De Cesari.* ut *vitato assiduitatis fastidio, auctoritatem absentia tueare:* quæ dubio procul jugi præsentia minueretur. Quippe *continuus aspectus* (ut Livii verbis utar) *minus verendos magnos homines ipsa satietate facit.* Addit Politicorum Princeps Cornelius Tacitus, *Lib. I.* quia *Majestati major ex longinquo reverentia est.* Aliud etiam inde emolumenntum, non Principum quidem, sed subditorum emergit: quos præsentia Principum (præsertim si boni sunt) instar solis recreat afficitque. *Quemadmodum enim clarissimum hoc diei Sidus, quocunq; radiis suis pertingit, & serenitatem, calorem, & vigorem, & fertilitatem inducit;* ita Principes, Imperiorum Regnorumque suorum Soles, quemcunque iocum, præsentia sua lustrarint, & lætitia, & vigore, & observantia legum, et, nunquam sine fructu, aureæ pacis felicitate beant. Tolluntur Magnatum, semper in subditorum perniciem, discordiæ: redeunt

in gratiam inimici: eradicantur dissidiorum fibre:
dirimuntur partium longa pertinacia fortæ lites: et,
velut aureo Mercurii thyrso, in complexum mu-
tuum serpentes provocantur. Verbo. Ita Provin-
ciam, quamcunque ingrediuntur, præsentia sua
bonis omnibus satiant nutriuntq; sicut *oculus Do-*
mini saginat equum.

Hos magnos itaq; Imperatores Regesq; Vla-
dislaus Rex imitatus, propter novissimam potis-
simum rationem, Warsavia Vilnam proficiisci de-
crevit, ut, cum subditos, ab omni bellorum metu
liberatos, innumeris aureæ pacis commodis locu-
pletasset, nunc per otium præsentiaæ suæ emolu-
mentis bearet. Itaque, cum post inducias cum Sue-
cia factas Borussiæ & alia Poloniæ loca peragrasset,
& aliquo jam tempore in Mazovia Warsaviâ habi-
tasset, An. 1636. cum Serenissimas orore Anna Ca-
tharina Constantia, & Senatorib^o variis, Vilnam in
Lithuaniâ quoq; profectus est: et, vixit longinqui
itineris difficultatibus, post aliquot tandem septi-
manas, feliciter appulit. Quomodo autem à Ma-
gna illa Magni illius Ducatus Metropoli exceptus
fuerit: quibus cæremoniis introductus: quibus
arcubus triumphalibus honoratus: quibus deniq;
orationibus salutatus, quoniam ad alias, extra Po-
loniæ Regnum, nationes fama sparsit, supersedeo

Vladisla^s
Rex Vil-
nam se
confert.

dicere, & me ad illa accingo potissimum, quæ oculis totius Mundi, & æternitate dignissima, ibi Vladislaus gessit.

Ejus amor erga litteras exemplum Principum hujus ævi efficacius, & honorem eruditorum viorum luculentius fuit, quæ teras. Inter omnia alia autem nihil præclarius, ad quod liberalibus disciplinis exhibuit, & ostendit & que sese Musarum, quam Martis & Bellonæ, consortio delectari: immo post arma & pacem, nihil adeo, quam litteras & viros litteratos amare. Habebat in familia sua continuo, præter alios viros doctissimos, Matthiam Gasimirum Sarbievium, virum divinis humanisque litteris docendis versatissimum, Poësi vero ita eminentem, ut & à summo Pontifice Urbano VIII. Laurea donatus fuerit, & à toto terrarum Orbe, non suppar tantum Horatio, sed par, & superior etiam, passim judicaretur. Adeo profecto, superstes licet adhuc, invidiam omnem supergressus, ut in Gymnasiis quoque opera ejus, publicè juventuti prælegerentur. Hunc è Societate Jesu (ex qua & Illustrissimæ familie virum, quæ varios Senatores, & quasi Reipublicæ fulcra, Regno genuit, Stanislaum Pstrokonski, doctrina, scientia, & sacrarum litterarum peritia singularem, Confessarium habet) Vladislaus Rex in Concionatorem suum legit. Hanc enim Societatem,

tatem, sicut pleriq; Christiani Principes, ob do-
ctrinam, vitam inculpatam, & fidei promoven-
dæ Zelum, arcte complectitur. Licet multi ex
vulgo viri, livore magis & differentia vitæ quam
ratione ducti, nonnunquam minus candide tra-
ducant. Sed recte Seneca: *Quis potest placere po-*
pulo, cui placet virtus? Malis artibus popularis fa-
vor queritur: similem te illis facias oportet. Non pro-
babunt, nisi cognoverint. Multo autem ad rem magis
pertinet, qualis tibi videaris, quam qualis aliis. Conci-
liari nisi turpi ratione amor turpium non potest. Cæ-
terum [ut ad rem revertar] Vladislaus Rex, hunc
doctissimum virum, jam antea, ut dixi, in con-
cionatorem suum legerat, cum & integerimæ
vitæ, & ejusmodi comperisset, qui salutaria po-
*tius quam placita propinaret, & cui conscienti-
am & animæ suæ salutem tuto concrederet. Se-*
cutus in hoc consilium Sapientis Latini. Eligamus
non eos, inquit, qui verba magna celeritate præcipi-
tant, & communes locos volvunt, & in privato cir-
culantur: sed eos qui vita docent, qui, cum dixerint
quid faciendum sit, probant faciendo: qui docent quid
vitandum sit, nec unquam in eo, quod fugiendum dixe-
rint, deprehenduntur. Eum elige adjutorem, quem
magis admireris cum videris, quam cum audieris.

Cum ergo hunc prudentissimus Rex sibi in

Senec.
Epist. 52.

Annulum
digito suo ejus doctrinam quotidie magis & magis adverte-
detrabit, ret, virum tot gentium linguis celebratum, & à
& Lau-
rea Do-
ctorali p. summa Sacrosanctæ Theologiæ Laurea pariter
Sarbievij exornandum duxit; ne minus quam Pontifex &
inserit
Amo
1636.
3. Non:
Iul:
 Patrem quodammodo adoptasset, & profundam
 Summo Pontifice Laurea jam ante donatum,
 terrarum Orbis Concionatorem suum facere vi-
 deretur. Quid ergo? Ipse Rex ad fastigium illud
 virum dignissimum exhortatus est, non ausum-
 Regi suo in regio hoc favore resistere. Sed rem
 ipsam ex monumento gratæ testificationis, super
 hac ipsa re, ab eloquentissimo viro P. Johanne
 Rywocki, in eadem Academia Vilnensi Sacræ
 Scripturæ Professore Ordinario, qui Cæremoniæ
 huic interfuit, audiamus. Sublatis omni ex parte
 hostibus, & Regno ad sensum pacis composito, cœpit
 Vladislaus IV. Poloniae & Sueciae Rex invictissimus
 pacis commoda suarum felicitati terrarum impertiri.
 Non minima inter cæteras curas fuit industria, quæ se
 liberalibus disciplinis impendit: quas certū est efflore-
 scere magis, cum viri eruditii ad estimationem cæteris
 porrigitur. Pervenit hæc quoque dignatio ad Vil-
 nensem Societatis Jesu Academiam: quam ut tanto
 amplius eveneret, Reverendum Patrem Matthiam
 Casimirum Sarbievum è Societate Jesu, Concionato-
 rem suum, ac Theologum, virum diu in docendis di-
 nis hu-

nis humanisque litteris versatum, & libris impressis
Orbi notissimum, Laurea Theologica exornavit. Adiit
ea de causa 3. Non: Jul: Anno 1636. sacram D. Jo-
hannis edem, principem Academæ locum; & subli-
mi solio effultus, se ac Serenissima sorore Anna Catha-
rina Constantia præsente, celebritatem de more pera-
gi voluit. Aderat & Illustrissimus ac Reverendissimus
Dominus D. Marius Philonardus Archiepiscopus A-
venionensis, in hoc amplissimo Regno Nuncius Apo-
stolicus, & magna Illustrissimorum Senatorum ac Pro-
cerum corona. Ibi primum à Magistratu Academico
insigne Universitatis ad pedes S. R. Majestatis depo-
situm est, in signum subjectionis: iussum dein Regio-
nitu erigi, in testimonium concessæ approbatæque lite-
rariæ potestatis. Disputatum tandem à Doctoribus,
& usitat a candidatis specimina præmissa. Postquam eo
ventum est, ut Promotor Reverendus Pater Jaco-
bus Lachowski Societatis Jesu in Lithuania Præposi-
tus Provincialis, insignia Laureæ Theologicæ con-
ferret, Serenissimus Rex Annulum suo digito detra-
xit: quem per illustris ac Admodum Reverendus Do-
minus Johannes Gembicki in Regno Poloniae Cancella-
riæ Majoris tunc Regens, eleganti, & fida favoris
Regij interprete oratione porrexit, ut hoc singulari,
non tantum munere, sed & Privilegio Reverendus
Pater Candidatus inter Doctores transiret.

Eximia

Eximia hæc dignatio Vladislai Regis fuit: quæ
 uni Sarbievio quidem exhibita, in totum genus
 litteratorum transiit. Quippe quando unum quem-
 Constan-
 tius Imp:
 Or: de
 Them:
 piam honore afficio, de universis bene promere or. Nullum namq; beneficium cum ratione & judicio datum,
 illius tantum sit, qui id accipit; sed omnibus in univer-
 sum, tanquam præmium similium laborum proponitur.
 Verum enim vero non potuisset prudentissimus
 Rex meliori Symbolo amorem suum erga litte-
 ras declarare; adeo ut hac parte omnium Imper-
 ratorum Regumque, in simili causa, munificen-
 tiam vicerit. Licet enim Alexander Magnus A-
 ristoteli centena aliquot talenta donarit: licet Sci-
 pio Africanus tam elegans liberalium studiorum
 omnisq; doctrinæ & admirator & fautor fuerit,
 ut Polybium Panætiumq;, præcellentes ingenio
 viros, domi militiæq; secum haberet, & quotidia-
 nis muneribus locupletaret: licet Pompeius Ma-
 gnus, hac quoq; parte se ipso non minor, à Mi-
 thridatico bello reversus, Rhodis fasces in audi-
 torium submissos intulerit, Philosophos disse-
 rentes audiverit, singulis talentum dederit, &
 Theophanum Mitylenæum, quem secum sem-
 per habebat, in publica militum concione Civi-
 tate donarit: licet Augustus Horatium prædiis,
 villis, servis dñaverit; immo & Vespasianus, An-
 toninus

toninus Pius, Alexander Severus, Caracalla, & Diocletianus, quamvis partim avari, partim impii pessimique, in hac tamen parte liberales fuerint: licet denique, ex recentioribus, Carolus Quintus & Sigismundus Imperatores, Doctorum eximii fautores extiterint, quos Nobilibus quoque præferrent; tamen nullus eorum, hanc Invictissim Vladislai Regis erga litteras dignationem æquavit. Adjudicent enim alii præferentiam loci, quam tamē alii, in litteras & litteratos obliqui, superbe rapiant. Alii Civitate Romana donent, quæ tot centena millia sceleratorum fruebantur. Alii etiā dexteræ in pecuniæ thesaurum mersa, talenta annumerent, quorum centena etiam indignis projiciebant. At hic paulo ante Moschorum triumphator, Turcarum vīctor, Tartarorum cōcisor, Suecorum & hostium suorum terror, è pulvere bellico ad Academicum transiens,

*Edita doctrinæ Sapientum templæ serena,
Vladislaus ingreditur, Serenissimam Sororem
Annam Catharinam Constantiam, & tot Sena-
tores Proceresq; secum trahens; ut quod exhibi-
turus erga litteras beneficium erat, & exem-
plum æterna memoria dignum, latius spargere-
tur, & omnis eruditionis reverentiam Reipubli-
cæ universæ incuteret, Quid amplius? Inter Do-*

Etores sedet, qui paulo ante fortunæ casibus, & hostibus suis immersus, adversariorum latera fodiebat. Disputationes, argumenta, Sylogismos, & docta Sophismata audit, qui, à bello recens, armorum strepitu, tormentorum fragoribus, apertis præliis, & Stratagematibus, à juventute assueverat. Et tandem non talenta, aut alia his similia, quibus avaritiam irritaret, obtulit: sed annulum (quem nonnulli coronam cordis, quod venarum ad cor ipsum excurrentium capita in digito coronet, nominavere) articulo manus detraxit, ut Sapientiam diadema cingeret. Digitos Regios spoliavit, ut eruditissimi viri condecoraret. Ornatum levæ minuit, ut Doctorum numerus augeretur. Merito ergo Augusto Vladislaus Augustior, & Magnis, Alexandro & Pompejo, major: qui tot gradibus altius, in litteris cohonestandis, ascendit, quot annis posterior venit.

In vanum itaq; nunc interitum mihi litteris illi minati videntur: quas jam vibrari, sicut corpora instantे morbo: jam temporum malitia aut ferocia meliores illas omnes mitioresq; Musas à nobis abire dixerunt. Vivunt, vigent, & vigebunt literæ, quam diu potentissimi & invicissimi Reges, in pretio illas habentes, tam illu-

stri-

stribus signis venerabuntur; quam diu Principes manu, qua sceptra tenent, membranas non dignabuntur; & Majestate, qua Regna & Imperia moderantur, eruditionem & eruditos fovunt: Verbo: quam diu Vladislai erunt. Si quidū.

Sint Mæcenates, deerunt non Flacce Marones.
In exemplum se modo posteris, & Regibus terrarū Orbis, Vladislaus posuit: nec deerunt, ut spero, qui imitentur, qui eruditionē manu teneant, si uberes doctrinæ fructus volunt; qui in dubio, ad summam Regnorum felicitatem, sub his celestialibusque patronis, jugitur germinabunt matrarentq;. Sentit & experitum fortunata tanto Rege Polonia: quo præeunte, ad omniseruditionis adita, felicissime sequitur; adeo ut plurimis & doctissimis modo viris abundet, quibus nescio an aliquod Europæ Regnum pares habeat.

Jam vero reliqua, quæ ex tanti Regis præsentia, prudentia, & dispositione orta, in Lithuania & in Sarmatia omni porro fuerūt, facile quilibet judicaverit, qui Sapientissimorū Regum Imperia cōsideraverit. Prorsus eadē enim fuerunt, & prorsus idem Vladislaus fuit, quod aureo seculo Reges, cum Philosophi imperarent. *Hi (ut Posidonius apud Senecam ait) continebant manus,* *Et in Epist. 90. firmiores à potentioribus tuebantur, suadebant dissua-*

debantque, Utilia atque inutilia monstrabant. Horum providentia ne quid decesset suis providebat. Fortitudo arcebat pericula, beneficentia augebat ornabatque subiectos, officium erat imperare, non Regnum. Nemo quantum posset adversus eos experiebatur, per quos cæperat posse. Nec erat cuiquam aut animus in injuriam, aut causa; cum bene imperanti bene parceretur. Eadem hoc Sapientissimo Rege Sarmatiæ facies, idem Vladislaus Sarmatiæ suæ Rex: qui quidem, quam diu vixerit (utinam ad Nestoreos annos) aurei seculi felicitas in Sarmatia perseverabit.

CA-

CAPVT SECUNDVM.**ARGUMENTUM.**

Connubium Vladislai IV. & Serenissimæ Reginæ Cæciliae Renatæ Austriacæ: Hujus coronatio, & Principis Sigismundi Casimir Nativitas.

SUMMARIUM.

Vladislaus IV. per Ossolinum Principem, Ferdinandi II. consensu privatim impetrato, & obtenta dispensatione à Summo Pontifice, Principem Johannem Casimirum, Republica Polona vero, Johannem Lipski Culensem Episcopum, & Comitem Casparum Dönhoffium Palatinum Siradiensem, Viennam mittunt. Horum solennis ingressus Viennam, & Culensis Episcopi ad Ferdinandum Tertium Oratio, qua Cæciliam Renatam Austriacam Vladislao IV. Poloniarum & Sueciæ Regi in connubium solenniter depositit: Ejusdem Oratio, qua Cæciliam Renatam Austriacam, jam designatam Vladislai Regis Sponsam, & Poloniarum Reginam, ejusdem Regis nomine salutat. Archidux Claudia Oeniponto Viennam venit: qua excepta, Serenissima Sponsa Cæcilia Renata Austriaca, Johanni Casimiro Principi, Vladislai IV. Personam

ostib

Cc 3

repræ-

repræsentanti, solenniter copulatur. Imperatrix Vidua, ex Styria Viennam venit: quia ab omnibus salutata & valedicta, Serenissima Sponsa, Archiduce Claudia, Principe Casimiro, Georgio Traschowicio Faurinense Episcopo, & Republicæ Polonæ Legatis, comitantibus, in Poloniā proficiscitur: in cuius primis limitibus à Magnatibus Polonis excepta, maxima solennitate, Cracoviā primo, inde Warsawiam ingreditur. De novo Vladislao Regi solenniter copulata, in Poloniā Reginā coronatur; & sumptuosissima spectacula, à Vladislao Rege, in hujus solennitatis honorem, instituuntur. Tandem, omnibus rara munificentia Regaliter à Vladislao Rege donatis, Serenissima Archidux Claudia ad Imperatorem, & Oenipontū revertitur. Interim Reginā Cæcilia Renata concipit, & Principem Sigismundum Casimirum feliciter emititur: Hic solenniter baptizatur, & votum longæ vitæ Regiae.

UNum porro adhuc ad solidam Poloniæ felicitatem deerat, digna tanto, tanti Regis, fasti-
Rex Vla-
di-
lau-
sus Ca-
-iliā Re-
-nata Au-
-mum;
coniubii
respicit.

Conjunx, quæ in consortem dignitatis assumpta, Augustam deinde Prole Regia stiparet Donatā Au-
striacā in vivere Vladislaus desisiisset, in multa porro secula superesset, immo etiam, si ita visum Superis, imperaret. Itaque cum is Vladislaus Orbi, & is Vladislaus

dislao Orbis esset, ut Regio suo thoro dignissimam,
è pluribus dignis, posse legere videretur, non ali-
bi tamen, quam in Augustissima Domo Austriaca,
individuam vitæ sociam quærendam censuit. Ad
hanc non affectu aut cognatione tantum, sed ra-
tionibus variis validisq; tractus. Et primo quidem,
propter avitæ Catholicæ Religionis studium, utriq;
Domui Cesareæ & Regali communè. Deinde, quia
omni exceptione nobilissima totius Orbis, felix
Imperatorum Monarcharumque, ultra Solis Ocea-
nique vias quodammodo imperantium, procrea-
trix. Denique, ob mutua Romani Imperii & Polo-
næ Reipublicæ fœdera, amicitiam, vicinitatem
quæ hoc matrimonio firmius stabilirentur. Est
enim, simul cum Regibus, Regorum quoddam
connubium, quod una cum matrimonij vinculo
coalescit. Et amaverunt hanc mutuam, ab anti-
quo, vicina sibi Imperia, conjunctionem, crebris
Principum Regumque connubiis confirmari. Sic
Austriacas, Elisabetham Casimiri III. Elisabetham
alteram & Catharinam Sigismundi Augusti, Annam
& Constantiam Sigismundi III. summo utriusq;
Reipublicæ cū applausu, Poloniæ Reginas legim⁹.

Hos Reges fecutus Vladislauus IV. qui ex his, ^{Hanc per}
non minori utriusque Imperii cum assensu & vo- ^{Ossolinie}
luptate, Serenissimam Cæciliam Renatam Au- ^{Principē,}
stria-

nando II. striacam, Ferdinandi II. filiam, Ferdinandi III.
 privatum Romanorum Imperatoris sororem, propriam
 Imperat. consobrinam suam respexit. Itaque Anno 1636.
 Anno 1636. Georgio Ossolinio Principi, suo ad Serenissimū
 Electorale Collegium (tunc Ratisponæ solenni-
 ter congregratum) Legato, inter cætera quoque,
 ut Cæciliam Renatam Austriacam, sibi in thori
 Regniq; Consortem, privatim à Patre Ferdinandō
 II. peteret, commisit. Et tunc quidem Ferdinandus II. non parum sibi congratulatus quod in fa-
 tali sua debilitate, tamen ante mortem adhuc,
 Vladislauum Generum suum cognovisset, pru-
 denter assensit.

Oberat unum autem cognati sanguinis im-
 Casimirū pedimentum, quo, ob solidas rationes, Aposto-
 lica dispensatione remoto, ad ipsa matrimonij
 cum Reip: Legatis, vincula, Anno Christi 1637. palam processum.
 solemini- Et à Serenissimo Rege Vladislao quidem Casimi-
 ter Vien- rus Princeps, à Republica Polona vero Jo-
 nā mit- hannes à Lipie Lipski, tunc quidem Culmensis
 tit Anno 1637. & Pomesaniæ Episcopus, nunc autem Gnesnensis
 Archiepiscop°, Primas Regni, vir eloquentissim°,
 & purissima latinitate prorsus Lipsius, & Comes
 Casparus Dönhoffius, Palatinus Siradiensis, Illu-
 strissimorum Comitum, Magni Ernesti Dönhof-
 fij Palatini Parnaviensis, & Gerhardi Dönhoffij,
 Regii

Regii Mariæburgensis Oeconomi, Capitanei Cosserinensis & fortissimi Belli Ducis Germanus Frater; ita jam olim Sigismundo Regi charus, ut ultima, morientis Regis, gratiæ signa, non ore, non lingua, nec labris, sed, quod alibi inauditum, ejusdem Monarchæ manu perciperet, Viennam destinabant.

Hic ergo Casimirus Princeps, cum duobus illis Poloniæ Regni Legatis, nobilissimo & numerosissimo duoru millium comitatu stipatus, Warsawia Viennam profectus est. Quam deinde, postquam in arce Wolkerstorffiana, diebus aliquot, longinqui itineris nauseam, quiete decoxisset, Anno 1637. 26. Julij, Legatis Regni una aut altera die præcedentibus, Regio splendore ingressus est. Antequam tamen Urbem ingrederetur, Archidux Leopoldus, rheda in occursum properans, officiosissime salutavit. Ac deinde in rhedam suam Principem Casimirum acceptum, in arcem novam deduxit: Reipublicæ vero Polonæ Legatis, Eggenbergianum Palatum commorationi assignatum. Quibus diebus aliquot cum Viennensi Episcopo, Comite Trautmanstorffio, & Domino Prigglemaiero, circa dotalia tractanda occupatis, Sere-nissimam Archiducem Claudiam interim, quæ Reginam Sponsam, honoris gratia, in Poloniam

*Hanc in-
greditur
An. 1637
26. July.*

Dd comi-

comitaretur, Oeniponto Viennam invitare planuit. Et hæc, licet tunc temporis obsidione Brisfaci non partim commoveretur, tamen affectum in Augustissimam Domum Austriacam, & Cæciliam Renatam, potiorem ostendit. Quippe, Serenissimæ Proli valedicens, trecentis suorum assumptis, secundo Anaso Danubioq; descendit.

Cæciliam Interim autem dum Claudia Archidux navi-
Renatam gat, et, quo ad dotalia, facile deputati conveni-
 in commu- sent, Reipublicæ Polonæ Legati, ad aulam Cæsa-
 biū Vla- dilaō IV. ris, die ultima Julij, se coniulerunt. Quorum
 à Ferdi- unus Johannes à Lipie Lipski Culmensis & Po-
 nand: III. mesaniæ Episcopus, nomine Regis & totius Rei-
 solenni- terpetut. publicæ Polonæ, hac oratione gravissima, Cæci-
 lij. July. liam Renatam, à Sacratissimo Imperatore Ferdi-
 nando III. Vladislaō Regi in connubium, Poloniæ
 vero in Reginam, rara quadam facundia, depo-
 scebatur.

Pertinebat, In victissime Imperator, ad novi Im-
 perij auspicia, & Christiani Orbis vota, atq; auguria,
 ut Vladislaus Rex, post debellatos hostes, & Tranquil-
 latas Provincias, in Imperatricem Domum parta tro-
 phæa secum inferret; & vietricibus armis in hoc Au-
 gusto sacrariorum suspensis, Regalem Manipulum, candi-
 dist tenuis, in optimam publici otij frugem fasciare.
 Extimuerat nimis Orbis, post receptum Cœlo Di-

vum Progenitorem Ferdinandum, novi Imperij auspicia, dum videbāre, Augustissime Cæsar, ex Imperialibus Coronis ferream primum induisse, à vincente ferro Imperium auspicatus; nī cognatus Rex, ferrea auspicia in aurea vertisset, & Septentrionalis Mars, post belli fulmina, auream pacem, & lātum hymenæum Orbi, bellis fesso, prætonare cœpisset, Viennæ Procurus, Coloniæ Pacifier. Nova ergo omnia, nova auguria Orbiferimus, dum, inter bellorum Classica, Epithalamium apud novum Imperatorem, Magni Regis Pronubi præcinimus, à quo depulsis procellis dissernare jam in optatam malaciam incipiat, & ferrea sæcula aurescere. Quid ni hoc jam sperare liceat? Quando Mars ipse Orbi ad pacem pronubit, & Bellonam apud alterum Martem ambit, non arcum, sed Organa tractantem, ad præcinendum Cœlo & Orbi, Cæcilianam harmoniam: Quæcum per Septentrionem nostrum dudum suave insonuisset, Martij Regis vota, hæc tenus per Orbem vaga, & multis ambita, in primam Orbis Domum pellexit; Cœlo, & fatis novorum seculorum texturam ordientibus. Sed præter hæc fausta Orbis auguria, Tuum hoc etiam, Maxime Imperator, sempiternum erit decus, quod tui Imperij prima salutatrix fuerit victoria, salutator Victor Rex, nō vota modo, sed victoriam de se, in Victricem ferens Domum, ut plenum Majestas vestra haberet gloriae.

Dd 2 titu-

titulum, initio Imperij & hostes, & Amicos viciisse. Obsecundare etiam Rex Frater volebat, non publicis tantum votis, & augurijs: verum etiam Tuæ Majestatis & Augustæ Domus genio, quod & illi antea prima Hungaricæ, & Bohemicæ Coronæ auspicia, à victoria, & nuptiis obtigissent; & huic, tanquam supra rerum humanarū sortem fastigiatæ, ipse etiam mortes Imperia, Victorias, Connubia parturire soleant, ut neque modo aliam jacturam, aliam orbitatem sentiat, quam quod Divus Ferdinandus Pater mortalis esse desierit, quando statim Filius pro eo imperare, ac vincere, Filia in Reginam à Magno Rege, & Regno ambiri, ac novi Nepotes ad capessenda Paterna, avitaqz sceptra nasci cœperint: tanquam in hac Domo nihil non immortale sit, præter mortales. Quod ergo Cælum, quod vota & auguria publica, quod Imperij Majestatis vestræ auspicia, & Imperatricis hujo, ac Nostræ Regnatrixis Domus, æterna fata destinabant: id Nos solenni istâ Legatione exequimur, vota & preces Serenissimi Regis nostri in Fraternum Majestatis vestræ sinum reverenter deponentes, quibus Serenissimam Principem Cæciliam Renatam, Majestatis vestræ Sororem, in Sacrum Connubium depositum. Conspiravere diu in hoc Conjugium sanctissima destinata Cæli, perennia Orbis Sarmatici fata, Procerum Consilia, Vota Populorum, Religio, Sanguis, Vicinitas: atque ut omnia ista

ista conspiravisse, haud ambigendum sit, ad Vota Regis
hic demum sistenda, quæ per Principes Domos magis
ambitus, quam ambiens circumtulit; ita Nostri Comi-
tij, atq[ue] adeo Regni Universi Consilia, & Vota huc in-
cubuisse satis documenti est, dum petimus, quod ipsi
cum universa Patrum Caria suasimus. Adeò quid Or-
bi, quid Imperio Majestatis Vestre portendat nuptu-
riens in Martia Domo Mars, et si alienorum omnium
incuriosi esse vellemus, nostrorum securi sumus, dum
res & exempla pro augurijs habemus, nempe Elisabe-
thas, Annas, Constantias, Augusta Reginarum nostra-
rum nomina, quas Rex, quas nos ipsi, istarum Nuptia-
rum Auspices, ac fidas paranymphas habuimus, mox
in Renata Regina nobis renascituras. Hinc haud mi-
rum, si post Reginas, quas nobis Austria dedit, quatuor
Regibus Matres (quarum vel sola Vladislai Regis
Mater satis adhæc vota invitamenti haberet) prona
in Reginam hinc ambiendam, & Senatus Consilia, &
Ordinum studia, securis omnibus, nec Cœlum fallere
posse, nec fatorum industriam aberrare; quorum hoc
perenne quoddam arcanum est, in hac Domo alijs Re-
ges, nobis Reginas nasci, utpotè, quibus non alibi, quam
in liberis pectoribus, Reges nascantur. Quin nec Re-
ginæ, nisi quod jam diu in Augusta hac Domo faustissi-
mum Reginarum nostrarum Nidum, Cœlum, & Sa-
cula posuissent, gratæ & mutuæ redhibitioni pro Cym-

barcâ nostrâ obsecundantibus fatis, tanquam vel pro
hac ipsa Imperatoris Austraci Matre, jure hinc pe-
tamus Regum Nostrorum Matres, quas lubens & gra-
ta dabat hęc Domus nobis, mox etiamnum datura No-
vam Novis Sigismundis & Vladislais Matrem, quos
Filiae & Sorores Imperatorū nobis parere consueſſent;
datura, inquam, habituris quo, si Superis placet, tan-
ti pignoris officium pensemus. Verum quæcumq; fuere
& Serenissimo Regi, & Nobis ipsis, præsentis Voti &
Consiliū ſuscipiendi invitamenta: eadem etiamnum
ſunt, ſolenni prece & officio maturandi, privatis fulta
Regiae Domus rationibus, ob casum geminatorū nuper
funerū, orbitatem, magnā Orbis jacturā, formidantis.
Proprio præterea genio, optimus & sapientissimus Rex,
diu ferebatur in cognatam & Maternam Domum,
Cœli Alumnam, Orbis Gemmam, Religionis Altricem,
Impietatis Domitricem, gloria Nidum, Virtutis Pro-
creaticem, Cæſarum Matrem, Imperij Conservatri-
cem. Proinde ex hac Ille ſibi Thori, Sceptriq; Sociam,
Nos Reginam depoſcimus: & à Majestate Vesta, uti
Domus & Imperij Præſide, petimus. Annuit his vo-
tis, procul dubio, Cœlum; annuit è Cœlo Divus Fer-
dinandus Pater, quia hic Superstes annuerat; annuit
ipſe Orbis, latus talibus augurijs ſe novo Imperio, al-
ma paci, aureo ſeculo, inauguari. Reliquum eſt, ut,
cum Majestas quoque veftra annuiſſet, ſolenniorib; us
paetis.

pactis, & sanctissimo fædere rem velit maturari; cef-
suram, adspirante supremo Numinе, in Magnum Or-
bis, & Imperij Christiani Emolumentum, Religionis
præsidium, ac utriusque Domus decus & solatum.

Tui vero in primis, Augustissime Cæsar, Imperij letam
faustitatem, ad quam fortunatissimus Rex præit Nu-
ptiali nomine, in partem fausti auspicij ipse veniens, san-
guine Frater, fædere Socius, Connubio Affinis, ut ac-
cessura magna novo Imperio fulcra, certius omnibus
auguriis sit, cum accedit Magnus, Potens, Bellicosus
Rex, uno verbo dicam, Vladislauſ.

Post triduum deinde, cum Sacratissimi Im-
peratoris voluntas in consensum prudentissime
desiisset, ab eo, ad Cæciliam Renatam, tanquam
jam Vladislai Regis Domini sui Sponsam, & suam,
& Poloniarum designatam Reginam, conversi, <sup>Cæciliam
Renatam
Vladislai
nomine
salutant.
3. Aug.</sup>
idem qui primo Culmensis & Pomesaniæ Episco-
pus, Vladislai Regis nomine, hac Oratione Latini-
na (quia non inelegantius eadem lingua, quam
vernacula, Cæcilia Renata loquitur) salutavit.

Venimus salutatum Majestatem Vestram, à Se-
renissimo & Potentissimo Principe Vladislao IV. Po-
lonie & Sueciæ Rege, Domino Nostro Clementissimo.
Venimus, inquam; sed non jam tantum à Fratre ad
carissimam Sororem: ast à Rege ad Reginam, à Spon-
so ad desideratam Sponsam. Novum hoc scimus & in-
solens

solens in auribus Angelicis Majestatis Vestræ salutatio-
nis genus; sed diu Cœlo, & fatis decretum, votis pub-
licis concupitum, Divo Progenitori, & Augustissimo
Fratri placitum, Supremo Sacrorum Præsidi ratum.
Itaque non exagerabimus magnitudinem Regij affe-
ctus, cum quo amantissime salutationis, atq[ue] compre-
cationis officium Majestati Vestræ per Nos impertit.
Nempe superat officiosa vota ipsum Fratris & Sponsi
nomen, præcipui humanæ caritatis nexus: qui Regium
quoque pectus eo affectu Majestati Vestræ devinxeré,
ut nihil in eo voti, nihil studij resideat, quod non totum
amori Majestatis Vestræ mancipet. Sed quanquam
Serenissimus Rex eum affectum erga Majestatem Ve-
stram, in fraterno pectore aleret, quem tam propinquus
sanguis excitavit: non is tamen illi ad vota præsentis
Conjugij paranympnum egit; sed inclytum genus,
sublimes dotes, eximiae virtutes, que in amorem Ma-
jestatis Vestræ Regem raperent, et si Frater non esset.
Quin hoc ipsum, ut liberè more nostro fateamur, quia
Frater erat, vota hac morabatur; ne aut leges Sacras
posthabuisse, aut affectui fraterno, in legenda thori Re-
gnique Sociâ, induluisse videretur. Verum postquam
Cœlum, & Suprema ejus in terris potestas, Religioni
Catholicæ, publicæ saluti, ac Regiæ Domui prospicien-
dum isto Conjugio censuit: statim hic optimus & sapien-
tissimus Rex stitit vota, per Principes Domus haud
ingra-

ingratis hospitibus oberrantia, ac eadem in sinum utriusque Imperatoris, Ferdinandi Avunculi, & Fratris depositus; iisque demum Sanctissimo fædere maturandis, & Majest: Vest: ad Reginale Solium, ac Diadema deduce nde, nos huc ablegavit. Ferimus in primis Majestati Vestre à Rege nostro, non fraterni modò atque Connubialis affectus, verum etiam grati, & obligati animi officium, pro cā voluntate, quā Majestas Vestra Divino cum primis, Paternoque & Fraterno placito, tum flagrantibus Regis, & Regni nostri votis, ac rei Catholicæ, publicæq; osecundat. Ferimus deinde Amplissimi Senatus nostri, cuius pars sumus, suffragia, cæterorumq; Ordinum studia, unā voce Majest: Vest: Regi in Sponsam, Regno in Reginam, sibi in Dominam depositentium. Neq; nobis opus est tam concordis in Majest: Vest: consensū publici causas memorare; aut Augustum genus, præcipuum connubiorum decus, adstruere; quando satis dictum foret, Te Neptem, Filiam, Sororem, esse Imperatorum. Verum enim verò commune hoc Regi nostro cum Majestate Vestra decus, ex eadem Augustâ Domo, ex quā Tu Paternum, Matrium ducenti genus, Tibi Ipsi, Imperialis Virgo, Tuisq; Angelicis moribus, Tuis Regijs virtutibus, Tuis Augustissimis dotibus acceptum ferre debes, Te à Magno Rege, & Regno ambitam, à pleno Comitio lectam, à tota Sarmatia concupitam, votis, suffragijs, vocibus

Ee publi-

publicis, Reginam inauguratam. Namque videmus
in Te, non otioso titulo Renatæ nomen Cœlitus sortitâ,
renatas nobis Elisabethas, Annas, Constantias, viva
sanctitatis simulacra, rara fœcunditatis exempla, quæ
nobis non Reges modò, sed & Santos genuerunt, & per
quas modò habemus unde Nostra Regina esses. Ibit
ergo Majestas Vestra ad Regem Fratrem, & Spon-
sum, Unicum humani generis delicium, multis invidio-
sè ambitum, consensura thorum, soliumque Regale,
Tuis Aviabus, & Materteris feliciter præcessum. Ibit
ad Regnum, Gentemque, et si omnium liberrimam, ta-
men reverentius cæteris Regnis, ac populis, Reges,
Reginasq; suas tractare solitam, & in cuius sinu, ex Tua
Avia natus Rex, se tuto obdormiscere posse, erat hic
quondam cor am Regibus gloriatus. Secure & Tu, Do-
mina, in liberis & fidis pectoribus nostris depones digni-
tatem, & fortunas Tuas omnes; & liberè à curiâ, Co-
mitioque nostro Regi lecta, & cæteris omnibus in Orbe
præhabita, dignius promptiusque libero apud nos ob-
sequio coléris, quam alibi debito. Quin, fidenter dicam,
securiorem apud nos esse Sceptri Regiam prolem, ubi
libertas Parens Regum, quam ubi Reges. Nulla certe
vidit ætas posthabitum ibi Regum sanguinem, quoad in
utroque superesset sexu, quin vel ultra Alpes, & ma-
ria, ad Sceptra quæreretur. Non erit, si Superis pla-
cet, infeliciar eo nomine, amor & delicia nostræ Vla-
dislaus Rex, Avis & Progenitoribus suis Vladislais,

Cast-

Casimiris, Sigismundis: neque Cæcilia Regina, Elisabethis, & Annis, quæsquot filios, tot Reges nobis ediderunt, nisi, qui cum Superis regnare maluerunt. Supereft modo, ut quod vorvemus, fferamusque, has Nuptias ita secundet, fœcundetque summus illarum, auspex Deus, ut in longam Magnorum Regum seriem Iobolescant, & renatos ex Renata Nostra & postbuma sœcula videant, Vladislaos, & Sigismundos, Patrem heroicâ & bellicâ virtute, Matrem Religioso Superum cultu, nobis, & Orbireferentes.

Interim autem dum hæc apud Imperatorem, & Serenissimam Cæciliam Renatam, æmula Ciceronis eloquentia, Reipublicæ Polonæ Legati ex-pediunt, jam Archidux Claudia, cum, ob conti-nuam pluviam, Ottingii biduo moram traxif-set, tandem 6. August. prono Danubio Viennam applicuit. Cujus adventu nuntiato, Imperator Ferdinandus III. Serenissimus, Cæcilia Renata, Archiduce Leopoldo, Principe Johanne Casimiro, & Reipublicæ Polonæ Legatis comitatus, quin-quaginta rhedis Danubij ripam occupavit, Archiducem Claudiam, quatuordecim navibus de-scendentem, excepturus. Ut primum ergo Archiducis navis applicuit, Imperator, relicta terra, in eandem navim descendens, cum Serenissimis aliis, humanissime salutavit. Ipsam deinde Archiducem, cum Sorore Cæcilia Renata, in currum suum

Ee 2 acci-

accipiens, comitantibus Archiduce, Principe Casimiro, ut & Republicæ Polonæ Legatis, in Palatium Imperiale reversus est.

*Vladislaus
IV. & Casimiro
cæcilia Renata
Austriæ
nuptia
9. Aug.* Et jam ad summam rei nihil deerat nisi copulatio ipsa: cum qua, omnibus hucusque felicitatis expeditis, cunctari diutius inutile visum. Itaque, quod felix faustumque, 9. August: tempore produciaria meridiano, comitantibus Ducibus Comitibusque nuptia Viennæ presentibus, regali prorsus magnificentia, ad templum Augustinianorum transitum est. Ibi omnibus ad hanc solennitatem jam antea præparatis, Princeps Johannes Casimirus, veste induitus Phrygia, Vladislaum Regem in hoc matrimoniali actu repræsentans, & Serenissima Sponsa, Cæcilia Renata Austrica, designata Poloniarum Suæcæq; Regina, vestem pariter induta Phrygiam, ad altare accedebant. Et pertinebat quide[m] copulatio de jure ad Viennensem Episcopum, sed, ad instantiam Johannis Lipski, tunc Culmensis & Pomesaniae Episcopi, pro ea vice, juri suo cessit. Quare Culmensis Episcopus, prævia oratione Latina, eâdem lingua, Cæciliam Renatam, Latine pariter in hac solennitate semper & elegantissime respondenter, Casimiro Principi, personam Poloniæ Regis repræsentanti, solenniter junxit. Quo facto, omnia in circuitu Viennæ tormenta, ter in lætitiae & congratulationis signum, detonuere. Inde musica,

fua-

Suavissimo vocum instrumentorumque lenocinio
aures mulcens, successit. Qua finita, VIVAT
VLADISLAUS REX, diversis vicibus ingemi-
nat. Et ita quidem solennitate consummata,
eadem regia magnificentia, in arcem regredie-
bantur. Ibi mensa in aula equitum præparata erat:
in cuius capite Imperator Ferdinandus III. à dex-
tris Principem Johannem Casimirum, tanquam
Sponsum, accipiens, sedit. A latere autem Casimi-
ri Principis Serenissima Sponsa, post hanc Johan-
nes Lipski Culmensis & Pomesaniæ Episcopus. A
sinistris autem Imperatoris, Serenissima Archidux
Claudia, Archidux Leopoldus, & Comes Caspa-
rus Dönhoff Palatinus Siradiensis, consedere. Bi-
bitæ, post paululum, sanitates, & cantati, ad hanc
solennitatem compositi versus, Musicæ harmoniæ
subjecti.

Dum ita dies hæc sponsalitia solennitate trans-
igitur, altera mox in sequenti, Vidua Imperatrix ^{Vidua Im-}
Ferdinandi II. Cæciliae Renatae Poloniarum Regi- ^{peratrix}
^{Ferdin. II.}
næ Mater, ex Styria, ob inassuetum & noxiū va- ^{Viennam}
letudini suæ aërem, Viennam venit; ita adguber- ^{venit.}
nantibus Superis, ut filiæ Cæciliae Renatae, Maximi ^{10. Aug.}
modo Regis dignissimæ Sponsæ, amplissimi Polo-
niæ Regni Magnæ Reginæ, antequam Vienna di-
scederet, præsentia frueretur, et, suprema forte

E e 3 libans

libans oscula, ultimum, præsens, vale diceret; Cæcilia vero Renata, facie Serenissimæ Parentis beata, nullius porro videndi, nisi unius Serenissimi Sponsi, desiderio teneretur.

Sponsa Poloniæ versus discedit 12 August. Itaque, peracto ab omnibus salutationis pâriter & valedictionis officio, Vienna tandem, cum Regina Sponsa, Poloniæ versus discessum est, quos Imperator Ferdinandus III. ultra Wolkerstorffium, honoris gratia, deducebat. Dietrichsteinus Princeps usq; ad ipsos Poloniæ fines: Georgius Traschowicius autem Jaurinensis Episcopus, ut omnibus ubiq; Reginam Sponsam latine salutantibus, ejus nomine responderet, jussu Cæsareo, Warsaviam usq; comitabatur.

In Poloniae limitibus nomine Regis excipitur 24 August. Simulac vero, relictis Imperij Romani limitibus, in Polonicos fines concessere, ecce vastissimum, in patentî viridiique campo, tentorium apparebat: cui cum appropinquarent, Jacobus Zadzick Cracoviensis Episcopus, & Georgius Ossolinski S. R. Imper: Princeps Sendomiriensis Palatinus, quinquaginta rhedis & curribus, & sex hastatorum Sclopetariorumq; turmis, obviam processerunt. Ita Regina Sponsa, inter duos Episcopos Cracoviensem & Culmensem media, in tentorium deducebatur. Ibi, Regis Vladislai nomine, Sponsa, à Cracoviensi Episcopo, Oratione Latina: à Castellæ-

stellana vero Voinicensi Matre Palatini Cracoviensis, summe gravitatis & prudentię Vidua, Polonice salutabatur. Et Cracoviensi quidem Episcopo Jaurinensis Episcopus, Matronæ vero Castellanus Siradinensis, Reginæ Sponsæ nomine, respondebant. Princeps Ossolinus etiam tunc Palatinus Sendomiriensis, Archiducem Claudiam Italice salutavit, cui ipsa Claudia Archidux, eadem lingua respondit. Inde, quoniam S. Bartholomæi festum erat, ab eodem Cracoviensi Episcopo Sacrificium Missæ solenniter inchoatum. Quo finito, Johannes Casimirus Princeps, rhedam ex toto propemodum deauratam, Reginæ Sponsæ præsentavit. Novissime utriusq; nationis Magnates Regie pasti, in vicem valedixerunt. Quicquid enim, excepta Archiduce Claudia & Jaurinensi Episcopo, Germanicum erat, Viennam revertebatur: quicquid Polonicum, partim ad propria se recipiebat, partim cum Regina Sponsa perseverabat.

Ut Tertia die Cracoviam attigere, ecce alius honor: Occurrebat iterum Cracoviensis Episcopus majori nobilium numero comitatus, & Reginæ Sponsæ privato nomine salutata, ad Urbem de-
A Craco- viensibus magna pompa ex cipitur.
27. Aug.
ducebat. Cui cum proprius Sponsa appropinqua-
ret, sedecim cohortes civium, in miram magnificentiæ speciem exornatae, obviam gradiebantur.

Quæ,

Quæ, Serenissimæ Sponsæ propinquiores, in tres partes, prout in tria diversa Oppida Urbs Cracoviensis distincta est, se divisere: quarum Magistratus singuli, Oratione latina, Reginam Sponsam excipiebant. Mercatores præcipui, Attalicis tegumentis unius coloris omnes superbi, centum quinquaginta numero, in equis, ut plurimum Turcicis & Arabicis, occurrerabat: quos totidem famuli, in equis pariter & unius coloris vestitu, sequabantur. Prope S. Florianum Academicus Magistratus, Reginam Sponsam, Oratione Latina, salutabat. Inde Civitatem ipsam Regina Sponsa ingrediebatur. Ibi duobus Arcubus triumphalibus, Turcicæ, Moscoviticæ, Tartaricæ, aliæq; Victoriæ Regis, repræsentabantur. Hos arcus triumphales cù Cœcilia Renata transiret, miro quodā a. tificio, Aquila aiba Coronam Genio tradidit: qui ad Sponsam descendens, eandem ei, cum Sceptro, in iheda obtulit, & mox, uno quasi momento, omnium oculis iese subduxit. Prope Metropolitanam Ecclesiam, Clerus in Pontificalibus occurrebat; cuius Præpositus, Reginam Sponsam oratione Latina salutans, ad chorum introduxit. Tum Episcopus SS. Ambrosij & Augustini hymnum solenniter inchoavit: quo suavissima musica absoluto, cum Sancti Stanislai reliquias Sponsa oscularetur, ter omnia

omnia in circuitu Urbis tormenta detonuere. A templo ad Regiam itum est: cuius primos gradus Sponsa attingente, à Premisliensi Episcopo, & Lithuaniæ Thesaurario, Regis Sponsi nomine, salutabatur. Quibus, sicut alias semper, Sponsæ nomine, Jaurinensis Episcopus, pari facundia, respondebat. Et jam crepusculum vespertinum erat, quo, in confinio lucis & tenebrarum, ad cænam, regia magnificentia præparatam, Serenissimæ hospites se conferebant: sed major curiositas flamarum fusilium, & ignium festivorum plerosque, quam refectionis cupido invaserat. Duas columnas Cracovienses extruxerant, super quas insignia & nomina quædam, è nitrato pulvere, miro artificio fabricata erant. Quibus incensis, nihil ilico nisi flammæ & ignes; ita artificiose facti, ut integræ horæ spatio, inter hæc martialia tela, incorrupta tamen insignia & nomina perseverarent: quæ deinde, quasi momento temporis, in flammarum & fumum evanuere. Novissime Castellum ingeniosissima manu erigebatur, ex quo ignes fusiles, in concurrentiū acierum speciem, binc & illinc emicabant. Interim tibiæ & tympana, alternantibus, è viginti mortariis, Bellonæ tonitruis, resonabant.

Hisce similibusq; spectaculis, in quartam

Ff

usq;

Pintscho^s usq; diem Cracoviæ recreati, coactis iterum in ar-
 via à Mar^e chione ma civibus, ulterius processere. Ubi Pintscho-
 Gonzaga^s viam ventum, Marchio Gonzagæ, Miskovius no-
 splendide mine, ex Mantua^s Marchionibus ortus, adeoq;
 tractatur postquam illa familia Nivernicæ Domui sese mi-
 scuit, & Serenissimorū Ducū, Juliæ, Cliviæ, Mon-
 tium, cognatus, ejus loci Dominus, ducentis No-
 bilibus Comitatus, in foro obviam equitavit;
 quem duo vexilla peditum, Burgrabio Duce, se-
 quebantur. Peracto ibi à Marchione salutationis
 officio, Reginam Sponsam, cum omni comitatu,
 qui duorum millium & quingentorum erat, in
 Palatium suum introduxit. Qua cataractas por-
 tarum subeunte, tormenta in vicino monte di-
 sposita, in lætitia Symbolum, ter flamas vomu-
 ere. Ut est autem Marchio ille in omnes humani-
 tatis eximias, ita Reginam Sponsam, cum ingenti
 illo comitatu, & prandio, & cœna, Regium in
 morem præparatis, refecit. Post cœnam, choreis
 magna pars noctis impensa est.

Tandem, cum in loco, Hscha dicto, Vladislaus
 Viasdo-
 via à Prin-
 cipibus^s Rex, paucis comitatus, hora circiter media no-
 ñtis, Reginam Sponsam, 6. Sept. primum salutas-
 Carolo & set, medio à Warsavia milliari, Uiasdoviam (in
 Anna Cō-
 flantia^s gens Palatium est, recreationi Poloniæ Regum
 excipitur serviens) 10. Sept: pervenere. Ibi Princeps Caro-
 10. Sept. lus

Ius Ferdinandus, cum Sorore Principe Anna Constantia, Reginam Sponsam, & Archiducem Claudiam, excipiebat. Cum vero prandio accumbere jam jam sese accingerent, Vladislaus Rex supervenit. Qui, Sponsam & Archiducem Claudiam, salutans, manuque dicens, inter illas mediis consedit, sed mox, peracto prandio, Warsawiam sese recepit.

Interim omnia ad solennem ingressum præparabantur. Quibus, maximo cum sumptu, in effectum tandem deductis, 12. Septemb: ^{solemnis} ^{eius in-} ^{gressus} ^{VVarsa-}
prandio, Varmiensis Episcopus, & Ossolinus Prin-^{viam, 12}
ceps Sandomiriensis Palatinus, ad hoc à Vladislao ^{Sept:}
Rege deputati, Reginam Sponsam, ad ingressum
& Regiam invitavere. Qua humanissime acquiescente, Princeps Carolus Ferdinandus in rhe-
dam suam Reginam Sponsam, cum Archiduce Claudia, accepit. Quibus honoratiore loco col-
locatis, ipse cum Sorore Anna Constantia, eidem, è regione insedit. Erant autem duo tentoria, Re-
gali prorsus magnificentia, in aperto campo ere-
cta, circa quæ tria hastatorum & Heidonum mil-
lia, tum tredecim vexilla civium, denique quin-
genti nobiles, in equis Turcicis & Attalicis vesti-
bus omnes, in unam aciem congregati stabant.
In priori autem tentorio, Vladislaus Rex, cum

Principe Johanne Casimiro, & quibusdam Episcopis, Reginam Sponsam præstolabatur. Cui ad Regem ingredienti, Præmisliensis Episcopus, idem, ut opinor, qui & nunc Magnus Cancellerius Regni Petrus Gembicki, Sac. R. Majestatis nomine, felicem adventum, Oratione Latina, congratulabatur. Cui, Reginæ Sponsæ nomines Jaurinensis Episcopus, ut alias semper respondebat. Quibus finitis, Rex, Ducibus, Palatinis, & Senatoribus variis comitatus, ad tentorium vicinus Urbi, Reginam Sponsam manu duxit. Ibi, dum Serenissima Sponsa, à Magnatibus variis, & Illustrioribus Virginibus terræ, salutatur, rheda, pro Regina Sponsa noviter facta, ad os tentorij, nutu Regio, advehebatur. Hæc pretiosissima erat, adeo etiam, ut quicquid ferrum esse consueverat, argentum esset: introrsum veste Phrygia, extrorsu holoserico rubro testa. Quæ octo equis generosissimis Turcicis, coloribus in miram pulchritudinem variegatis, trahebatur. Ad hanc cum Regina Sponsa à Rege Sponso duceretur, jam acies in cohortes turmasque soluta, solennem ingressum auspicabatur. Præcedebant rheda vacuae circiter triginta, quas quinque Heidenum vexilla sequebantur. Post hæc Archiepiscopus in rheda veliebatur, cuius verticem, in rheda

rheda pariter, Lubelski Capitaneus Warsaviensis cladebat. Inde vexillum unum Heidonum ibat, cuius vestigia à viginti alatis equitibus premebantur. Vehebatur in rheda, post hos, Matthias Lubinski Plocensis Episcopus, quem quatuordecim vexilla peditum sequebantur: hæc autem, ab insequentibus Regis Heidonibus, sexiga distinguebat. Heidores autem, qui sequebantur, Regii, trecenti sexaginta numero, sub uno vexillo omnes, galeis ferreisq; thoracibus severioris militiæ mores referebant. Prætoriani equites quingenti porro sequebantur, quos viginti quatuor tibicines præcedebant. Inde Dn. Gostomski turma equitum, et, post hanc, Martini Kazanovii Polonici Generalis, hastati, magnifice induti, & alati omnes, equitabant; quorum terga centum quinquaginta, tum Poloni, tum Germani Nobiles, in generofissimis equis Turcicis premebant. Omnia autem hæc equitum peditumque vexilla, circiter quatuor millium militum, novis unius coloris vestibus, ad hoc à Vladislao Rege donatis, singula distinguebantur. Quin imo & plerisq; Nobilibus, & Officialibus suis, regia prorsus munificentia, Vladislaus Rex, holofericas & Attalicas vestes dederat. Adeò ut hi militares ordines, mira voluptate, intuentium oculos recrearent. Itaque, ut ad

propositum revertamur, post hosce centum quin-
quaginta Nobiles, Duces, Principes, Palatini, Lega-
ti externorū Principū, ut & Ragotzii Transylvanię
Ducis, & Maraschalci sequebantur. Tandem ipse
Valdislaus Rex, albo Caballo generosissimo, in
eundē modū, quo octo equi illi generosissimi, qui
Reginæ Sponsæ rhedam pretiosissimam trahebant,
coloribus variegato, inter Principem Johannem
Casimirum jam Cæsariae Majestatis Legatum, &
Sigismundum Marchionem Brandenburgicum,
Brandenburgici Electoris consanguineum & Le-
gatum, medius vehebatur. Vestis illius adeò ad-
amantibus erat referta, ut tota adamantina quo-
dammodo videretur: cui lenocinium ornatus e-
qui, adamantibus pariter auroque refulgens, con-
ferebat. Eos autē generositatis radios corporis
sui Majestate spargebat, ut melius pingere vete-
res Martem non potuisse viderentur. Immediate
post Regem, Regina Sponsa, illâ pretiosissimâ rhe-
dâ, octo equis vehebatur: cui à sinistris iterum
Claudia Archidux, è regione Serenissimi Princi-
pes, Carolus Ferdinandus & Anna Constantia.
Eraut autem, prope Warsaviense suburbium,
quadraginta tormenta & mortaria bellica, in ordi-
nem rite disposita; quæ, postquam Regina Sponsa
rhedâ suâ transferat, in congratulationis & lœtitiae
signum,

signum, detonuere. Inde quinquaginta sexigis Reginæ Sponsæ, Archiducis Claudiæ, & Principis Annæ Constantiæ, gynecæum vehebatur: cuius tergum & agmen ultimum, Civium Warsavien-sium tredecim vexilla cladebant.

In Cracoviensi suburbio Arcus duo trium-phales ereti erant, in quibus, præter picturas ar-tificiosissimas, S. Cæcilia desuper, organum pul-sans, structa erat; infra quā Musici absolutissimi abditi, Cæciliæ Renatæ Sponsa transeunte, sua-vissimā vocum instrumentorumque harmonia, æmulâ Cœlo suavitate, mulcebant aures. Portam ipsam Warsaviensem Reginæ Sponsæ subeunte, hisce, in Arcu triumphali, versibus salutabatur.

*Affusam Regina tibi circumspice turbam,
quaque venis gaude vix reperire viam.*

*Plebis amor tantas tibi convocat Urbecater vas,
quo tibi clausa magis semita, aperta foret.*

Inde.

Has aperit Regina tibi Warsavia portas.

Lata patent Dominæ mœnia, corda magis.

Ab alia parte, hi versus, legebantur.

Docta Themis, jucunda Charis, formosa Dione,

Juno, Minerva, Dice, Flora, Diana, Ceres,

Quæritis unde Lecho nostro sint Orberenatae?

Suscitat innumeratas, una Renata, Deas.

inil A.

Inde,

Inde.

*Annon perpetuos sceptro dabit illa Nepotes,
quæ, quâ luce fuit nata, Renata fuit?*

Propius arcem Regiam subvectis, in Arcubus tri-
umphalibus, alia disticha se offerebant: & ab u-
na quidem parte.

*Arboreas, hospes, portas ne despice: Lechus
intus habet muros, lignea tecta foris.*

Inde.

*Festinis ne nece moras Regina quadrigis,
si populi spectes gaudia, sero venis.*

Ab altera parte.

*Augustus cum tu Rex Vladislacæ voceris,
September nobis Cæcilianus erit.*

Inde.

*Robur, opes, animos, Aquilo conjunxit & Auster,
quisquis in alterutrum corripis arma cave,
Sed & ad ipsam Regiam, à latere dextero, sequen-
tia legebantur..*

Cæcilia Renata,

Luci Austriæ,

Imperatoriæ Domus Sideri,

felici Sospitatrici,

Reginæ,

Conjugi fortunatissime

S.P.Q. Varsav:

P.P.

A sini-

PARTIS SECUNDÆ, LIBER III.

243

A sinistro latere autem

VLADISLAO IV.

*Moscovitico, Turcico, Scythico,
pia, felici, victori.*

*Terrori Orientis,
Occidentis spei,
Conjugi fortunatissimo,
S.P.Q Varsav.*

P.P.

Novissime pro sanitate Serenissimorum Conjugum, Senatus Populusque Varsaviensis, in alio Arcu Triumphali, desuper Stantibus Divorum Poloniæ, Austriæ, Sueciæq; statuis, ab uno latere, ita vovebat.

*Divi Divæque, Meod
Poloniæ & Austriae,
Indagetes:*

CÆCILIAM RENATAM AUSTRIAM,

*Poloniæ Sueciæq; Reginam,
diu Regi,
diu Regno,
diu Urbi huic,
incolumem
Velitis, impetretis.*

*ita vovemus
S. P. Q. Varsav:*

Gg

Ab

Ab altero latere, in eodem Arcu,

Divi Divaque

Poloniae & Sueciae

Præsides & tutelares,

VLADISLAO IV. faventes;

Et secundi bello,

Et pace adfisis.

Diu Cælum virtutem ejus terris

Commodet, diu ipsum exspectet:

Dum Orientem laurea,

Occidentem Olivâ præcingat,

Ita velitis, oretis,

ad votum

S. P. Q. Varsav:

Inter hos Musarum plausis, & Varsaviæ vo-

ta, ad templum S. Johannis ventum est: quod
Regis & Regina cum Serenissimi, cum Magnatibus terræ, subiis-
solennis & nova sent, clausis, ob ingruentis multitudinem vul-
populatio gi, ostiis, à Posnaniensi Episcopo, qui cum Clero
extra chorum obviam illis processerat, Regina
Sponsa, Oratione Latina, salutabatur: cui cum,
more solito, Jaurinensis Episcopus responderet,
jam Gnesnensis Archiepiscopus, Primas Regni,
Johannes Wezyck, Pontificalibus suis indutus,
ad ea, quæ porro ad matrimonii vinculum neces-
faria videbantur, se accingebat: et, præviâ Ora-
tione

tione Latinâ, Vladislaum IV. Poloniæ Sueciæque Regem, Cæciliæ Renatæ Austriacæ, solenniter de novo conjunxit. Inde, *Te Deum Laudamus*, Musica exquisitissima, inchoatum: quo absoluto, duo millia Sclopetariorum, ad hoc destinatorum, in congratulationis & lætitiae signum, explosionibus applausere. Ita felicissime perfecta hâc solennitate, à templo in Regiam, eâdem pompa Serenissimi ducebantur; ubi soli tantum, eâ vesperâ, cœnam sumpsere.

Altera die, ad Cæciliæ Renatæ coronationem processum est. Et tunc quidem tota via, ^{Cæcilia} à Regiæ gradibus, ad templum S. Johannis usq.; ^{Renata} mille pedes longa, decem lata, afferibus sternebatur: qui rubro deinde panno, pretioso satis, ^{Austria-} vestiebantur. Ubi ergo Vladislaus Rex, è Regia ^{ca, in Po-} sua descendit, Palatini & Senatores Regni, vesti- ^{lonia Re-} bus pretiosissimis omnes induiti, terni & terni in ^{ginā, Co-} ordine, hâc viâ Regem præcedebant. Inde Rex, ^{ronatur.} inter Johannem Casimirum Principeim, Cæsariæ Majestatis Legatum, & Legatum Daniæ Regis, medius, inæstimabilis pretii veste indutus, sequebatur. Immediatè post Regem Cæcilia Renata, à Principe Carolo Ferdinando, Hispaniarum Regis personam repræsentante, & tunc Culmensi Episcopo Johanne Lipski, ducebatur, Archidu-

cem Claudiam, Ragotzy Transylvaniæ Ducis Legatus; Principem vero Annam Constantiam, Comes Casparus Dönhoffius, Palatinus Siradiensis, ducebat. Novissime, longo ordine, Serenissimarum, Reginæ, Archiducis Claudiæ, & Principis Annæ Constantiæ, gynecæum sequebatur. Quæ passim magnificentia vestium fuerit, non facilè dictu est. Hoc autem à viris fide dignissimis, qui præsentes fuerunt, accepi, ad aliquot auri milliones accessisse. Tota aula Regia, tum & Serenissimorum Principum, Johannis Casimiri, Caroli Ferdinandi, & Annæ Constantiæ, aulici, à Pedibus quoque, Tibicines, & centum numero Regii stipatores, in novis iterum omnes vestibus, auro argentoque prætextis, comparuere. Ut in Ecclesiam ventum est, Vladislaus Rex, in Sacristiam se contulit, et, mutatis ibi vestibus, Sceptrum manu premens, & corona redimitus tempora, in locum suum reversus, Regaliter sub Majestate consedit. Regina vero, ad summum altare se contulit; ubi scamnum, pro ea, holoserico rubro tectum erat, cum pulvinari. Ad hoc cum accessisset, Gnesnensis Archiepiscopus, Orationes & Hymnos, in hoc actu recitari solitos, ordiebatur. Quibus absolutis, Regina, more conuento, aliquamdiu supina jacuit. Novissimè sublevata,

levata, & ad Sacristiam ducta, mutatis ibi vestibus, majori magnificentia ad altare rediit: cui, solitis cum Cæremoniis, Gnesensis Archiepiscopus, reginali Sceptro manum implevit, & Poloniæ Regni diadèmeate caput cinctus. Dum ita Cæcilia Renata Austriaca, in Poloniæ Reginam coronata, se ad locum, sibi preparatum sub Majestate, conferret, SS. Ambrosii & Augustini Hymnus solenni Musicâ inchoabatur. Quo absoluto, Serenissimi, Rex & Regina, coronati, eodem ordine, & eâdem, per asperges rubro panno tectos, viâ, in Regiam perrexere. Cum aliquot vero passibus à templo processissent, duo aulici, ad hoc à Rege deputati, aurea argenteaque numismata, usque in ipsam Regiam, in confertum vulgus sparserunt.

Ad Regiam autem cum pervenissent, Musici tribus Regiæ portis abditæ, gratissimo modulamine animos recreabant. Simulac vero Regiæ suæ Majestates, relictis asseribus, gradus ascendere, rubet ille, mille trecentarum facile ulnarum, pannus, ab anhelante vulgo in partes lacerabatur. Miraculo simile visum, quod, cum eodem quoque tempore aurea argenteaque numismata largius spargerentur, ex invida compressione nemo mortuus, imo ne læsus, quidem fuerit. Cæterum ubi suæ Majestates, deposito diadèmeate, Sceptro, Or-

natuque Regali, ad mensam se contulere, Vladislaus Rex in capite ejusdem consedit; cuius dexteram Johannes Casimirus Princeps, ut Cæsariæ Majestatis Legatus, Legatus Daniæ Regis, Sigismundus Marchio Brandenburgicus, & Ragotzij Transylvaniæ Principis Legatus: sinistram Poloniæ Sueciæque Regina, Cæcilia Renata Austriaca, Claudia Archidux, Princeps Ahra Constantia, & Princeps Carolus Ferdinandus, occupavere. In alterius mensæ demissioris capite, quinque Episcopi consedere. Quibus ad dexteram, Principes, Palatini, Castellani, Capitanei sive Gubernatores, & Secretarii Regii, Sanctiores; à sinistris, Principes foeminae, & Serenissimarum, Reginæ, Archiducis Claudiæ, & Principis Annae Constantiæ, gynecæum erat. Post hæc choreæ in multam noctem.

Rex, Se-
renissimi
Princi-
pes, Se-
natores,
Officia-
les, & Ci-
vitates
Polonica, &
Reginam
muneri-
bus hono-
ravit. Inde, primâ post coronationem die, Vladislaus Rex, Reginæ suæ, centum viginti millia coropatorum donavit: secunda idem Rex, cum Serenissimis Principibus, Johanne Casimiro, Carolo Ferdinando, Anna Constantia, & Principum externorum Legatis, Reginæ munera obtulit. Quâ tum, ut vocant, per duodecim è gynecæo suo virgines, veste partim Phrygia, partim Attalica candida indutas, exhibuit: quod, præter doctum ad chorea-

choreales numeros alterno pede gressum, mirò ^{Balletum} quodam artificio, subita mutatio loci in Paradisum, arboribus rivisque jucundum, unde duodecim illæ ^{Principio} Virgines egrediebantur, & inopinata, post ^{Anna Cōstantia.} ^{15. Sept.} choreas, in priorem statū translatio cōmendabat. Tertiā, Episcopi, Palatinī, Castellani, & Senatores alii, septuaginta aurea, & argentea vasa, Reginæ obtulerunt, tantæ magnitudinis aliqua, ut robustissimi viri portando fatigarentur. Quartā, præcipua totius Sarmatiæ Civitates & Officiales, oblationibus suis, Reginam honoraverunt. Ingens & sumptuosissimum ea die spectaculum, accitis Gedano & aliis Urbibus ad hoc artificibus variis, Vladislauš Rex instituerat: quod tamen, infotunio aliquo, ad propositum Regis non desiit. Castellum, duodecim columnis fultum, erigi jusserrat, in cuius quatuor angulis, quatuor ætates anni, Ver, Æstas, Authumnus, & Hyems, è nitrato pulvere factæ, conspiciebantur. Desuper Mars, equitibus comitatus, eminebat: qui à quatuor elementis, è nitrato pulvere similiter factis, ab omni latere cingebatur. Inerant Castello ipsi, ignes fusiles varii, & ex ipsis fenestris mortaria, & alia inventa Mavortia, prospiciebant. Ad hanc artificiosissimam machinam, cum crepusculo vespertino, procederetur, ejus artis Magistri, rhomphaeā bis acutâ,

acutâ, & nitrato pulvere farta, fusilium flammârum in morem, aliquanto tempore prælusere. Inde ad Castellum ipsum processum: cuius summitem, duo præcipui ejus rei artifices, ad directionem operis, ascendebant. Quibus ignem applicantibus, nescio quo casu, scintilla decidit, & ad pulverem incendiarium, in ima Castelli parte collocatum, penetravit; adeoque, quod à summo debbat, ab imo incendium cœpit; & spatium horæ corruptit, quod in mediam usque noctem oblectare debuerat. Artificum, qui in suinmitate Castelli stabant, alter in columnis & sanus evasit, alter adustus, Perilli instar, invento proprio torquebatur. Quatuor tamen adhuc Ætates Anni, & Elementa quatuor, artificium spectatoribus aliquater ostendebant. Quintâ, à coronatione, die, tres præcipuæ Regalis Borussiæ Civitates, Gedanum, Elbinga, Thorunnium, Serenissimæ Reginæ munera obtulerunt. Quâ eâdem die, à Serenissimis, Vistula navigata: applaudentibus interim tormentis bellicis, & flammis fusilibus in aërem missis.

*Specia-
cula va-
riæ sequæ-
tibus die-
bus.* Sequentes deinde aliquot dies, choreis Sarmatiæ Virginum, hastifragiis Germanorū Nobiliū, Ursorum, Taurorum, Molosorumque invicem commissionibus, & spectaculis variis, à Rege, in hujus solennitatis gratiam, exhibitis, consumpti
fue-

fuerunt. Nullis ad hæc sumptibus & pecuniis parcebatur: nec aliquid ab ullo, quod ad magnificientiam plausumque conduceret, Vladislao Regi insinuatum, quod non regaliter in effectum deduceret.

Inter omnia autem spectacula, ultimis diebus solennitatis, à Rege exhibita, hoc potissimum admirationem meruit. Structum à mille viris & amplius, in aula Regia, versatile Theatrum erat, <sup>Tragico-
mædia de
S. Cacic-
lia, in
theatro
mirari-
tificij, ex-
hibetur.</sup> eo artificio, ut in formas quascunque, momento temporis, variaretur. In primis, velatâ diei luce, accensisque candelis, tota aula in noctis speciem variabatur. Tum, verso Theatro, jucundissimi ^{23. Sept.} Paradisi species comparuit: cuius rivi & arbores, mirificè oblectantes, cum in stuporem oculos & animos intuentium raperent, subito Paradisus in Civitatem pulcherrimam, fontibus, foris, & plateis distinctam, vertebatur; quæ mox, successivè, in fornices, scopulos, & saxa; inde in fluvios, mare liberum, sinus & freta, & novissime in Infernum desiit. Hujus aspectu in horrorem omnibus alteratis, iterum momento temporis, è tenebris, & è nocte dies, nubes & Cœlum, Cœlestis gloria, campique Elisii visebantur. Quibus inopinatò rursus oculis subductis, lœtissimum ver apparuit, germinante terra, & pullulantibus rosis. Successit

Hh

Ætas,

Æstas, imbræ secum, fulgura, tonitrua, & atidas serenitates, repræsentans. Authumnus inde & Viudemia figurabatur: quæ in canam Hyemem, frigora, glaciem, nivem, gradines, ventos, & tempestates, mox desinebat. His omnibus demum in profundas valles, altos Montes, & opaca nemora, successivè transformatis, sua theatro facies rediit: et, sublatis velis, homines subito luci redditio; ita variarum rerum speciebus in stuporem acti, quasi illusionibus falsi fuissent. Hoc autem omnes, etiam illi, qui plerasque Europæ Regiones peragrârant, fatebantur, nullibi aut industria, aut artificio, simile se spectavisse. Inter hæc, in eodem Theatro, Tragicomædia, S. Cæciliae vitam martyriumque repræsentans, à S. R. Majestatis Musicis, Italicè exhibebatur, eo vestium splendore & magnificencia, eâ personarum agentium agilitate, quæ transfigurationibus illis intermediiis corresponderet.

Regia Vladislai in Austria acos munificientia Hisce similibusque spectaculis quatuordecim diebus consumptis, ad propria quilibet anhelabat. Itaque Vladislaus Rex, ut cum gaudio, qui Poloniarum Reginam Cæciliam Renatam, Vienensis comitati fuerant, in Austria reverterentur, omnes, pro qualitate cujusque, Regiâ munificencia prosecutus est; ita quoque singulis largitus, ut ne vilissimus quidem Agazo transfiretur. Et quam copio-

copiosè donârit, ex hoc eluceat, quod fabro ferrario Viennensi civi, curiositatis gratia Varsaviam comitato, sciens volensque, sexaginta Taliros annumerari jussérunt. Ne esset nimirum, qui ditior non rediret, & singularis Regiæ munificentia fama, jam olim Orbi nota, per Urbes & Regna iterum proficisci eret; nec minus universus Mundus munificentiam ejus, quâ passim liberalissimus Regum audiebat, quam virtutes bellicas & trophæa loqueretur.

Sed & Serenissima Archidux Claudia, quo esset crebrior memoria sui, Aulicos Regios, & Serenissimarum, Reginæ, & Principis Annæ Constantiæ, gynecæum, muneribus liberalissime prosequuta est. Cui deinde Viennam iterum & Oenipontum versus proficisci, Vladislaus Rex, cum tota Domo Regia, sex Varsaviâ milliaribus, ad Stanislaum Radzieowski, Palatinum Lenciensem, honoris gratia comitem sese junxit. Ibi, cœnâ absolutâ, Primus choreas Rex inchoavit: quæ in multam deinde noctem, maximâ omnium cum recreatione, trahebantur. Tandem sequentis diei mane, cœptum Serenissima Claudia Archidux prosequebatur iter: quam Serenissimi, Rex, Regina, Principes, Johannes Casimirus, Anna Constantia, & Carolus Ferdinandus,

ad medium circiter adhuc milliare, ulterius deducebant. Tum, mixtis invicem complexibus, valedicentes, in diversa viarum avulsi, Vladislaus Rex, Serenissimus, Reginā, Anna Constantia, & Carolo Ferdinando, Principibus, Comitatus, Varsaviam rediit: Claudia autem Archidux, Austriam versus, iter promovit. Quām Johannes Casimirus Princeps, quinque milliaribus ultra, Ravam usq;; Comes autem Casparus Dönhoffius, Palatinus Sieradiensis, cum Illustrissima conjugē sua & filia, ad usque Romani Imperii fines, iussu Regio, prosequebantur. Quædeinde, postquam Eberstorffii cum Sacratissimo Imperatore Ferdinando III. de solennibus Varsaviæ omnibus, contulisset, incolmis, cum toto comitatu suo, Oenipontum reverfa est.

Interim Sarmatia paulatim, supremam matrimonii felicitatem anhelans, Divinam clementiam precibus quotidianis sollicitabat, ut, cum Regem Conjuge, Reginā Poloniam benedixisset, nativitas illum prole, hanc novis Principibus beare digna-
An. 1640
1. April. retur. Audivere tandem Superi vota, & populi adorantis affectum liberaliter adimplerunt. Quippe Regina Cæcilia Renata, Anno, post Christum natum, 1640. J. Aprilis, crepusculo matutino, hora quarta & octo minutis, (ut Lucas Grzymalla,
utri-

utriusq; juris, historiarum, & Mathematics peri-
tissimus, sedulo observavit) prolem masculam fe-
liciter enixa est. Quantis, ô, tum Polonia gaudiis
exultabat! Congratulabantur Serenissimis Gen-
itoribus Primates, & natum modo Principem, in-
clyti jam Sueciæ Regni hæredem, in maximi Polo-
niæ Regni lastandi spem, suum velut olim futu-
rum Regem, tacitâ animorum concordia vene-
rabantur. Itaque Serenissimi Parentes, cum Polo-
nia tota, largitori bonorum omnium, grates offe-
runt, reboatque, inter festivos signes, insparsis per
Regnum Ecclesiis, immixtum chelis & Cymbalis,
Te Deum Laudamus.

Decima quinta deinde Aprilis, hora duode-
cima, è Regia, ad baptismum, Christiano more,
processum est. Præcedebant magno numero Nun-
tii Terrestres, aliique nobiles, qui frequentissimi,
ob Comitia 19. April. inchoanda, ex omnibus Sar-
matiæ locis convenerant. Hos Senatores varii &
Marscalci sequebantur. Inde Princeps Carolus
Ferdinandus, inter duos Ecclesiasticos Senatores
medius, Infantem Principem portabat. Post hunc,
Princeps Anna Constantia, inter duos sæculares
Senatores media, ducebatur. Novissime Reginæ
& ejusdem Principis Annæ Constantiæ gynecæum
ibat. Ad portam templi S. Johannis, Serenissimi

Baptiza-
tur 15.
April.

cum pervenissent, Johannes Lipski, idem qui nuper Culmenſis & Pomeſaniæ Epifcopus, nunc Archiepifcopus Gnesnenſis Primas Regni, cum Clero occurrens, ad fontem baptismalem, cuius circumferentia veste holoserica auro intertexta, tum & lapidibus pretiosiſſimiſ fulgebant, introduxit. Ad quem cum pervenissent, Sereniffimiſ & ILLUSTRIFMIſ, circum circa, in gyrum ſtantibus, Gnesnenſis Archiepifcopus Sereniffimum Principem, *In nomine Patris, & Filij, & Spiritus Sancti, Sigismundum Casimirum baptizavit.* Patrini erant, Imperator Ferdinandus III. & Imperatrix: quorum pernand: III. ſonas Sereniffimi Principes, Carolus Ferdinandus, & Anna Constantia, repræſentabant: Post baptiſtum & exquifiſiſſimam Muſicam, Princeps Anna Constantia, Infantem Principem Sigismundum Casimirum, in ulnas suas accipiens, prope eodem ordine, in Regiam reportavit. Inde in arce, decollatis ferculis, propinatae fauſtae, tubarum clangor, ſuaviffima Muſica, & choreæ: in Urbe ve-ro, Sclopetoruſ explosiones, ignes fuſiles, et, è quadraginta ſex grandiorib' machinis, terna tonitrua.

Plures ſolennitates Vladislai Regis, qui eo tempore gravius Podagrâ laborabat, morbus inhibuit. Qui utinam fortiſſimum hunc Regem, cuius vitam, tot ſtupendis victoriis, triumphisque, glorio-

*Votū Va-
letudinis,
& longa
vitæ Re-
gia.*

gloriosissimam, ad benedictionem usq; nati Prin-
cipis, & liberis, per Dei gratiam, liberrimæ natio-
nis suffragiis, olim in Regno sibi successuræ Prolis,
pro modulo meo deduxi, ad exterminationem,,
ruinam, & eversionem Monarchiæ Turcicæ, quam
à fortitudine ejus facile nobis persuademos, nun-
quam redditurus, deserat. Utinam, dico, vigorem
generosissimi animi ejus, vigor corporis & valetu-
do (quæ, per Dei gratiam, excellentissimi Medici
Andreæ Cnöffelij cura, in melius quotidie profi-
cit) sequatur, ut Serenissimus Infans Princeps Si-
gismundus Casimirus, nullius alterius nisi fortitu-
dine Patris, & crebris, de Ottomannica Domo,
victoriis, ad paria & solium ejus erudiatur: Nos
autem gloriosissimum Regem, in Thraciam, Con-
stantinopolim, A siam, & Hierosolymam, in Ægy-
ptum, & Babylonem, victoriis præeuntem, cala-
mo sequamur. Ita vovemus: & clando ejusdem,
cujus hoc opus cœpi, Senecæ verbis. *Dij illum De æq[ue] sol: ad*
omnes terris diu commondent. Acta hic D. Augusti Polyb:

E annos vincat, ac quam diu mortalit
erit, nihil ex Domosua, morta-
le sentiat.

F I N I S



11 LIBER IN
SALVATOREM. DEO PROSPERITATEM.
SALVATOREM. DEO PROSPERITATEM.



